

ეროვნული კონსტიტუციური

სყუარება თინეჯი



გამომცემლობა „დედაენა“
თბილისი
2008

ერიკ კესტნერის „ტყუპთა ოინები“ ქართულად 1972 წელს გამოიცა. წიგნის ღრმა ფსოქოლოგიზმმა, გულწრფელობამ, არაჩვეულებრივმა სიუჟეტურმა ქარგამ, შესანიშნავმა იუმორმა გადაგვანყვეტინა ხელახლა გამოცემა ამ მივინყებული თხზულებისა. იგი ყმანვილთათვის სახალისოა და სამაგალითო, ხოლო მშობელთათვის – დამაფიქრებელი.

წიგნი იბეჭდება უცვლელად, მთარგმნელის სტილის დაცვით, მცირეოდენი რედაქციით.

გერმანულიდან თარგმნა დავით ჩაკვეტაძემ

მსატვარი ვალტერ ტრიერი

გარეკანის მსატვარი მალხაზ კუხაშვილი

წინამდებარე გამოცემის დამფინანსებელი

გოგონა ნეფარიძე

ISBN 978-9941-0-0697-5

უაკ (UDK) 82-93:8211122-32

კ-423

მცირე რამ წიგნის ავტორზე

იქნებ, ბევრ თქვენგანს უნახავს კიდევ ავსტრიული კინოფილმი „ტყუპთა ოინები“. ეს საინტერესო ფილმი გადაღებული იყო გამოჩენილი გერმანელი მწერლის ერიჰ კესტნერის საბავშვო რომანის მიხედვით.

ერიჰ კესტნერის ამ წიგნში ძალიან მიძინდველადაა მოთხრობილი ორი გარეგნულად განუზრახველი გოგონას ფათერაკებით აღსავსე თავგადასავალი, ლოტხენისა და ლუიზას „გაორების“ ამბავი!

კაცმა რომ თქვას, ასეთი რამ სულაც არ უნდა იყოს უცხო – საკმარისია, დიდი ამერიკელი მწერლის მარკ ტვენის სახელგანთქმული ნაწარმოები „უფლისწული და მათხოვარი“ დავასახელოთ (სხვათა შორის, მასაც მოეპოვება თავისი კინემატოგრაფიული „ორეული“), მაგრამ გერმანელი მწერლის ამ ნაწარმოებს განუმეორებელი მომსიბვლელია აქვს და მისი იდეაც სულ სხვაა.

თუ რა გადახდათ თავს ნაწარმოების ამ გმირებს, ამაზე განზრახ არაფერს ვამბობთ; ანოტაციაც კი იმ საიდუმლოს ნადრევი გამეღვენება იქნებოდა, ავტორის პირით რომ უნდა შეიტყოს მკითხველმა. სჯობს, თვითონ წაიკითხონ ეს უცნაური თავგადასავალი. ოღონდ წინასწარ უნდა გითხრათ, ჰუმანისტი მწერლის ყოველი სტრიქონი ადამიანისადმი უსაზღვრო სიყვარულით არის გამთბარი. მასში გულწრფელად, მხატვრული დამაჯერებლობითაა გადმოცემული, თუ რა სავალალო ბავშვთათვის მშობლების გაყრა, რაც ზშირად წამიერ გულისთქმას აყოლილი ადამიანების დაუფიქრებელ ნაბიჯს და გაუგებრობას მოჰყვება სოლმე.

ჩამდენივე სიტყვა თვით მწერლის ცხოვრებაზე.

ერის კესტნერი დაიბადა 1899 წელს ქალაქ დრეზდენში, წვრილი მესაკუთრის ოჯახში, სწავლობდა სამასწავლებლო სემინარიაში, მონაწილეობდა პირველ მსოფლიო ომში. შინ დაბრუნებულმა ბევრთად განაგრძო ლიტერატურის, ისტორიისა და ფილოსოფიის შესწავლა გერმანიის სხვადასხვა ქალაქში (ლაიფციგი, როსტოკი, ბერლინი). სწავლის წლებშივე რედაქტორობდა ლაიფციგის ერთ-ერთ მემარცხენე დემოკრატიული მიმართულების გაზეთს, ხოლო მოგვიანებით ნაყოფიერად თანამშრომლობდა მრავალ გერმანულ პერიოდულ გამოცემაში.

ჰიტლერული დიქტატურის დასაბამიდანვე მწერალსა და მის წიგნებსაც პოლიტიკური უნდობლობა გამოეცხადა.

კიდევ უფრო მრავალხრივი და ნაყოფიერი გახდა მისი შემოქმედება ომის შემდგომ წლებში. 1945 წლიდან ერის კესტნერი დასავლეთ გერმანიის ქალაქ მიუნხენში ცხოვრობს. იგი ითვლება მწერალთა ერთერთი პროგრესული ორგანიზაციის, ეგრეთ წოდებული „პ ე ნ ს“ დასავლეთგერმანული ცენტრის პრეზიდენტად. ეს ორგანიზაცია მიზნად ისახავდა ხალხთა შორის მშვიდობისათვის და ჩასობრივი დისკრიმინაციის წინააღმდეგ ბრძოლას. 1957 წელს მწერალს მიენიჭა გეორგ ბიუსენერის სახელობის ლიტერატურული პრემია.


ავტორის მეორე მნიშვნელოვანი საბავშვო ნაწარმოებია „ემილი და დეტექტივი“.

„ტყუპთა ოინები“ თარგმნილია 1966 წლის გერმანული გამოცემიდან.

დავით ჩაკვეტაძე

თავი პირველი

ზეებიული ბიულზეეზე. ბავშვთა პანსიონატები თითქოს ფუტკრის სკებია. ავტობუსს ოცი ახალბედა ჩამოჰყავს. კულულები და ნაწნავები. შეიძლება ბავშვმა ბავშვს ცხვირზე უკბინოს? ინგლისის მეფე და მისი ასტროლოგიური ტყუპის ცალი. ვაი, თუ სიცილმა ნაოჭები დაამჩნიოს.



ზეებიული თუ გაგიგონიათ, მთის სოფელი ზეებიული? ზეებიული ბიულზეეზე? არა? ნუთუ მართლა? საკვირველია! ვისაც უნდა ჰკითხო, გეტყვით — ზეებიული არ გაგიგონიაო. იქნებ, ზეებიული სულაც უცნობი ადგილია

და სწორედ მას გაეგონება, ვისაც ეს შეკითხვა არასდროს
სმენია?! აღარც ეს გამიკვირდება, ასედაც ზდება ზოლმე.

ჰოდა, რაკი არ გაგიგონიათ ზეებიული ბიულზევეზე, რა-
საკვირველია, არც ის გეცოდინებათ, იქ რომ განთქმუ-
ლი პანსიონატია პატარა გოგონებისათვის. საწყენი კია,
მაგრამ რას იზამ?! ბავშვთა პანსიონატები გაჭრილი ვაშ-
ლივით ჰგვანან ერთმანეთს. ერთი თუ იცი, ყველა გცნო-
ბია და ისაა. ჩამვლელმა შეიძლება იფიქროს კიდევ, ეს
რა უშველებელი სკებიანო: ბავშვთა სიცილ-კისკისი, ყი-
ყინა და ჩურჩულ-კუჭკუჭი სულ ერთიანად აზუზუნებს
იქაურობას. მართლაც რომ ბაღღური ბედნიერებისა და
სიხარულის საფუტკრეთია ასეთი პანსიონატები და ათი
ამდენი რომ იყოს, მაინც არ იქნებოდა საკმარისი.

მართალია, მწუხრის ყამს სამინებელი დარბაზის სა-
წოლებზე დროდადრო სამშობლოს სევდისამშლელი ჭა-
ღარა ქონდრისკაცი წამოსკუპდება, ჯიბიდან საანგარიშო
რვეულსა და რუს ფანქარს ამოაძვრენს და დინჯად და-
ითვლის ირგვლივ მყოფი ბავშვების შეგუბებულ თუ ჩა-
მოღვარულ ცრემლებს, მაგრამ დილით, აკი შენც ზედავ,
დარდის ჭინკა სადღაც გამქრალა. მერე აწკრიალდება
რძის ფინჯნები და ენადგაკრეფილი პატარა გოგონები ისე

ტიტინებენ, თითქოს ერთმანეთს ეჯიბრებიანო. შემდეგ კი საბანაოდ მოირთვებიან და ჰერბი! — ლურჯკამკამა გრილ ტბაში გადაეშვებიან. ჭყუმპალაობენ, ზოგი მარტლაც ცურავს, ზოგიც თავს ისე აჩვენებს, ვითომ ვცურავო.

ასეთია ზეებიული ბიულწეწე და იქ იწყება ამბავი, თქვენთვის რომ მსურდა, მომეთხრო. ცოტა არ იყოს, დასლართული ამბავი კი არის. ამიტომ ზოგჯერ სმენად უნდა გადაიქცეთ, რომ ყველაფერი დაწვრილებით და საფუძვლიანად შეიტყოთ, რაღა თქმა უნდა, დასაწყისი კეთილია, ოღონდ მომდევნო თავებში კაი გვარინად რთულდება და ისლართება ამბავი.

ჯერჯერობით კი ყველანი ტბაზე ბანაობენ. როგორც ყოველთვის, ახლაც ყველაზე მეტად ეს ახტაჯანა, ცხრა წლის გოგონა ცელქობს, კულულები რომ ჩამოშლია და თავშიც ათასგვარი ოინბაზობა უტრიალებს. ეს ლუიზა პალფი გახლავთ. იგი ვენიდანაა.

აგერ, სასლიდან გონგის სმა მოისმის, ჩამოჰყრეს მეორედ და მესამედაც, ბავშვები და მათთან ერთად მობანავე აღმზრდელებიც ნაპირისკენ მოდგაფუნებენ.

— გონგი ყველას ესება, მათ შორის ლუიზასაც! — გასმანის ფროილან ულრიკე.

— მოვდივარ! — ყვირის ლუიზაც, — მე სომ ბერკაცია

ვარ, ჩქარი მატარებელი ნუ გგონივართ! — და ბოლოს მასაც ეღირსა ნაპირზე ამოსვლა.

ფროილან უღრიკე ამ აყაყანებულ ბატებს უკლებლივ მიერეკება ფარდულში, ოჰ, ეს ჩა წამოგვცდა, — შინ! თორმეტი საათი რომ გაიჭიმება, სადილობენ. მერე კი მოუთმენლად ელიან მზის გადახრას. ჩა მოხდა?

ნაშუადღევს ოცი ახალბედა უნდა ჩამოვიდეს. ოცი პატარა გოგონა სამხრეთ გერმანიიდან. როგორ იქნება, მათ შორის ერთი-ორი პრანჭია და ენაჭიკჭიკა გოგონაც არ გამოერიოს ან თუნდაც ცამეტ-თოთხმეტი წლის ქალბატონი „ბებიები“. ნეტა საინტერესო სათამაშოებს თუ ჩამოიტანენ! ეგება, რეზინის ბურთიც ჰქონდეს ვინმეს, თორემ ტრუდას ბურთს სული მიეპარება, ბრიგიტამ კი თავისი ბურთი კარადაში გამოკეტა და ხელს აჩავის აკარებინებს, აჩაფერი დაუშავდესო. ასეთი რამეებიც ხდება აქ!

* * *

მამ ასე, ნაშუადღევს ლუიზა, ტრუდა, ბრიგიტა და სხვა ბავშვები ფართოდ გამოღებულ რეინის ვეება ჭიმუკართან იდგნენ და მოუთმენლად ელოდნენ ავტობუსს, რომელ-

საც უახლოესი სადგურიდან უნდა მოეყვანა ბავშვები.
თუ ძაღვარბებელი დროზე ჩამოდგება, უკვე უნდა...

აგერ, პიპინი მოისმის, მოდიან!

ავტობუსი ქუჩაში მოსრიალებს, ფრთხილად შემო-
უხვია და გაჩერდა, გადმოვიდა შოფერი და დაფაცურდა,
რიგრიგობით გადმოიყვანა მანქანიდან პატარა გოგონები.
ჯერ პატარა მგზავრები გადმოსხა, მერე ბეჯითად გადმო-
ალაგა მათი ჩემოდნები და ბოხჩები, დედოფლები და კა-
ლათები, ხელპარკები და თოჯინა-ცუგრიები, სასრიალო
გორგოლაჭები და საწვიმრები, ქოლგები და თერმოსები,
ზურგჩანთები და ნახატებიანი წიგნები, ბოტანიკოსთა
საყვირები, პეპელსაჭერი ბადეები და ათასი სხვა რამ.

სულ ბოლოს ავტობუსის კარის ჩაჩჩოში მეოცე გო-
გონაც გამოჩნდა თავისი ბარგი-ბარხანიანად. დინჯად
იცქირებოდა აქეთ-იქით. შოფერმა ხელი გაუწოდა შე-
სამშველებლად, მაგრამ გოგონამ უარის ნიშნად თავი გა-
იქნია, ტყუპი ნაწნავი უკან გადაიგდო და შოფერს ზრდი-
ლობიანად და დაჯერებულად მიუგო: „გმადლობთ, არ
მჭირდებაო“; დარბაისლურად, მტკიცედ ჩამოადგა ფეხი,
მორცხვი ღიმილით ირგვლივ მიიხედ-მოიხედა და გაო-
ცებისაგან უცებ თვალები გაუფართოვდა — იგი ლუიზას

მიშტერებოდა. ლუიზამაც თავი მაღლა ასწია და დაფეთებული მიაცქერდა.

დანარჩენი ბავშვები და თვით ფროილან ულრიკეც მოჯადოებული შესცქეროდნენ სან ერტს, სან მეორეს, შოფერმა თავი უხერხულად გადასწია, კეფა მოიქექა და პირი დაადო, რა ამბავიაო.

ლუიზა და ახლად ჩამოსული გოგონა ნამდვილი ალიკვალი იყვნენ ერთმანეთისა! თუმცა ერტს კულულები ეყარა, მეორეს კი საგულდაგულოდ დაწნული ნაწნავები მოუჩანდა, ეს იყო და ეს მათი განმსახვავებელი ნიშანი.

გაოგნებული ლუიზა მკვირცხლად შემოტრიალდა და ბარისაკენ ისე მოკურცხლა, თითქოს მხეცები გამოეკიდნენო.



– ლუიზა! ლუიზა! – დაადევნა ძახილი ფროილან ულრიკემ, მაგრამ გაგიგონიათ?!

ქალიშვილმა უხერხულად შეიმშუშნა მხრები და ოც პაწიას შინისაკენ წაუძღვა. სულ ბოლოში უსაზღვრო გა-
ოცებისაგან დაბნეული გოგონა მიკუნკულებდა.

* * *

ბავშვთა პანსიონატის უფროსი, ფრანუ მუთეზიუსი ბი-
უროში იჯდა და სანშიშესულ, ჯერაც ჯანღონიან მზარე-
ულ ქალს სახვალთო მენიუზე ეთათბირებოდა.

კარებზე დააკაკუნეს. შემოვიდა ფროილან ულრიკე
და უფროსს მოახსენა: პაწიები უკლებლივ გამოცხად-
დნენ და თავს კარგად გრძნობენო.

– მოხარული ვარ, დიდად გმადლობთ!

– კიდევ რაღაც უნდა მეთქვა...

– ბრძანეთ! – საქმეში ჩაფლულმა ქალბატონმა გამგემ
წამით აიღო თავი.

– ლუიზა პალფიზე უნდა მეთქვა... – ცოტა არ იყოს
ყოყმანით დაიწყო ფროილან ულრიკემ, – აგერ კარებთან
იცდის...

– შემოიყვანეთ ეკ ეშმაკის ფეხი, – ფრანუ მუთეზიუსმა
ღიმილი ვერ დამალა, – კიდევ რაიმე ოინი ჩაიდინა?

– ამჯერად არა, უბრალოდ... – აღმზრდელმა კარი გა-
მოაღო და გასძახა:

– ორივენი შემოდით, ნუ გეშინიათ!

ოთახში ორი პატარა გოგონა შემოვიდა, ერთმანეთი-
საგან შოშიშორს დადგნენ..

– ღმერთო, შენი სასკელის ჭირიძე! – ჩაიბუტბუტა
მზარეულმა ქალმა.

სანამ ფრაუ მუთეზიუსი განცვიფრებით შესცქეროდა
გოგონებს, ფროილან ულრიკემ მოახსენა:

– ახალჩამოსული ლოტა კერნერია, იგი მიუნხენიდა-
ნაა.

– ნათესავები ხართ?

გოგონებმა უარის ნიშნად თავი გააქნიეს.



– დღემდე თვალთაც არ დაუღანდავთ ერთმანეთი, უცნაური, არა? – გაუკვირდა ფროილან ულრიკეს.

– ვითომ ჩატომაც უცნაური, ერთი მიუნსენიდან ყოფილა, მეორე კი – ვენიდან!

ფრაუ მუთენიუსი ალერსიანად მიუბრუნდა გოგონებს:

– ჩაკი ერთმანეთის ალი-კვალი გაჩენილხართ, იმედია, კარგადაც დაძვებრდებით, ჩა უცხოებივით დგახართ, ხელი გაუწოდეთ ერთმანეთს!

– არა! – წამოიძახა ლუიზამ და ხელები ზურგს უკან დაძალა.

ფრაუ მუთენიუსმა მხრები აიჩეჩა, ერთხანს ჩაფიქრდა და მეზე თქვა:

– შეგიძლიათ წახვიდეთ!

ლუიზა კართან მიიჭრა, უმაღლ გამოალო და გამოვარდა. ლოტა კი რევერანსით აპირებდა ოთახიდან წყნარად გამოსვლას.

– ერთი წუთით, ლოტენ! – შეაჩერა ქალბატონმა გამგემ და დიდი ყურნალი გადაძალა, – ბარემ ახლავე შეგიტან სიაში. მამ ასე, სად დაიბადე და როდის, მშობლების სახელი და გვარი?

– მხოლოდ დედა მყავს, – ჩურჩულით თქვა ლოტამ.

ფრეუ მუთეზიუისმა მელანში კალამი ჩააწო:

– ჯერ დაბადების წელი მითხარი, გენაცვალე!

* * *

ლოტამ დერეფანი გაიარა, კიბეებს აუყვია, კარბი შეაღო და გასახდელში შევიდა. ჩემოდანი გახსნა, კაბები, წინსაფრები, პერანგები, წინდები ამოალაგა და კარბადაში შეაწყო. ღია ფანჯრიდან მოისმის ბავშვების სიცილ-კისკისი. ლოტას ხელში უჭირავს ახალგაზრდა ქალის სურათი. ერთხანს ალერსიანად დაჰყურებდა. მერე წინსაფრის ქვეშ დამალა სათუთად. სწორედ ის იყო, კარბის მიხურვას აპირებდა, რომ შიდა კედელში ჩასმულ სარკეში თავისი თრეული დალანდა. დინჯად დააკვირდა, თითქოს პირველად ხედავსო, მერე ერთბაშად ნაწნავები უკან გადაიყარა, კულულებად დაიშალა და სწორედ ლუიზასავით დაიყენა.

სადღაც კარმა გაიჯახუნა, თითქოს თავზე წამოადგნენო, ლოტამ ფიცხლავ ჩამოუშვა ხელები.

* * *

ლუიზა მეგობარ გოგონებთან ერთად ბაღის ყორეზე წამოსკუპულა და კუშტად შეუკრავს კოპები.

– ამას კი ვერ მოვითმენდი, ვილაც თავხედი ჩემივე სა-

სით გამომეცხადოს! – უთხრა ტრუდამ, ვენელმა თანაკ-
ლასელმა.

– მერე, რა უნდა ვქნა? – ჰკითხა ლუიზამ.

– დაკაწრე ერთი გემოზე! – ახლა მონიკამ შეაქვსა.

– ის არა სჯობს, ცხვირი მოაკვნიტო? მთელ ჯავრს ერ-
თბაშად ამოიყრი! – ურჩია ქრისტიანამ, თან ასკინკილას
უვლიდა.



– მე კი ჩამამწარა ეს არდადეგები და! – ნაღვლიანად
თქვა ლუიზამ.

– რა მისი ბრალთა, რომ ასე გგავს! – აუხსნა ლოყებ-
ფუნთუშა შტეფიმ. ტრუდამ გაიცინა.

– შენ ხომ არ გგონია, ისე ჩერჩეტი ვინმე გამოჩნდება ქვეყნად, შენნაირი გოგრა გამოიბას და ისე დაკუნტრუ-შებდეს?!

შტეფი გაიბუტა. ბავშვებმა სიცილი ველარ შეიკავეს. ამ დროს გონგის სმაც გაისმა.

– ნადირები უნდა დააპურონ! – წამოიძახა ქრისტიანამ და გოგონებიც ყორიდან ჩამოსტდნენ.

* * *

ფრაუ მუთეზიუსს ფროილან ულრიკე სასადილო დარბაზში მიუხმია:

– ჩვენი პატარა ორეულები გვერდიგვერდ დავსხათ, იქნებ, რადიკალურმა მკურნალობამ უშველოთ.

ამ დროს დარბაზში აურზაურით შემოცვივდნენ ბავშვები და სრიგინ-სრიგინით მისწი-მოსწიეს ტაბურეტები. მოსამსახურე გოგონებს შორის ზოგმა ოხშივარადენილი კერძები ჩამოარგია, სხვები კი გამოწვდილ მათლაფებში ასხამდნენ კერძს.

ლუიზასა და ტრუდას თავს წამთადგათ ფროილან ულრიკე, ტრუდას მსარზე ხელი დაადო და ეუბნება:

– ჰილდა შტურმის გვერდით გადაჯდები!

ტრუდა შემობრუნდა და შეპასუხება დააპირა.

– კი, მაგრამ...

– ხმა, კრინტი!

გოგონამ მხრები აიჩინა და ბუნდუნით გადაჯდა.

წკრიალებს კოვზები. ლუიზას გვერდით ადგილი ცარიელია. სწორედ საკვირველია, როგორ მიშტერებია ამდენი თვალი ამ კინკილა ტაბურეტს.

უცებ, თითქოს სამხედრო ბრძანება გაიცაო, ყველამ ერთბაშად მიიხედა კარისაკენ. ლოტა შემოვიდა.

– როგორც იქნა, მოხვედი, – შეეგება ფროილან ულრიკე, – წამოდი, ადგილს მიგიჩენ!

და ეს უწყინარი, დინჯი, ნაწნავებიანი გოგონა მაგიდასთან მიიყვანა. ლუიზას თავიც არ აუწევია, გაგულისებული სვრებადა წვენს. ლოტა თვინიერად მიუჯდა გვერდით. კოვზი აიღო, მაგრამ ლუკმა ყელში არ გადასდიოდა.

გოგონები ქურდულად უმზერდნენ საოცარ წყვილს. ამაზე მეტად ალბათ ორთავიანი და სამთავიანი სბოს დანახვაც არ გაუკვირდებოდათ. ბუთხუნა შტეფი ხომ მეტიმეტი გაოცებისაგან პირდაღებული დარჩა!

ლუიზას მოთმინების ფიალა აევსო. მაგიდის ქვეშ ფეხი გააპარა, რაც ძალი და ღონე ჰქონდა, წაჰკრა ლოტას, ლამის წვივი მოამტვრია. საწყალი ბავშვი ტკივილისაგან დაიძანჭა და ტუჩი ჩაიკვნითა, ხმა კი არ ამოუღია.

უფროსებს ცალკე გაუშლიათ სუფრა.

– ჩემს დღეში არ მინახავს და არც გამიგონია, ორი სავსებით უცხო გოგონა ასე ჰგავდეს ერთმანეთს! – თქვა აღმზრდელმა ქალმა გერდამ და თავი გადააქნია.


– ნეტა, ასტროლოგიური ტყუპები ხომ არ არიან?! – დაეჭვდა ჩაფიქრებული ფროილან ულზიკე.

– „ასტროლოგიური ტყუპები“ რაღა უბედურებაა? – ჰკითხა ფროილან გერდამ.

– თურმე, არსებობენ ადამიანები, შორეული სისხლით ნათესაობაც არ აკავშირებთ და ერთმანეთს კი გაჭრილი ვაშლივით ჰგვანან. წამის უმცირესი წილით თანხვდება ხოლმე ამ ორი ადამიანის ქვეყნად მოვლინება.

– ოჰ! – გაუკვირდა ფროილან გერდას.

ფრაუ მუთენიუსმა კი თავის ქნევით დაუდასტურა:



– მე ოდესღაც წამიკითხავს ერთი ლონდონელი თერ-
პის ამბავი; თურმე, ინგლისის მეფე ედუარდ მეშვიდესა-
გან¹ ვერ გააჩნევდით, მეფის ალი-კვალი ყოფილა, თა-
ნაც სოლისებურად შეკრეჭილ წვერს ატარებდაო. მეფეს
ეს კაცი ბუკინგემის სასახლეში² მიუწვევია და დიდხანს
უსაუბრია მასთან.

– მერე, მართლა ერთსა და იმავე წამს დაბადებულან
ორივენი?

– დიახ, შემთხვევით დადგინდა, თანაც უზუსტესად.

– მერე, მერე? – გაფაციცებით ჩაეკითხა გერდა.

– თერპი იძულებული გამხდარა, თავის წვერს დამშვი-
დობებოდა. ასეთი იყო მეფის სურვილი.

ყველას გაეცინა, ჩაფიქრებულმა ფრაუ მუთენიუსმა კი
იმ მაგიდას გადახედა, ორი პატარა გოგონა რომ უჯდა, და
მერე თქვა:

– ლოცა კერნერს ლუიზა პალფის საწოლის გვერდზე
დაუდგით საწოლი – ერთმანეთს უნდა შეეჩვიონ!

¹ ედუარდ VII ცხოვრობდა 1840-1910 წლებში. ინგლისის სამეფო ტახტზე იგი
1901 წლიდან იჯდა.

² ბუკინგემის სასახლე აშენდა XVIII საუკუნის დასაწყისში. შემდგომში იგი რამ-
დენჯერმე გააფართოეს და განაახლეს. 1837 წლიდან ბრიტანეთის მეფეთა მთა-
ვარი რეზიდენციაა. სასახლეში სელონების ძვირფასი ნიმუშები – ნახატების
კოლექციები ინახება.

ღამეა. ყველა ბავშვს სძინავს, გარდა ორისა.

ამათ ერთმანეთისათვის ზურგი შეუქცევიათ და გატრუნულან, თითქოს სძინავთო, თვალები კი გაუხელიათ და სიბნელეს ჩაშტერებიათ.

ლუიზამ ბრანზიანად გახედა ვერცხლისფერ ბლითს, მთვარე მის საწოლს რომ ახატავდა, და უცებ ყურები ცქვიტა: ვიღაც ჩუმი, მოგუდული სმით სლუკუნებს.

ლოტას ხელები ტუჩებზე მიუჭერია. აგონდება, დედამ რომ უთხრა გამომშვიდობებისას: „ო, როგორ მიხარია, ერთ-ორ კვირას მაინც მხიარულ ბავშვებთან გაატარებ! ნაადრევად დამიდინჯდი, ლოტხენ, ძალზე ნაადრევად! ვიცო, ეს ჩემი ბრალია, სახლის მისახედავად ვერ ვიცლი, სამსახური მაქვს ისეთი. შინ დაქანცული ვბრუნდები. ამასობაში შენ უნდა რეცხო, კერძი ამზადო, სუფრა გაშალო... სხვა ბავშვებივით ნავარდს ვინ გაღიზსებს! სიცილ-კისკისისაგან სახეგაბრწყინებული დამბრუნებოდე, ჩემო პატარა დიასახლისო!“ ჰოდა, ახლა კი წევს ამ ავგულა გოგონას გვერდით, რომელსაც მხოლოდ იმისთვის შეზიზღებია, ჩემნაირი რატომ გაჩნდიო. ლოტა ხვნიშის და ისევ სლუკუნებს... ეს რაღა ამბავია – ვიღაცას პაწია,

მოუსეშავი სელი თმაზე უაღერსებს წყნარად. ლოტსენი შიშისაგან გახევდა, ვითომ ეს შიშია? ლუიზას სელი ისევ და ისევ უაღერსებს მორცხვად მის თმას.

ვრცელი საძინებელი დარბაზის ფანჯრებში სავსე მთვარე იჭყიტება. გვერდიგვერდ წევს ორი პატარა გოგონა, ერთმანეთისათვის თვალბში შესედვა რომ ვერ გაუბედავთ და აი, ერთი მათგანი, ახლახან რომ სლუკუნებდა, სელის ცეცებით დაეძებდა მეორის მოაღერსე სელს.

— კარგია, ახლა კი შემიძლია, დამშვიდებით ჩავესვენო! — თითქოს ფიქრობს შევერცხლილი ძველი მთვარე და ჩადის კიდევ.



თავი მეორე

რით განსხვავდება დაზავება მშვიდობისაგან? სადა-
ღაქო სალონი სააბაზანოში. გაორებული ლოტხენი.
ტრუდას სილა გააწნეს. ფოტოგრაფი აიპელდაუერზი და
სასტუმროს დიასახლისი. ჩემი დედოკო! – ჩვენი დედოკო!
– თვით ფროილან ულრიკეც შეეჭვებულა.

ნეტავ, ფასი თუ ექნება ორთა დაზავებას, ან ხანგრძლივ
თუ გასტანს? თუმცა მოლაპარაკება არ გამართულა, სიტ-
ყვაც არ დაძრულა, ისე დაიდო ზავი. მაგრამ დაზავებიდან
მშვიდობამდე რომ დიდი გზაა! ჩემდათავად კიდევ ვირწმუ-
ნებდი კეთილ დაბოლოებას, მაგრამ... იქნებ, არა?

მეორე დილით გამოღვიძებულებმა ვერ იქნა და თვალი
ვერ გაუსწორეს ერთმანეთს. ვერც მაშინ, დამისპერანგე-
ბიანები პირსაბან ოთახში რომ შეტანტალდნენ; ვერც
მაშინ, ერთმანეთის მხარდამხარ კარადის წინ ტანთ რომ
იცვამდნენ, ანდა ერთად რომ უსხდნენ მაგიდას და დილის
საუშმეზე რძეს შეექცეოდნენ; ვერც მაშინ, წყვილად რომ
გარბოდნენ ტბის ნაპირას და გზადაფზა მიიმღეროდნენ;
ვერც მაშინ, აღმზრდელთა თანდასწრებით ფერხული რომ
ჩააბეს და თან ყვავილთა გვირგვინებს წნავდნენ. ვერა

და ვერ გაუსწორეს ერთმანეთს თვალი! არა, ერთხელ კი სტყორცნეს ელვის უმაღლეს მხერგა, მაგრამ მაშინაც რა-ღაცნაირი შიშით დაიზაფრნენ ორივენი და დასსლტნენ.

* * *

ავერ, მდელაზე ფროილან ულრიკე წამომჯდარა და გატაცებით კითხულობს საუცხოო რომანს. ყოველ გვერდზე სიყვარულის ამბავია მოთხრობილი. დროდადრო იგი თავს აიღებს და დიპლომიან ინჟინერზე, ბატონ რედემასეზე, დეიდამისის მდგმურზე ოცნებობს. ინჟინერს რუდოლფი ჰქვია. ჰოი, ეს რუდოლფი!

ლუიზა კი ამ დროს თავის მეგობარ გოგონებთან ერთად ბურთს თამაშობს. დაბნეული კია — თიღქოს ვიღაცას ან რაღაცას დაეძებს და ავერ უპოვიაო.

— აღარ უნდა უკბინო ცხვირზე იმ ახლად ჩამოთრეულს? — ჰკითხა ტრუდამ.

— ნუ სულელობ, ერთი! — მიუგო ლუიზამ.

ქრისტინა გაოცებული შესცქერის გოგონას.

— ამას უყურე! შენ ხომ მისი ჯავრი გჭირს!

— ვინც თვალში არ მომივა, ყველას ხომ ვერ მოვაკვნეტ ცხვირს! — გულგრილად უთხრა ლუიზამ და დასძინა: — კაცმა რომ თქვას, მე სულაც არ ვბრზობ მასზე.



– აკი გუშინ დასახავად ვერ იტანდი! – გაახსენა შტეფიძე.

– ბრახობს და მეზე როგორ! – გამომწვევად ჩაერია მონიკა, – გუშინ ხომ კარგად წაჰკარი წვივზე ფესი, ლამის იყო ღრიალი მოხტო!

– ესეც მე ვარ?! – ნიშნის მოგებით დაუკრა კვერი ტრუდამ.

ლუიზა გაიფხორა.

– თუ არ გაჩუმდებით, თქვენც კარგად გითაქებთ მაგ წვივებში! – დაემუქრა ამხანაგებს და იქაურობას გამოხრდა.

– თვითონაც ვერ გაუგია, რა აწუხებს! – წამოიძახა ქრისტინამ და მხრები აიჩეჩა.

* * *

ლოტა ამ დროს მდელაზე განმარტოებულიყო და თავზე ყვავილების გვირგვინი დაედგა. ახლა კი მეორე გვირგვინს წნავდა. უცებ მის წინსაფარს ვიღაცის ჩრდილი დაეცა. გოგონამ აიხედა.

მის წინ ლუიზა დამდგარა და უხერხულობისაგან ფეხს ინაცვლებს.

ლოტას სახეს ისეთმა მკრთალმა ღიმილმა გადაურბინა, ოდნავ თუ შეამჩნევდით.

ლუიზას გულზე მოეფონა და ფართო ღიმილით გაეპასუსა.

ლოტამ ახლა კი ასწია გამზადებული გვირგვინი და კრძალვით მიმართა ორეულს:

– აჰა, აიღე, არ გინდა?

ლუიზამ იქვე ჩაიძუხლა და ნაღვლიანად მიუგო:

– კი მინდა, შენ თუ დამადგამ!

ლოტამ გვირგვინი კულულებზე მიუმაგრა, თავი ჩადუნა და დაუმატა.



– ჩინებულა!

ორეულები მდელაზე ერთმანეთის გვერდით ჩამოს-
ხდნენ და გაყუჩებულნი მორცხვად შეჰლიპოდნენ ერთი-
მეორეს.

მერე ლუიზამ ღრმად ჩაისუნთქა და დუმილი დაარ-
ღვია:

– გაბრაზებული ხარ ჩემზე?

ლოტამ უარის ნიშნად თავი გააქნია. ლუიზამ თვალები
დახარა და განაგრძო:

– ყველაფერი რაღაც მოულოდნელად მოხდა. ავტო-
ბუსი! მერე შენ! – საშინელება!

ლოტამ თავი დაუქნია, „საშინელებაა!“ – ისიც ლუიზა-ს დათქვამს იმეორებს. ლუიზა მისკენ დაინახა და ეუბნება:

– ისე, საშინლად სასაცილო ამბავი კია, არა?

ლოტა ჯერ გაოცებული მისჩერებია ლუიზას აყუყუნებულ თვალებში. „სასაცილოა!“ და მერე წყნარად ჰკითხა:

– და-ძმა გყავს?

– არა.

– არც მე.

* * *

ორივენი ჩუმად შევიდნენ პიჩსაბან ოთახში და დიდი სარკის წინ დადგნენ. ლოტას ერთი სული აქვს, სავარცხლითა და ჯაგრულათი გაუძალოს ლუიზას კულულები.

– აუუუ, ოოო! – ყვირის ლუიზა.

– აღარ გაჩუმდები? – ჰკითხა ლოტამ და განზრახ მოიღუმა, – დედა რომ გიწნავდეს, მაშინაც ასე იჭერვიულებდი?

– სადა მყავს დედა! – წაიბუზღუნა ლუიზამ, – ეს „ვაი-ვუიც“ ამის ბრალია. ამიტომაც ასეთი ალქაჯი რომ ხარო! – მეუბნება მამაჩემი.

– მამა გცემს? – ჩაეკითხა ლოტა, თან თმას უწნავს.

– აჰ, სულაც არა, პირიქით. საცემრად როგორ გამიმეტებს, ისე ვუყვარვარ!

– სიყვარული არაფერ შუაშია! – მეტისმეტად ბზძნულად დაასკვნა ლოტამ.

– თანაც ჩემს საცემპრად სად სცალია, ათასი საფიქრალი აქვს.

– სამაგიეროდ, ხელები სომ თავისუფალი აქვს. ესეც კმარა.

ორივეს გაეცინა. ამასობაში ლუიზას თმა დაუწნეს. გოგონები ანთებული თვალებით მიაშტერდნენ სარკეს, სამობაო ნაძვის ხესავით სახეგაბრწყინებულნი: ორი გაჭრილი ვაშლივით მსგავსი გოგონა იყურება სარკეში, სარკიდანაც გაჭრილი ვაშლივით მსგავსი გოგონები შემოსცქერიან.

– თითქოს დები ვიყოთ! – ამოიჩურჩულა გახარებულმა ლოტამ.

გონგის ხმა ბავშვებს სადილად იწვევდა.

– ოინი ახლა ნახე! – წამოიძახა ლუიზამ. – წამოდი!

ხელიხელჩაკიდებული გოგონები პირსაბანი ოთახიდან გამოცვივდნენ.

* * *

კარგა ხანია, ყველანი თავ-თავიანთ ადგილებზე სხედან. მხოლოდ ლუიზასა და ლოტას ტაბურეტებია თავისუფალი.

გაიღო კარბი, ლოტა შემოვიდა და უბოდნოდ მოკალათდა ლუიზას ადგილზე.

– შენ, ეი, ეს ლუიზას ადგილია, გირჩევნია, კანჭებს გაუფრთხილდე! – მიაძახა მონიკამ.

გოგონამ მხრები აიჩეჩა და საჭმელს წაეტანა. ისევ გაიღო კარბი და, დალასვროს ეშმაკმა, ეს რა ამბავია?! ისევ ლოტა არ შემოვიდა?! წარბშეუხრელად გაემართა ტაბურეტისაკენ და ზედ წამოსკუპდა.

მათ მაგიდასთან მსხდომ დანარჩენ გოგონებს გაოცებისაგან პირი დაუღიათ. მეზობელ მაგიდებთან მიმსხდარმა გოგონებმაც აქეთკენ იბრუნეს პირი. მერვე წამოიშალნენ და ორივეს შემოეხვივნენ.

და მხოლოდ მაშინ, როცა ამ ორს სიცილი წასკდა, ყველას გულზე მოეშვა. დარბაზში ბავშვების სიცილ-კისკისი გაისმა.

ფრაუ მუთეზიუსმა შუბლი შეიჭმუნა – „ეს რა უბედურებააო!“ – ზეზე წამოდგა და წარბებმოღუშული გაემართა. მაგრამ ერთმანეთის ალი-კვალი ნაწნავებიანი გოგონების დანახვისთანავე მზის გულზე გაღვლილი თოვლივით გაუქრა ბრაზი.

– ზომელი თქვენგანია ლუიზა პალფი და ზომელი ლოტა კერნერი? – იკითხა გუნებაგაცხსნილმა.

– არ გაგიძხელთ! – ეშმაკურად წამოიძახა ერთ-ერთმა ლოტამ. კვლავ ზარვიით წკრიალებს მოკისკისე ბავშვების ხმები.


– დიქრთო დიდებულო! რა უნდა ვქნათ? – სასაცილო ყოყმანით თქვა ფრაუ მუთეზიუსმა.

– აბა, ვინ გამოიცნობს? – იკითხა განხარებულმა მეორე ლოტამ.

– იცით, რას გეტყვით? – იყვირა შტეფიმ და თან ხელებს ისე აქნევდა, თითქოს ლექსი უნდა წარმოთქვასო, – ტრუდა ზომ ლუიზას თანაკლასელია, მოდი, მან გამოიცნოს!

ტრუდა გაუბეღავად გაემართა წინ, ყურადღებით დააკვირდა ხან ერთს, ხან მეორეს და უმწეოდ გააქნია თავი, მერე სახეზე ანცმა ღიმილმა გადაურბინა, უფრო ახლო მდგომს ნაწნავებზე წასწვდა, მოქაჩა და წამსვე მის ლოყაზე სილის ლაწანი გაისმა. ტრუდამ ლოყაზე ხელი მიიღო და აღტაცებულმა წამოიძახა:

– ესაა ლუიზა! – ბავშვების ყრიაპული ჭერს სწვდება.



* * *

ლუიზამ და ლოტამ სოფელში გასეირნების ნებართვა აიღეს. გოგონებმა გადაწყვიტეს, უსათუოდ სურათზე აღებეჭდათ გაორებული ლოტა და შემდეგ ფოტოსურათები შინ გაეგზავნათ, რომ თავისიანები გაეოცებინათ.


ფოტოგრაფი, ვინმე ბატონი აიპელდაუერი, ჯერ შეცბა, მაგრამ მერე თავი გამოიღო და ექვსი სხვადასხვანაირი სურათი გადაიღო, თანაც გოგონებს შეჰპირდა, ათ დღეში დაგიმზადებთო.

ბავშვები რომ გაისტუმრა, ბატონმა აიპელდაუერმა ცოლს გაანდო:

— იცი, რა? რამდენიმე კრიალა ასლს ილუსტრირებული ყურნალის რედაქციას გავუგზავნი. ისინი ზოგჯერ ასეთი რამეები თაც ინტერესებიან სოლმე.

აიპელდაუერის სახელოსნოს წინ ლუიზამ დაუყოვნებლივ გაიშალა „სულელური ნაწნავები“, რადგან ეს

ვარცხნილობა სწორედ რომ გუნებას უფუჭებდა. მარტო ის ჩად ღირდა, ჩამოშლილ კულულებს რომ შეარხევდა, წამსვე ჩვეული სიმკვირცხლე უბრუნდებოდა და ისევ იმ ახტაჯანა გოგონად იქცეოდა. აგერ ლოტა ღიმონათზე დაპატიყა. ლოტა მოიბუზა, მაგრამ ლუიზამ შეუპოვრად შეუტია:



— იცოდე, უარი არ მითხრა, გუშინწინ მამაჩემის გამოგზავნილი სახარჯო ფული მივიღე, აბა, წავიდეთ.

გოგონები სატყეოსაკენ მისეირნობენ. ტყისპირა ბაღში ჩაამოსხდნენ, ღიმონათი დალიეს და ტიტინებენ.

იქვე, სასტუმროს მაგიდების ქვეშ, ქათმები იქექები-

ან, ბებერმა მეძებარმა ორივე სტუმარი დაყნოსა და ნება
დართო, დარჩითო.

– დიდი ხანია, რაც მამა მოგიკვდა? – ჰკითხა ლუიზამ
ლოტას.

– არც კი ვიცი, დედა არაფერს მეუბნება და არც მე ვა-
წუხებ შეკითხვებით.

ლუიზამ თავი დახარა.

– მე კი დედა სულ არ მახსოვს. ადრე მამას როიალზე
დედანჩემის დიდი სურათი ედგა. ერთხელ, ამ სურათს რომ
ვათვალიერებდი, მამამ შემომისწრო. მეორე დღეს სურა-
თი სადღაც გაქრა, ეტყობა, მამამ საწერი მაგიდის უჯრა-
ში შეინახა და ჩაკეტა.

ქათმები კრიახებენ. მეძებარი ძაღლი თვლემს. ორი
პატარა გოგონა, ერთი მამით ობოლი, მეორე კი – დედით,
ლიმონათს მიირთმევს.

– შენც ცხრა წლისა ხარ, არა? – ჰკითხა ლუიზამ.

– ჰო! – თავი დაუქნია ლოტამ, – თოთხმეტ ოქტომბერს
ათისა გავხდები.

ლუიზა წამოიწია: „თოთხმეტ ოქტომბერსო?!“.

– ჰო, თოთხმეტ ოქტომბერს.

ლუიზა ლოტასაკენ გადაიხარა და წასჩურჩულა:

– მეც!

ლოტა გაშეშდა.

სახლის უკან ქათმები კრიახებენ. მეძებარი ძაღლი ცხვირწინ მოზუნუნე ფუტკარს უტევს. სამწარეულოს ღია ფანჯრიდან მეტყევის ცოლის სიმღერა მოისმის.

ორი ბავშვი მონუსხულივით ჩასცქერის ერთმანეთს თვალებში.



ლოტამ ნერწყვი ძლივსდა გადაყლაპა და ადელვებუ-
ლი მიუბრუნდა ლუიზას.

– სად ხარ დაბადებული?

– ლინცში, დუნაიზე.

ლოტამ გაფიცებული ტუნები ენით გაისველა და თქვა:

– მეც!

დადუმებული ბაღი. ხის კენწეროები იზსევა მხოლოდ. იქნება ცაში მქროლავი ბედისწერა ფრთით მიეაღებსა მათ და აათრთოლა?!

– დედა... დედაჩემის სურათი კარადაში მაქვს შენახული, – ძლივს ამოღებდა ლოტამ.

– მანვენე, ჩა! – ლუიზა წამოხტა, სკამებს შუა გამკვრა და ლოტაც თან გაიყოლა.

– ჰაიტ! – მიაძახა ვიღაცამ გაჯავრებით უკან, – ჩა, ახალი მოდაა, ლიმონათი მიიზთვათ, ფული კი არ გადაიხადოთ?! – ეს მეტყევის ცოლი გახლდათ.

ლუიზა შეკრთა, აცახცახებული თითები ჰატარა საფულეში მოაფათურა, ქალს დანახარჯი ხელში შეაჩენა და წამსვე ლოტას დაეწია.

– ხურდა გერგებათ! – მიაძახა ქალმა, მაგრამ ვის ეს მოდა. გოგონები თავქუდმოგლეჯილები გარბოდნენ, თითქოს მათი ყოფნა-არყოფნის საკითხი ახლა უნდა გადაწყვეტილიყო.

— ნეტავ, რას დაუფეთებია ეს ბატის ჭუჭყლები? — ჩაბუტბუტა ქალმა და შინ შებზუნდა. ბებერი მეძეხარი ძაღლიც მუნძულით აედევნა.

* * *

ბავშვთა პანსიონატში მისვლისთანავე ლოტა კარადას მივარდა. შეფუთული თეთრეულის ქვემოდან სურათი გამოაძრო და ათახთანებულ ლუიზას გაუწოდა. შიშისაგან ელდანაცემმა ლუიზამ სურათს დახედა, მერე მზერა ერთბაშად გაუნათდა, ლამისაა თვალებით შეჭამოს ქალის სახება. ლოტა მოუთმენლად შეჰყურებს. მოძალებული ბედნიერებისაგან გათანგულმა ლუიზამ სურათი დაუშვა და ბედნიერმა თავი დაუქნია. მერე გახელებულმა მკერდზე მიიკრა სურათი, ბაგეები შეატოკა და ამოიჩურჩულა:

— ჩემი დედიკო!

— ჩვენი დედიკო!

პატარა გოგონები ერთმანეთს ჩაეკონნენ.

ამ ახლად გამყვანებულ საიდუმლოს იქით კიდევ ბევრი გამოცანა თუ იდუმალება მოელოდა...

გონგის გუგუნმა სახლს გადაურბინა. ბავშვებმა ყივილ-ხვილით აიზბინეს კიბის საფეხურები. ლუიზა

კვლავ აპირებდა სურათის კარადაში დამალვას, მაგრამ
ლოტამ შეაჩერა:

– მიჩუქნია შენთვის!

* * *

ფროილან ულრიკე ბიუროში მასწავლებელთა საწე-
რი მაგიდის წინ იდგა, აღელვებისაგან ლოყები აფორე-
ჯებია.

– აზა და აზა! აღარ შეიძლება დაგიძალოთ ეს ამბავი!

– როგორც იქნა, ამოთქვა მან, – მინდა ვიცოდე, რა
უნდა ვიღონოთ!

– რა დარდი შემოგწოლიათ გულზე, ჩემო კეთილო? –
მიძარბათ მას ფრაუ მუთენიუსმა.

– ისინი სულაც არ არიან ასტროლოგიური ტყუულები!

– ვინ ისინი, – სიცილით ეკითხება ფრაუ მუთენიუსი, –
ინგლისის მეფე და თერპი?

– აზა, ლუიზა პალფი და ლოტა კერნერი. მიღების დავ-
თარი გადავათვალე რე და ამოვიკითხე, რომ ისინი ერთსა
და იმავე დღეს დაბადებულან ლინცში. რომელ დამთხვე-
ვაზე შეიძლება ლაპარაკი!

– შესაძლოა, ეს ასეც იყოს, ჩემო ძვირფასო, ამაზე მეც
მიფიქრია.

– მაშ, თქვენ იცოდით ეს ამბავი? – ჰკითხა გამგეს ფროილანი ულრიკემ და ღრმად ამოისუნთქა.

– ჩასაკვირველია! ლოტას ჩამოსვლისთანავე გამოვკითხე დაბადების თარიღი, სიაში სომ უნდა შემეტანა. მონაცემები ლუიზას დაბადების დღესა და ადგილს შევუდარე. მაშინვე მენიშნა.

– დიას! დიას! კიდევ რაღაც უნდა მოხდეს?

– არაფერიც არ მოხდება!

– არაფერი?

– დიას! თუ ამაზე კრინტი დაგიძრავთ, ორთავ ყურს დაგაჭრით, ჩემო კარგო!

– მაგრამ . . .

– არავითარი „მაგრამ“, ბავშვები ბაიბურშიც არ არიან. აგერ, ერთად გადაიღეს სურათები და ალბათ შინაც გაგზავნიან. კვანძი თუ გაიხსნა, სომ კარგი, თუ არადა, ბედთან თამაშს უნდა ვერიდოთ! მადლობას მოგახსენებთ, თქვენი ვარაუდი რომ გამანდეთ, ახლა მზარეულ ქალს უხმეთ, გეთაყვა!

ბიუროდან გამოსულ ფროილანი ულრიკეს არცთუ დიდად ბრძნული სახე აქვს, თუმცა ეს ასეც უნდა ყოფილიყო.

თავი მესამე

ასალი კონტინენტების აღმოჩენა. გამოცანას გამოცანა მოსდევს. ორად გაყოფილი სახელი. კუშტი ფოტოსურათი და მხიარული ბარათი. შტეფის მშობლები გაყრას აპირებენ.

შეიძლება კი ბავშვების გაჩენა?

ამასობაში დრო გადის. დროს უკან ვერ მოაბრუნებ.

როგორ გგონიათ, დაიხსნეს პატარა გოგონებმა ბატონ აიპელდაუერისაგან ფოტოსურათები? რა ხანია! კი მაგრამ, არ ჩაეკითხათ ცნობისმოყვარე ფროილან ულრიკე, სურათები შინ გაგზავნეთ თუ არაო? ასეც მოხდა! მერედა, გოგონებმა თანხმობის ნიშნად თავი არ დაუქნიეს? ესეც, რა ხანია, მოხდა!

სინამდვილეში კი კარგა ხანია, ნაკუწ-ნაკუწად ქცეული ფოტოსურათები ზეებიულის მომიჯნავე ლაყვარლოვანი ტბის ფსკერზე განისვენებს. ბავშვებმა ფროილან ულრიკე მოატყუეს, რომ საიდუმლო მაგრად შეენახათ. დიას, საიდუმლო მათ შორის დარჩა და მისი გამყლავნებაც მათზე ჰკიდია. ვინც მათ შინაურ საქმეებში არამკითხე მოამბესავით ჩაყოფს ცხვირს, ყველას უბოდიშოდ

ყინულზე გააცურებენ. სხვანაირად არ იქნება. ლოტასაც სინდისი სუფთა აქვს, ეს კი ბევრს ნიშნავს.

გოგონები თითქოს ერთმანეთს მისწებებიან და არ შორდებიან. ტრუდა, შტეფი, ქრისტიანა და სხვა ბავშვები ბრაზობენ ლუიზაზე, ეჭვიანობენ ლოტაზე, ხელი ჩაქნეული აქვთ, აღარაფერი ეშველებათ, ახლაც სადღაც გადაკარგულანო.

გოგონებს კი ამჯერად გარდებობში შეურგავთ თავი. ლოტამ კარადიდან ორი ერთნაირი წინსაფარი გადმოიღო, ერთი თავად მოიხგო, მეორე დაიკოს გაუწოდა და უთხრა:

– ეს წინსაფრები დედამ ობერპოლინგერთან იყიდა.

– ჰო, ნოიჰოიზენშთრასეზე რომ მაღაზიაა, არა? რა ჰქვია იმ კარბჭეს?

– სწორია, კარკსტორთან...

ისინი უკვე გაეცნენ ერთიმეორის ახლობელთა ზნეჩვეულებებს, თანაკლასელებს, მასწავლებლებს, მეზობლებს და ოჯახსაც, ლუიზას უსაზღვროდ აინტერესებს ყოველი წვრილმანი, რაც დედას შეეხება, ლოტა კი გაფაციცებულია, ჩამოაკაკლინოს დაიკოს, თუ კი რამ უწყის მამამისზე. მთელი დღეები ამ საუბარში არიან. ღამღამ-

მობითაც ლოგინში საათობით ჩურჩულებენ. თითოეული მათგანი მეორის არსებას ეწიარება, თითქოს ახალი კონტინენტი აღმოუჩენიათ, რაც აქამდე მათი ბაღღური გულუბრყვილო ციხით იყო შემოზღუდული, ერთბაშად გაცხადდა, როგორც მათივე სამყაროს ნაკლები ნახევარი. და აღენტენ ამ ნახევართა გასამთელებლად, რომ ერთიანად ეხილათ იგი. არანაკლებ აღელვებდათ ახალი თემა, ახალი საიდუმლო – რამ დაამოზა ერთმანეთს მათი მშობლები?

– ჯერ დაქორწინდნენ, რაღა თქმა უნდა, მერე ორი პატარა გოგონა შეეძინათ და, ვინაიდან დედას ლუიზელოტე ერქვა, აიღეს და ერთს ლუიზა დაანათლეს, მეორეს კი – ლოტა. ეს ძალიან კარგია! მაშინ ჯერ კიდევ უნდა ჰყვარებოდით ერთმანეთი. ასე არ არის? – აგერ მესეჯერ კითხულობს ლუიზა.

– რა თქმა უნდა, – მიუგო ლოტამ და დასძინა: – მერე წაიხსუბნენ, გაშორდნენ და ჩვენც ისევე გაგვიყვეს, როგორც დედის სახელი ჩვენი დანათვლისას.

– კი მაგრამ, ჩვენც სომ უნდა დაგვკითხებოდნენ, ასე შუაზე გაყოფას თუ გვიპირებდნენ.

– ჩვენ სომ მაშინ ლაპარაკიც არ ვიცოდით.

ღებმა უმწეოდ გაიღიბეს, მერე ხელიხელჩაკიდებული-
ბი ბაღისაკენ გაემართნენ.



* * *

ფოსტა მოსულა. ბაღანში, ბაღის კიდევ თუ ჩარჩე-
ბულ მერხებზე გოგონები მოკალათებულან და თავ-თავი-
ანთ ბარათებში ჩაურგავთ თავი.

ლოტას ოცდათხუთმეტიოდე წლის მამაკაცის სურათი
უჭირავს ხელში და ალერსიანად ათვალიერებს.

აი, თურმე, როგორ გამოიყურება?! აი, ასე გაიხარებს
ნორჩი გული, თავის ღვიძლ მამას რომ იპოვის!

ლუიზაც იქვე უზის და მამის წერტილს კითხულობს:

„ჩემო საყვარელო ერთადერთო გოგონი!“

— უკეთი ამ მატყუარას დამიხედეთ! — წამით ახედავს დაიკოს ლუიზა, — მას სომ კარგად მოეხსენება, ტყუპები რომ ჰყავს! — მეჩუ კითხვას განაგრძობს:

„ნუთუ დაგავიწყდა შენი სახლ-კარი და მამაშენი, რომ დაყინებით ფოტოსურათის გამოგზავნას მოხვო, ისიც ამ არდადეგების მიწურულს? ჯერ დავაპირე ბავშობისდროინდელ სურათს გავუგზავნი-მეთქი. აი, სულ ჰაწია, დედის მობილად რომ ვარ გაგორებული დათვის ტყავზე, მაგრამ შენ მწერდი, უსათუოდ ახლანდელი სურათი გამომიგზავნეო. თუმცა ამისათვის სულ არ მეცალა, მაინც გავვარდი ფოტოგრაფთან და ავუხსენი, რისთვის მჭირდებოდა ასე სახელდახელოდ სურათის გადაღება; უამისოდ ჩემი ლუიზა ველარ მიცნობს, სადგურზე რომ დავხვდები-მეთქი. საბედნიეროდ, იგიც მიმიხვდა და, აჰა, სურათს დროზე მიიღებ, იმედია, მანდაურ აღმზრდელებს ისე არ აწამებ, როგორც მამაშენს, ათასგზის მოკითხვას რომ გითვლის შენი მონატრული!“

— საუცხოოა, თან კი მხიარული, — თქვა ლოტამ, — მაგრამ სურათში რომ მოღუშულა?!

— ალბათ, ფოტოგრაფის წინაშე გაღიმება ითაკილა, —

თქვა ლუიზამ, — სხვებთან მუდამ კოპებს იკრავს; როცა შინა ვართ მარტონი, გიყვარდეს, სუმრობს!

ლოტამ სურათი ჩაბლუჯა და ლუიზას უთხრა:



— მართლა მაჩუქებ?

— რასაკვირველია, ეგ სომ შენტვის გამოვავზავნინე!

იქვე ბადის მეზსზე ფუნთუშალოყება შტეფი ჩამომ-
ჯდარა, ხელში ბარათი უჭირავს და ქვითინებს. ჩაპუტკუ-
ნებულ ბავშვურ პირისახეზე დაპაღუპით მოთქრიალებს
ცრემლები. ტრუდამ გვერდით ჩაუარა და ცნობისმოყ-
ვარედ დააცქერდა, მერე გვერდით დაუჯდა, იქნებ, რა-
იმე მითხრასო. მეორე მხრიდან შტეფის ქრისტინა მიუჯ-
და. ახლა ლუიზა და ლოტაც მოვიდნენ და წინ დაუდგნენ
ატირებულ გოგონას.

– რა დაგემაართა? – ჰკითხა ლუიზამ.

შტეფი ისევ მოგუდულად ქვითინებს, მერე უეცრად თვალები დახარა და წაიდუღუნა:

– ჩემი მშობლებო ერთმანეთს ეყრებიან.

– რა საძაგლობაა! – წამოიძახა ტრუდამ, – გამოგიტყუებენ ვითომ დასასვენებლად და შორს რომ დაგიგულე-ბენ, ასეთ საზიზღრობას სჩადიან!

– მჯერა, რომ მამას ვილაც სხვა ქალი უყვარს! – სლუკუნით დქვა შტეფი.

ლუიზა და ლოტა უმაღვე გაეცალნენ იქაურობას – ეს ამბავი ყველაზე მეტად მათ მოხვდათ გულზე.

– მამაჩვენსაც ხომ არ ჰყავს ვინმე სხვა ქალი შეგულ-გებული? – იკითხა ლოტამ.

– არა, ასე რომ იყოს, არ გამომეპარებოდა!

– იქნება ჰყავს, მაგრამ ჯერ არ უქორწინია?!

ლუიზამ კულულებიანი თავი გააქნია.

– რასაკვირველია, ნაცნობები ბევრი ჰყავს, ქალებიც, მაგრამ არც ერთთან ისე დაახლოებული არ არის, თუნდაც შენობითაც რომ მიმართოს. იქნებ დედასაც ჰყავს ვინმე მეგობარი ამოჩჩეული?

– არა! – დარწმუნებით მიუგო ლოტამ. – დედას ჩემზე

ზრუნვისა და სამსახურის გარდა ქვეყანაზე არაფრის გაგონება არ უნდა. თვითონაც ამბობს სოლმე.

ლუიზა ცოტა არ იყოს, დაბნეული შესცქეროდა დაიკოს.

ლოტა ჩაფიქრდა.

– იქნებ სასამართლოში სულაც არ ჰქონიათ საქმე, აი თუნდაც შტეფის მშობლებივით?!

– მაშინ ჩად განმარტოებულა მამა ვენაში და დედა – მიუნხენში? – არ ცხრება ლუიზა, – ან ჩვენ რისთვისღა გაგვყვეს?!

– ანდა, – გააწყვეტინა ჩაფიქრებულმა ლოტამ, – ჩატომ არ გაგვიმხილეს, რომ ტყუპისცალები ვყოფილვართ?! ჩატომ დაგიძალა მამამ, რომ დედა ცოცხალია?!

– ან შენ ჩატომ დაგიძალა დედამ, რომ მამა ცოცხალი გვყავს?! – თქვა დონიჯშემოყრილმა ლუიზამ, – მშობლები ამისთანა უნდა! ნახე, როგორ გაოცდებიან, ერთ დღეს ჩვენს ამბავს რომ მივახლით.

– ეგ როგორ იქნება, ჩვენ სომ ბავშვები ვართ! – გაუბედავად წარმოთქვა ლოტამ.

– მხოლოდ ბავშვები! – თქვა ლუიზამ და კულულებიანი თავი გააქნია.

თავი მეოთხე

ყელში ამოვიდა ერბოკვერცხი. საიდუმლო ჩვეულები. სკოლის გზა და ძილისპირული ამბორი. შეთქმულება იკვანძება. ბაღში გამართული ზეიმი გენერალურ რეპეტიციად გამოიყენეს. გამომშვიდობება ზეებიულ-ბიულ-ზეესთან.

იწურება არდადეგები. კარადებში შეწყობილი თეთრეულის ფუთები დღითი დღე იღევა. ზეებიულთან განშორების ბაღღური სევდა და შინ დაბრუნების სინარული ერთად ჩაბუდებულა ნორჩთა გულებში.

ფრაუ მუთეზიუსმა გამოსამშვიდობებელი საღამოს თაღრიგი დაიჭირა. ერთი გოგონას მამამ, მაღაზიის მესაკუთრემ, მთელი ყუთი ნათურები, გირლანდები და სხვა მრავალი ნივთი გამოგზავნა. ბავშვებმა და მათმა აღმზრდელებმაც არ დააყოვნეს, ვერანდა და ბაღი სულ ერთიანად დააწკრიალეს. ისინი სამზარეულოს მისადგმელ კიბეს დაატარებდნენ და ხის ფოთლებში ფერად-ფერად ნათურებს კიდებდნენ, ტოტიდან ტოტზე გირლანდების სვეულებს ამაგრებდნენ, გრძელ მაგიდაზე ლატარია მო-

ეწყოთ, რისთვისაც რამდენიმე გოგონას ნომრებიც ჩამო-
ეწერა. ყველაზე დიდ მოგებად წყვილი სასრიალო გორ-
გოლაჭები იყო დაწესებული.

– კაცმა რომ თქვას, სად არიან ახლა „კულუღი“ და
„ნაწნავი“ (ასე შეარქვეს ამ ბოლო დროს ლუიზასა და
ლოტას)? – იკითხა ფროილან ულრიკემ.



– აჰ, ეს ქალბატონები! – გაჰკიცხა ისინი მონიკამ, – სადმე მოლზე იქნებიან მოკალათებული, თანაც სელი-ხელჩაკიდებულნი – ქარმა არ წამოუბეროს და ერთმანეთს არ მოგვწყვიტოსო.

ნამდვილად კი ტყუპებს სულაც არ ეცალათ მოლზე სანებივროდ. სატყეოს პარკში განმარტოებულიყვნენ, რის ხელიხელჩაკიდებულნი – წინ პაწია რვეულები დაედოთ და ფანქრები მოემარჯვებინათ. ლოტა სსაპასსუ-პით კარნახობდა და ლუიზაც ბეჯითად ჯდაბნიდა: დედას საქონლის სორცისაგან გაკეთებული ატრიის წვნიანი ყველა კერძს ურჩევნია. საქონლის სორცს ყასაბ ჰუბერ-თან იყიდო. თანაც ნახევარი გირვანქა ნეკნისა შეარჩიე სოლმე.

ლუიზამ თავი ასწია და წარმოთქვა:

– ყასაბი ჰუბერი, მაქს-ემანუელ-შტრასზე, პრინც-ოიგენ-შტრასეს კუთხეში.

ლოტამ მოწონების ნიშნად თავი დაუქნია და განაგრძობ:

– საოჯახო წიგნი სამზარეულოს კარადაში ინახება, სულ ქვედა თაროზე, მარცხენა კუთხეში. შიგ ყველა იმ კერძის რეცეპტია, დამზადება რომ არ მიჭირს.

ლუიზამ ჩაინიშნა:

– საოჯახო წიგნი... სამზარეულოს კარადა... ქვედა თარო, სულ მარცხნივ. – მერე იდაყვებს დაეყრდნო და ლოტას მიმართა: – კერძის მომზადება ღვთის ჩისხვასავით მაშინებს. თუ პირველ დღეებში ცუდად წამივიდა საქმე, ვიტყვი, არღაღეგებზე გადამვიწყნია-მეთქი, შენ რას იტყვი?

ლოტა ცოტა ხანს შეეყოყმანდა, მერე თავი დაუქნია:

– ესეც რომ არა, შეგიძლია მაშინვე მომწერო შენი გასაჭირი, ყოველდღე შევივლი ფოსტაში და შენს ბარათს მოვიკითხავ.

– მეც, – მიუგო ლუიზამ, – ოღონდ სშირად მომწერე!.. მოითხოვე, რაც კი მოგესურვოს, რესტორან „იმპერიალში“; მამას ძალიან უნარია, როცა მადიანად ვჭამ.

– ჰო, მაგრამ რა მეშველება, რომ ასე ძალიან გყვარებია სწორედ ეგ სამაგელი ერბოკვერცხი. რაც არის, არის! მე კი ხბოს ხორცის შნიცელი და გულიაში მიჩჩევნია!

– პირველ დღეს როგორმე გაუძელი სამი, თუნდაც ოთხი-ხუთი ულუფა ერბოკვერცხის ჭამას, მერე მამას იტყვი, კვერცხი დასანახავად მეზარება-თქო.

– ამას კი მოვასებრებ! – მიუგო დაიკომ, თან ხუთი ულუფა ერბოკვერცხის ხსენებაზეც კი ლამისაა, კუჭი

ამოუბრუნდეს, თორემ შეჭმას ვინლა ამბობს? მაგრამ ვითომც არაფერიყო.

გოგონებმა კვლავ რვეულებში ჩარგეს თავი და მორიგეობით ეკითხებიან ერთმანეთს თანაკლასელთა სახელებს, რომელ მასწავლებელს ჩა თვისება-სასიათი აქვს, ვინ რომელ მერხზე ზის; ნაბიჯ-ნაბიჯ სწავლობენ სკოლისაკენ მიმავალ გზას.

– შენ უფრო გაგიადვილდება სკოლის მიგნება, – ეუბნება ლუიზა, – პირველ დღეს ტრუდას უთხარი, სკოლაში წამყევი-თქო, ასეთ ჩამეებს იგი დაჩვეულია. შენც კუდში აედევნე და გზადაგზა დაიხსომე ყოველი კუთხე-კუნჭული.

ლოტა ჯერ თავს უქნევდა, მერე ერთბაშად შეკრთა და წამოიძახა:

– კინაღამ დამავიწყდა, მეთქვა: ღამით, დედა ლოგინში რომ ჩაგაწვენს, ძილი ნებისა უნდა უსურვო და უსათუოდ აკოცო.

ლუიზა წინ იყურება

– ამის ჩაწერა ჩა საჭიროა, მაგას ჩა დამავიწყებს!

ხედავთ, ჩა ქსელი იბმება? ტყუპებს უნებებიათ, ჯერ-ჯერობით მშობლებსაც არ გაუმსილონ თავიანთი მის-

ვედრილობა. სურთ, მშობლები რაიმე ახალი გადაწყვეტილების წინაშე დააყენონ. ალღოთი გრძნობენ, რომ ამის უფლება არა აქვთ და ეშინიათ, უფროსებს რაიმე ისეთი არ ჩაადენინონ, რაც ერთბაშად და საბოლოოდ გააქარწყლებდა ტყუპი დების ბედნიერებას. ამასთან, ერთმა ამბავმა ჩააფიქრათ: იქნებ, სჯობდა, თავ-თავიანთ სახლებში დაბრუნებულიყვნენ, ვითომც აქ არაფერი მომხდარიყოს, და მშობლების მიერ მათთვის დაუკითხავად მიჩენილ სანახევროში განეგრძოთ წინანდებურად ცხოვრება?! არა და არა! მოზჩა და გათავდა! შეთქმულება იკვანძება! სევდამ და ფათერაკების ყინმა შემდეგნაირი ფანტასტიკური გეგმა წარმოშვა: ერთმანეთს უნდა შეუცვალონ ტანისამოსი, თმის ვარცხნილობა, ყოფა! კოსტანაწნავიანი ლუიზა დედის „დაუბრუნდება“, ჯერ მარტო სურათით რომ ცნობს (თვითონაც სიკოსტავე და სიცქრიალე მარტებს), ხოლო კულულებიანი ლოტა მკვირცხლი და ხალისიანი იერით უნდა გამოეცხადოს მამას.

მომავალი ფათერაკებისათვის საფუძვლიანად მოემზადნენ, რვეულები სულ ერთიანად ააჭრელეს შენიშვნებით – არეებიც არ დაუტოვებიათ. თუ საქმე გაჭირდა,

ანდა მოულოდნელი თავსატეხი გამოუჩნდათ, ფოსტით მოსაკითხ ბარათებს მიაწვდიან ერთმანეთს.

ეგების, მათმა ერთიანმა ზრუნვამ ბოლოს და ბოლოს ნათელი მოჰფინოს გამოცანას — ჩატომაა, მათი მშობლები ცალ-ცალკე რომ ცხოვრობენ. მერე კი, ვინ იცის, ერთ მშვენიერ, სასწაულებრივ დღეს ერთად შეიყარონ დედ-მამა და ოჩივე დაც საბაასოდ, მაგრამ ამაზე ჯერ ფიქრიც ვერ გაუბედავთ.

* * *

გამგზავრების წინა საღამოს ბაღში გამართული ზეიმი ტყუუბებმა გენერალურ რეპეტიციად გამოიყენეს. ლოტა ლუიზასავით კულულებიან ახტაჯანად იქცა, ლუიზა კი — ნაწნავებიან ცქრიალა ლოტად. არც არავის შეუძინე-ვია რაიმე, თვით ლუიზას ვენელ თანაკლასელ ტრუდასაც კი. გოგონები სიცილს ვერ იკავებდნენ, შეცვლილი სახე-ლებით რომ მიმართავდნენ ერთმანეთს. ლოტა ნამდვილი აღქაჯივით სტოდა და ყიზაზე გადადიოდა, ხოლო ლუიზა ისე ინაბებოდა, გეგონებოდათ, ბუზს ვერ ააფრენს და ჭი-ანჭველას ფეხს ვერ დაადგამსო, ხის ვარჯებში ნათურები კიაფობდა. საღამოს სიო არხევდა გირლანდებს. იწურე-

ბოდა ზეიმიც და არდადეგებიც. ლატარიის მოგებები გა-
ანაწილეს. პირველი ჯილდო – წყვილი სასრიალო გორ-
გოლაჭი საცოდავ გოგონას, შტეფის ერგო (ყვავს ზომ
კაკალი გააგდებინო, ისიც კარგიაო!).

თავიანთი ზოლების ერთგულმა გოგონებმა ლოგინებიც
გაცვალეს და ბოლოს ჩაეძინათ. მბორგავ სიზმრებშია მა-
თი აწზიალებული სული. ლოტას, მაგალითად, ასეთი ზამ
ენძანა: ვითომ, ვენის ვაგზალში დაახვედრეს ბუნებრივზე
მეტად გადიდებული მამის სურათი. სურათის გვერდით
სასტუმროს თეთრჩაჩიანი მზარეული დგას, იქვე მოუ-
გორებია ურიკა, ურიკაზე ერბოკვერცხით მოპირთავებულ
თეფშს ოსშვიარი ასდიოდა.


მეორე დღით, გარიყრახისას, ზეებიულ-ბიულზეეში
ბაქან ეგერნს ორი სხვადასხვა მიმართულებით მიმავალი
მატარებელი მოადგა. გუნდ-გუნდად, ყრიაშულით მიმ-
ვრებიან კუბეებში პატარა გოგონები.

ლოტა სარკმელს გადმოჰყუდებია. მეორე მატარებლის
სარკმლიდან ლუიზას უქნევს ხელს, ღიმილით ამხნევებენ
ერთმანეთს. ორივეს სულ უფრო და უფრო უფანცქალებს
გული, როგორც მსახიობს სცენაზე პირველად გასვლის
წინ. ორთქლმავლის ქშენა და კვამლის ბოლქვები ზომ

არა, ვინ იცის, უკანასკნელ წუთს გოგონებს იქნებ კიდევ...

მაგრამ არა, გამგზავრების გეგმა გაჩაჩსულია! სადგურის მორიგე მთავისი კვერთხი ასწია. მატარებლებიც მაშინვე დაიძრნენ. ხელს უქნევენ ერთმანეთს გოგონები.

ლოტა, ლუიზად ქცეული, ვენაში მიემგზავრება, ლოტად ქცეული ლუიზა კი – მიუნხენს.



თავი მეხუთე

ჩემოდანზე წამოსკუპული ბავშვი. „იმპერიალის“ მარტოხელა ძიები. პეპერლისა და, საერთოდ, ცხოველთა უტყუარი ინსტინქტი. „ლუიზა“ მამას ეკითხება, შეიძლება თქერაში ხელი დაგიქნიო? შეცდომები საოჯახო წიგნში. შიშლიე ტემპლეს მისივე მონაწილეობით გადაღებული ფილმების ნახვას უკრძალავენ. ბატონი კაპელმაისტერის რთული შინაგანი ცხოვრება.

მიუნხენი, მთავარი ვაგზალი. მეთექვსმეტე ბაქანი. ორთქლმავალი გაჩერდა და ქაქანით მოითქვა სული. მგზავრთა ნაკადებში დამხვდურთა კუნძულები გამოიჩინა. სახეგაბრწყინებულ მშობლებს ყელზე ეკონწიალებიან პატარა გოგონები. დიდიან-პატარაიანად გულაჩვილებულნი ისე ქაქანებენ, გეგონებათ, ვაგზალში კი არა, შინ არიანო.

თანდათანობით დაცარიელდა ბაქანი.

ბაქანზე მხოლოდ ერთი ნაწნავებიანი გოგონა დარჩა. გუშინდლამდე ამ გოგონას კულულები ეყარა თავზე და ლუიზა პალფი ერქვა.

ჩემოდანზე წამოსკუპულა და ტუჩები მოუკუმავეს. სუმ-
რობა ჯაქმე როდია, უცხო ქალაქის ვაგზალზე ელოდო
დედას, მხოლოდ ფოტოსურათით რომ გაგიცვნია, ის კი
იგვიანებდეს.

* * *

ფრაუ ლუიზელოტე პალფი, აგერ ექვსნახევარი წელი-
წადია (განქორწინების შემდეგ), ქალიშვილობის გვარი
კერნერი რომ დაუბრუნებია, „მიუნხენის ილუსტრირებუ-
ლი მოამბის“ გამომცემლობის მხატვრულ რედაქტორად
მუშაობს. მაიცდამაინც დღეს შეყოვნდა რედაქციაში —
საგანგებო გვერდზე გასაშვებ ახალშემოსულ მასალებს
ჩაჰკირკიტებდა.

როგორც იქნა, ტაქსი დაიჭირა, ბაქანზე გასასვლელი
ბილეთი აიღო, შორი მანძილი გაიზბინა და მეთექვსმეტე
ბაქანს მიაღწია.

ბაქანი დაცარიელებული იყო.

თუმცა არა — სულ ბოლოში პატარა გოგონა წამოს-
კუპულიყო ჩემოდანზე. ქალიც ელვისებურად გაიქცა
მისკენ.

ჩემოდანზე დასკუპულ პატარა გოგონას მუხლები

უკანკალებდა. ზაღაც იღუმალ გზძნობას მოეცვა მისი
ბავშვური გული.



ნეტავ, ეს ახალგაზრდა, მკვირცხლთვალება, ცოცხალი
ქალი ხომ არ არის დედამისი!

– დედა! – ლუიზა ყელზე ჩამოეკიდა დედას.

– ჩემო პატარა დიასახლისო! – ცრემლმორეული ჩურჩუ-
ლებს ახალგაზრდა ქალი, – როგორც იქნა, დამიბრუნდი, მე-
ღირსა შენი ნახვა!

და დედის ლბილ სახეს, მის ლამაზ თვალებს, ტუჩებს,
თმასა და შნოიან კუნკულა ქუდს, დიასაც ქუდს, ამოდ
ეკონება ბავშვის ციცქნა ბაგეები.

ვენს-ს სასტუმრო „იმპერიალის“ რესტორანიცა და სამზარეულოც მხიარულ ფაციფუცშია. მუღმივი სტუმრებისა და თანამშრომლების სათაყვანო გოგონა, თპერის დირიჟორის პალფის ქალიშვილი დაბრუნებულაო.



ლოტა, მოგვიტევეთ, ლუიზა ჩვეულებისამებრ გამოჭიმულა ფაფუკი ბალიშებით შემოწყობილ სკამზე და ჭირივით საძულველ ერბოკვერცხს შეექცევა. მუღმივი სტუმრები რიგრიგობით ეახლებიან, კულულებზე ეფერებიან, მხრებზე ხელს უთათუნებენ და ეკითხებიან, პანსიონატი როგორ მოგეწონაო. რაც უნდა იყოს, მაინც ვენაში, მამიკოსთან გიჩჩევნიაო. თანაც ნაირ-ნაირ საჩუქრებს უწყო-

ბენ მაგიდაზე – ეს შაქარყინულიო, შოკოლადიო, გული-
ანი კანფეტებო, ფერადი ფანქრებო; ის კი არა, ერთმა
სტუმარმა ჯიბიდან ჩაღაც ძველმოდური, პაწია ნაქარგი
ამოიღო, თან დარცხვენილად თქვა, ცხონებული ბებია-
ჩემის ნაქონიაო, მერე ყველამ სათითაოდ დაუკრა თავი
კაპელმანისტერს და თავ-თავის მაგიდას დაუბრუნდნენ.
დღეს მაინც ჩაატანენ გემოს საჭმელს მარტოხელა ძი-
ები!

მაგრამ ყველაზე უფრო, ჩასაკვირველია, თვითონ ბა-
ტონ კაპელმანისტერს გაეხსნა მადა. და ამ კაცს, ვისაც
„ჭემმარიტი ხელოვანის“ მარტოსულობის აუცილებ-
ლობა აგრე ესაღბუნებოდა გულს და ჩავლილი ქორწინე-
ბა მოქალაქეობრივ შეცოდებად მიაჩნდა, დღეს „ხელო-
ვანისათვის უცხო“ სითბო და ინტიმურობა ჩადვროდა
გულში. როცა ქალიშვილი მოკრძალებული ღიმილით წა-
ეტანა მის ხელს, თითქოს ეშინია, მამა არსად გამექცესო,
მაშინ კი მოიღვენთა კაცი, გეგონებოდათ, ცომის გუნდა
ებჯინებოდა ყელში და ბარკლის ჩამონათაღს კი არა, ატ-
რიას შეექცეოდა.

ჰოი, კვლავ აქეთ მოემართება კელნერი¹ ფრანცი და
ისევ ერბოკვერცხი მოაქვს, რწევა-რწევით მოდის.

– მეტი აღარ შემიძლია, ბატონო ფრანც!

¹ კელნერი – მიმტანი, ოფიციალტი.



– კი, მაგრამ, ლუიზერლ, ეს სომ მხოლოდ მეხუთე ულუფაა! – უსაყვედურა კელნერმა.

როცა ოდნავ განაწყენებულმა ბატონმა ფრანცმა ერბოკვერცითურთ სამხაჩეულოსაკენ შეაბრუნა იაღქანი, ლოტამ გაბედა და მამას უთხრა:

– იცი რა, მამა, სვალ დილიდან მეც იმასვე გეასლები, რასაც შენ დაუკვეთავ.

– ასეა საქმე? შაშხი რომ დავუკვეთო, მაშინ რაღას იზამ, სომ ცუდი დღე დაგადგება! – უთხრა ბატონმა კაპელმაისტერმა.

– შაშხიო? არა! – მიუგო ისტიბარგატეხილმა გოგონამ, – მაშინ ისევ ერბოკვერცხი მირჩევნია (არც ისე ადვილი გამოდგა დვიძლი დის როლის თამაში!)

ამ დროს კარის მზრეველი შტრობლი გამოჩნდა, პეპერლიც თან ახლავს. პეპერლი – ძაღლია.

– შეხე ერთი, პეპერლ, ვინ ჩამოსულა! – სიცილით უთხრა ბატონმა ძაღლს, – მიდი ერთი, შენებურად, ღვთის წყალობა უსურვე ლუიზას!

პეპერლი კუდის ქიცინით მიეჭრა პალფის მაგიდას, რომ ძველ მეგობარს, ლუიზერლს ღვთის წყალობა შეაგებოს. მაგრამ ეს ჩაა: პეპერლი მაგიდასთან მისუნსულდა, გოგონა ერთი დაყნოსა, ღვთის წყალობა უსურვა კი არა, აინუნშიაც არ ჩაუგდია, ისე იბრუნა პირი ბატონი მზრეველისაკენ.

– ჰოი, შე სულელო პირუტყვო, – დაუცაცხანა ძაღლს პატრონმა, – ზჩეული მეგობარი ვეღარ გიცვნია! რა ვუყოთ, რომ ორი კვირით სოფელში იყო წასული, მოდი ახლა და თქვი, ცხოველებს უტყუარი ინსტინქტი აქვთო!

ლოტა კი გულში ფიქრობს:

– კიდევ იღბალი, რომ ბატონი მზრეველები ისე ალღოიანი ვერ არიან, როგორც მათი ძაღლები!

* * *

სასტუმროს მუდმივი სტუმრების ძღვნით, ჩემოდნით, დედოფალათი და სააბანოვე ჩანთით დატვირთული ბატონი კაპელმაისტერი და მისი ქალიშვილი შინ, ზოტენ-ტურმშტრასეზე დაბრუნდნენ.

ოჯახის მნე ქალი, ზეზი, სიხარულით ცას ეწია გოგონას დანახვაზე. მაგრამ ღუიზამ სომ წინასწარ გაანლო ლოტას: ზეზი გვარიანი მატყუარაა და თვალის მოსაჩვენებლად კიდევც მსახიობობსო. მამა, ცხადია, ვერაფერს ამჩნევდა — მამაკაცები სომ ასეთ რამეებზე თითქოს თვალებს სუჭავენ.




აი, ახლა მამამ საფულიდან თეატრის ბილეთი ამოაძვრინა, თავის ქალიშვილს გაუწოდა და ეუბნება:

— დღეს მე ვდირიჟორობ ჰუმპერდინკის¹ ოპერას — „ჰენშელს და გრეტელს“. ზეზი წამოგიყვანს და შინაც იგი დაგაბრუნებს.

— რა კარგია! — გაიბადრა ლოტა, — მერედა, დავინახავ ჩემი სკამიდან?

— ჩასაკვირველია!

¹ ენგელბერტ ჰუმპერდინკი (1854-1921) ცნობილი გერმანელი კომპოზიტორი, ავტორი ოპერისა „ჰენშელი და გრეტელი“. ეს ოპერა ძმები გრიმების იმავე სახელწოდების ზღაპრის მისედევით არის შექმნილი.



– შენც გამოძხედავ?

– რაღა თქმა უნდა!

– შეიძლება ხელი დაგიქნო, ჩემკენ რომ გამოიხედავ?

– მეც ხელს დაგიქნევ, ჩემო ლუ-
იზერლ!

ამ დროს ტელეფონის ზარი აწ-
კრიალდა. ყურმილში ქალის ხმა
გაისმა. მამა, ცოცა არ იყოს სიტ-
ყვაძუნწად პასუხობდა. მაგრამ
ყურმილი დაღო თუ არა, დაფაცურ-
და, იგი რამდენიმე საათით ცალკე
ვილაში უნდა განარტოვდეს მუსიკის შესათხზავად. ბო-
ლოს და ბოლოს, მარტო დირიჟორი სომ არაა, კომპოზი-
ტორიცაა, ხოლო მუსიკის წერა შინ არ უხერხდება. ამის-
თვის გაიჩინა ატელიე რინგმეტრასეზე, მამ!

– ხვალ სადილად კვლავ „იმპერიალში“ შევხვდებით
ერთმანეთს.

– შემიძლია ოპერაში თავი დაგიკრა, მამი?

– რასაკვირველია, ჩემო გოგონი, ვითომ რატომ არა?! –
ჭკვიანურ ბავშვურ შუბლზე ეამბოზა, ხელოვანისათვის

ნიშნულ წოპე თავზე ქუდი დაიმხო და კარს გაიხურა.

ცხოვრების ავბედითობაზე ჩაფიქრებული პატარა გოგონა დინჯად მიუახლოვდა ფანჯარას. დედას არ შეემლო შინ ემუშავა, არც მამას ნებავს, მძიმე დღეში არიან მშობლები.

მაგრამ ლოტა ხომ დედის ხელში გაიზარდა და მანვე მიანჯია გოგონა გაბედულებას და პრაქტიკულობას. ამიტომ იყო, რომ უცბადვე მოთოკა მომაბეზრებელი ფიქრი, თავისი ჩვეული მოიძარჯვა და ლუიზას კვალდაკვალ ძველვენურ ყაიდზე მოწყობილი სახლის საგულდაგულო თვალიერებას მოსდგა, ისე რომ ოთახი არ დაუტოვებია უნახავი. შემოვლას მოჩნა თუ არა, ჩვეულებისამებრ მიუჯდა სასადილო მაგიდას, გვერდზე მიგდებული საოჯახო დავთარი გადამალა და სვეტებად ჩამოწერილი ხარჯების განგარნიშებას შეუდგა. ორი ზამ უმაღვე თვალში მოხვდა გოგონას. ჯერ ერთი, რეზი ყოველ გვერდზე ანგარნიშში სცოდავდა, მეორე ის, რომ მუდამ სარგებელში გამოდიოდა.

— ჩას ნიშნავს ეს? — სამზარეულოს კარს რეზი მოსდგომია.

— შენს დავთარში ყველაფერი ხელახლა დავიანგარიშე.

– ესეც ახალი მოდაა?! სჯობს, სკოლაში იანგარიშო, აქ კი არა! – პირში მიახალა ჩეზიმ.

– დღეიდან ერთად ვიანგარიშოთ, სკოლაში იმისთვის გვასწავლიან ანგარიშს, რომ ცხოვრებაში გამოგვადგეს. მასწავლებელიც ამას გვეუბნება! – წყნარად მიუგო ბავშვმა, სამზარეულოს სკამიდან ჩამოსტა და კარისაკენ გაემშურა.

გაოცებულმა ჩეზიმ თვალი გააყოლა.

* * *

ახლა კი, ჩემო პატარა თუ მოზრდილო მკითხველო, დადგა დრო, მოგითხროთ ლუიზასა და ლოტას მშობლებზე, ანუ უპირველეს ყოვლისა იმაზე, თუ როგორ დაცვილდნენ ისინი თავის დროზე ერთმანეთს. ამას რომ ვაპირებ, ცოტა არ იყოს, ვშიშობ კიდევ: იქნებ, ვინმე ასაკოვანმა მკითხველმა ამ ამბავთან დაკავშირებით ცხვირი აიბზუოს და მედიდურად წამოიძახოს კიდევ – ეს ვინ ყოფილა, როგორ შეიძლება ასეთი ამბები საქვეყნოდ გამოაჭენო, ბავშვებსაც კი მოუყვეო. ამიტომ გთხოვთ, ხმამაღლა წაუკითხოთ მედიდურთ ასეთი რამ.

შვიდი-რვა წლის შიზღეი ტემპლე უკვე საქვეყნოდ

განთქმული კინოვარსკვლავი გახლდათ და მისი წყალობით ამერიკის კინოფიზმები მილიონობით დოლარს იხვეჭდნენ. მაგრამ როცა კი პაწია გოგონა, დედასთან ერთად, კინოში შესვლას მოისურვებდა შიზლიე ტემპლეს მონაწილეობით შექმნილი ფილმის საყურებლად, ნებას არ ზთავდნენ, პატარა ხაზო – პატარებს კი კინოში შესვლა ეკრძალებოდათ. მას შეეძლო მხოლოდ ეთამაშა, ეს ნებადართული იყო, საამისოდ არავინ მოჰკითხავდა ასაკს.

და თუ ეს ცხვირაბზუებული კაცი მაინც დაიჩემებს, შიზლიე ტემპლეს მაგალითი ლუიზას და ლოტას მშობლების გაყრასთან რა მოსატანიაო, მაშინ ჩემი გულწრფელი სალამი გადაეცით მას და შეახსენეთ ჩემ მაგიერ: ამ ქვეყნად, ალბათ, ბევრი გაყრილი ცოლ-ქმარი მოიძებნება და მათ გამო ბევრი ბავშვი იტანჯება. ბევრი ცოლ-ქმარი კი შვილებს იმითაც ტანჯავს, რომ ერთმანეთს ჯერაც არ გამოჩევიან. და თუ ვინმე ფიქრობს, ბავშვები ამგვარ უბედურებას აიტანენო, უწინარეს ყოვლისა, მათთან გვმარტებს ამის თაობაზე გონივრული, შემაგონებელი საუბარი. ჩვენი მხრივ, ზედმეტი თავაზიანობა და სწორედ უკუღმართობა იქნებოდა სხვაფრივ მოქცევა.



მაშ ასე, ბატონი კაპელმაისტერი
ხელოვანი კაცია და ხელოვანი კი, მო-
გესხენებათ, უცნაური არსებაა. თუმ-
ცადა პალფის არც ფარტოფარფლიანი
შლაპა ახურავს და არც ფარფაშა ჰალ-
სტუსი უკეთია, იცვამს ისე, როგორც
კეთილშობილს შეჰფერის, მუდამ სუფ-

თად და თითქმის ელეგანტურად. მაგრამ შინაგანი ცხოვ-
რება! აქ კი რთულადაა საქმე: ჰოი, ეს შინაგანი ცხოვ-
რება! როდესაც მუსიკალური ზემოთაგონება დაეუფლება,
მაშინვე უნდა განმარტოვდეს, რათა ჩაინიშნოს და ჰანგად
გარდასახოს. ხოლო ეს მუსიკალური შთაგონება სად-
ღა არ მონახავს, თავშეყრილობაშიც კი... სად დაიკარგა
პალფი? — კითხულობს ოჯახის თავი და საიდანლაც ის-
მის პასუხი: — „უთუოდ მუზა ეწვია!“ სახლის პატრონიც
ნაძალადევად უმარბილოდ გაიღიმიებს, გულში კი ამბობს:
„ეს რა გაუთლელი ვინმეა, სულ გაქცევაზე როგორ უნდა
გეჭიროს თვალი?“ კაპელმაისტერ პალფის სწორედ რომ
შეეძლო ამგვარი გამუჩნვა!

ის კი არა და, საკუთარი ბინიდან გარბოდა ახლად და-
ქორწინებული, ჯერ კიდევ ჭაბუკი, სისხლი რომ უდუღ-

და, შეყვარებულიცა და პატივმოყვარეც, მუსიკალური შთაგონებით გადარეული და ნეტარი ეზოდროულად!

ის იყო, ტყუპები შეეძინათ. ყურთასმენა მიჰქონდა დღედაღამ ბავშვების ჭყავილს, მაშინ, როდესაც ვენის ფილარმონისტები მისი პირველი საფორტეპიანო კონცერტის პრემიერას აწყობდნენ. მანაც აიღო და შემოქმედებითი სასწრაფვეთის ყამს რინგსტრასზე დაიქირავა ატელიე და ზოიალიც იქ გადაატანინა.

ზაკი იმხანად შთაგონება მისი სმირი სტუმარი გახდა, ახალ მთვარესავით თუ დაენახვებოდა ხოლმე თავის ყმაწვილ ცოლსა და ღრიალა ტყუპებს.

ლუიზელოტე პალფის, ქალიშვილობაში კერძნერად წოდებულს, ოციოდე წლის ქალს, არ მოსწონდა ეს ამბავი. ამასობაში ყმაწვილ ქალს ყურში ჩაეწვეთა: ბატონი მეუღლე ატელიეში მხოლოდ ნოტებს როდი თხზავდა, ოპერის მომღერალ ქალებთან ერთად, კომპოზიტორი თვალში რომ მოსდიოდათ, სასიმღერო პარტიებს სწავლობდა. ეს უკვე მეტისმეტი იყო და აღშფოთებულმა ქალმა განქორწინება მოითხოვა.

ახლა კი სულ გაეხსნა ხელ-ფეხი შთამაგონებელ მარტოობას დანატრებულ ბატონ კაპელმაისტერს; შეეძლო

განმარტოებულიყო, რამდენ ხანსაც სურდა. სამარტლის წესით მისთვის მიკუთვნებულ ტყუპის ცალზე როტენტურმშტრასეზე დაქირავებული გამრჯე გოგო ზრუნავდა. თვითონ კი რინგშტრასეზე ცხოვრობდა. წადილი აისრულა, კაციშვილი არ იწუხებდა მისთვის თავს. ჰოი, ეს ხელოვანნი! თვითონაც არ იციან, რა სურთ! ის მაინც თავგამოდებული თხზავდა მუსიკას, დირიჟორობდა და წლითი წლობით სულ უფრო და უფრო იხვეჭდა სახელს. ესეც არ იყოს, ნაბახუსევზე ზომ შეეძლო, მეორე სახლში დაბრუნებულიყო და თავის ქალიშვილთან – ლუიზასთან თამაშით გული მოეოხებინა.


როცა კი მიუნხენში პალფის ახალი ნაწარმოები სრულდებოდა, ლუიზელოტე კერნერი უეჭველად ბილეთს ყიდულობდა, თავჩაქინდრული იჯდა იაფფასიან უკანასკნელ რიგში, ისმენდა ყოფილი ქმრის მუსიკას და ჰანგზე ატყობდა, რომ მისი ავტორი მთლად ბედნიერი კაცი ვერ უნდა ყოფილიყო, თუცა არც წარმატება აკლდა და არც ესოდენ ნალოლიავეები მარტოობა.

თავი მეექვსე

ნეტავ, საითაა ფრაუ ვაგენტჰალერის დუქანი? კი მაგრამ, სად გაგონილა, ბავშვს კერძის გაკეთება გადავიწყებოდეს? ლოტამ მამას ხელი დაუქნია ოპერაში. გულიანი შოკოლადების წვიმა. როგორ ჩაიარა პირველმა დამემ მიუნხენსა და ვენაში. უცნაური სიზმარი, ფროილიან გერლახს კუდიანად რომ წარმოგვიდგენს, მშობლებს ყველაფრის ნება აქვთ! „კესანე, – მიუნხენი – 18!“.

ფრაუ კერნერმა თავისი გოგონა მაქს-ემანუელ-შტრასეზე პაწაწინა ბინაში მიიყვანა, თავად კი უხალისოდ გასწია რედაქციისაკენ: საქმე ელის, სამსახური საქმის გაჭიანურებას ვერ იომენს!

ლუიზამ, ოჰ მაპატიეთ, ლოტამ ჯერ ბინაში მიიხედ-მოიხედა, მერმე გასაღები, საფულე, ბადურა წამოკრიფა და სანოვაგის საყიდლად გაემარტა. პრინც-ოიგენ-შტრასეს კუთხეში ნახევარი გირვანქა საქონლის სოტცი იყიდა, ნეკნის კარგა მსუქანი ნაჭერი შეარჩია, ზედ თირკმლის ნაწილი და ცოტაოდენი ძვალი დააწონა ლოტას დარიგებისამებრ. ახლა კი გაფაციცებით დაეძებს ბოსტნეულს,



Tner

ვერმიშელსა და მარილს. ანი ფებერზეცერი გაკვირვებულ-
ლი შეცქერის თანაკლასელ ლოტა კერნერს, ქუჩაში რომ
ატუზულა და რაღაც რვეულს ჩაჰკირკიტებს.

– შენ რა, ქუჩაში ამზადებ საშინაო დავალებას? – ცნო-
ბისმოყვარეობით ჰკითხა ამხანაგს, – ჯერ ხომ სწავლა
არ დაგვიწყია?

ლუიზა შეშინებული უყურებს გოგონას. აბა, რა სისუ-
ღელეა, კარგი ნაცნობივით გელაპარაკებოდეს ადამიანი,
თავის დღეში თვალითაც რომ არ უნახავხარ! ბოლოს ლუ-
იზამ ძალა მოიკრიბა და კმაყოფილებით მიუგო უცნობს:

– გამარჯობა შენი! ფრაუ ვაგენტჰალერთან მივდივარ,
წვნიანისათვის ბოსტნეული მინდა ვიყიდო, გამოძევი
რა! – ბოლოს ხელიც მოსდო გოგონას, რომლის სახელიც
არ სმენია, და ვითომც არაფერიაო, ფრაუ ვაგენტჰალე-
რის საბაყლოსაკენ გაიყოლია ისე, რომ ჭორფლიანს აი-
ნუნში არაფერი მოსვლია.

ფრაუ ვაგენტჰალერი, რასაკვირველია, ძალიან გახა-
რებულა, ლოტხენი რომ ასე ლოყებდაბრაწული დაბ-
რუნებულა აგარაკიდან. საყიდლებს რომ მორჩინენ, ქა-
ლი გოგონებს კანფეტებით გაუმასპინძლდა, თანაც ფრაუ
კერნერთან და ფრაუ ჰაბერზეცერთან დიდი მოკითხვა და-



აბრა. ამ გვარის გავონებამ ლუი-
ზას თითქოს გულიდან ლოდი ჩა-
მოსხნა — ეს გოგონა ნამდვილად
ანი ჰაბერზეცერი ყოფილა (რვე-
ულში ეწერა: „ანი ჰაბერზეცე-
რი, სამჯერ გამაბრაზა, ერთთავად
პატარა გოგონებს უტყაპუნებს,
განსაკუთრებით კი ყველაზე პა-
წია ილზა მერკს“). ოჰო, დასაწყისი
გვარიანი გამოდგა!

გამომშვიდობებისას სასლის
კართან შედგა.

— შენ ზომ ბარე სამჯერ გა-
მაბრაზე, ილზა მერკს რომ ვქომა-
გობდი, ეგ ჯერაც არ დამვიწყებია,

შენც კარგად მოგეხსენება ეს ამბავი. აწი გაბრაზებას არ
გაკმარებ, ერთი კარგად!.. — მერე თითით დაემუქრა და სა-
ხეგაბრწყინებელი თვალს მიეფარა.

— ამასაც ვნახავთ! — გაიფიქრა გაბრაზებულმა ანიმ,
— ეტყობა, სულ გასვლია თავს, ჭკუა დაბნევია ამ არდა-
დეგებზე!

ლუკა კერძს ამზადებს. დედის წინსაფარი აუფარებია და ციბრუტივით ტრიალებს გაჩქურასა და სამზარეულო წიგნს შორის. ქურაზე ქვაბი დგას, სამზარეულოს მაგიდაზე წიგნი გადაუშლია; წარამარა ქვაბს ზღის. ქვაბიდან მდუღარე წყლის გადმოდვრზანეც კი ფეთდება და ელეო-მელეთი მოსდის. რამდენი მარხილი უნდა დააყაროს ვერ-მიშელს? ნახევარი სუფრის კოვზი სდომებია, ქაშაყს რამდენიდა? ერთი მწიკვი.

მერე ნიგოზი უნდა დანაყოს, ნიგოზი სადაა? ქვასანა-ყი სადღაა? პატარა გოგონა უჯრებში იქექება, სკამზე შედგა, ყველა სათავსო მოათვალიერა, მერე კედლის საათს მიაცქერდა, სკამიდან მიზს ჩამოხტა, ჩანგალი აიღო, ქვაბს ხუფი ახადა, თითები დაეთუთქა, საქონლის ზორცი ჩანგლით მოსინჯა – არა, ჯერ არ მოხარშულა...

ერთხანს ასე იდგა გახევებული. ჰო, რას ეძებდა? მოაგონდა – ნიგოზსა და ზოდინ-სანაყს. ეს რაღაა, საოჯახო წიგნის გვერდზე რომ ჩამოუდვია? ბოსტნეული! ამ საკმა-ზის შემდეგ რა უნდა ჩაყაროს, რა წერია სამზარეულოს წიგნში? მწვანილი ჩააჭრას! მწვანილი უნდა გავრეცხო და ბულიონს ჩავაჭრა, მამ ჩანგალს ხელი უნდა უშვას, დანა



აიღოს! იქნებ უკვე მოიხარშა სორცი? ჯავზი სომ უნდა
გახეხოს, მაგრამ სად არის სახეხი ან ჯავზი? ბოსტნეული
ონკანქვეშ უნდა გარეცხოს, მერე სტაფილო გაფხიკოს. ეს
რა ხათაბალაში გაება — თითი გაიჭრა! სორცი მოიხარშე-
ბა თუ არა, ქვაბიდან უნდა ამოიღოს, ძვლები გააცალოს.
მერე კიდევ თუშფალანგი რომ სჭირდება! ნახევარ საათ-
ში დედაც მოვა, ოცი წუთით აღრე კი მღუღარე წყალში

ვერმიშელი უნდა ჩაყაროს. ერთი ალიაქოთია სამწარეულში, ეს ჯავზიო, ეს თუშფალანგიო, ეს სახენიო და ათასი ჩამ! ქანცგამწყდარი ლუიზა მოწყვეტით დაეშვა სკამზე. ოჰ, ლოტხენ, რა ძნელი ყოფილა შენი მაგივრობის გაწევა!.. ახ, სასტუმრო „იმპერიალი“, კარის მჩრეველი შტრობლი... პეპერლ, ... ბატონი ფრანცი და მამა ... მამა.. მამიკო!..

საათი ულმოვლად ტიკტიკებს.

დედის დაბრუნებამდე ოცდაცხრა წუთიდა დარჩენილა, არც კი – ოცდარვა-ნახევარი. ლუიზამ გაბედულად მომუშტა ხელები და საქმეზე თავდადებულმა ერთი კი ჩაიბურტყუნა: „ხომ მომეჭრა თავი!“ მაგრამ კერძის მომზადება რომ არც ისე იოლი საქმეა?! ლუიზა კოშკიდან გადახტომამდეც არ დაიხევდა უკან, მაგრამ ვერმიშელი-სა და საქონლის ხორცისაგან წვნიანის მოსამზადებლად მარტო ნებისყოფა ხომ არ კმარა!

და მთელი დღის გაწამაწიით მოქანცულ დედას სახე-მომღიძარი დიასახლისი კი არ დაუხვდა, არაქათგამოცლილი, უმწეო, თითქოს ბედისაგან გასრესილი აზსება, რომლის სატირლად დაღმეჭილმა ბაგეებმა დედას მიაგება:

– ნუ გაშიწყრები, დედა, მგონი გადამვიწყებია კერძის კეთება!

– კი მაგრამ, ლოტხენ, სად გაგონილა, ბავშვს კერძის კეთება გადავიწყებოდეს! – წამოიძახა გაოცებულმა დედამ. მაგრამ გაოცებისათვის ვისღა სცალია: ბავშვს ცრემლები უნდა ამოუშროს, ბულიონი გასინჯოს, შიგ მოსწრშული ხორცი ჩაყაროს, კარადიდან ჯამ-ჭურჭელი გამოალაგოს და ასე და ამრიგად...

და როდესაც ბოლოს დედა-შვილი განათებულ ოთახში მაგიდას მიუსხდნენ და კოვზით ვერმიშელის წვნიანის სვრეპას შეუდგნენ, დედამ პატარა გოგონა დაამშვიდა:

– მაინც გემრიელი კერძი გამოვიდა, არა?

– მართლა? – გოგონას პირისახეზე ღიმილი მოეფინა.

დედამ თავი დაუქნია და ღიმილითვე უპასუხა:

ლუიზამ შვებით ამოისუნთქა, ერთბაშად ისე ეგემრიელა საჭმელი, როგორც არასდროს, რისი „იმპერიალი“ ან რისი საყვარელი ერბოკვერცხი, თუნდაც ეგზომ სანუკვარი!

– ხვალ მე გავაკეთებ საჭმელს, შენ კი მიყურე და ნახე, თუ ისეთივე მზარეული არ დადგე, არდადეგებამდე რომ იყავი.

ლუიზამ ბეჯითად დაუქნია თავი და წამოსცდა კიდევ:
– ეგება უკეთესიც!

ჭამას რომ მორჩნენ, ერთად დარეცხეს ჯამ-ჭურჭელი და ლუიზამ უამბო დედას საბავშვო სახლში გატარებულ დღეებზე (ოღონდ თავის ორეულზე კრინტიც არ დასცდენია).

* * *

ლოტა კი ამ დროს, ლუიზას საუკეთესო კაბაში გამოწყობილი, ვენის სახელმწიფო ოპერის იარუსის ლოყაში წამოჭიმულა, მკერდით ძგიდეს მიყრდნობია და თვალეხანთებული შესცქერის ორკესტრს, კაპელმაისტერი პალფი „ჰენსელისა და გრეტელის“ უვერტიურას დირიჟორობს.

„როგორ უხდება მამიკოს ფრაკი! ეს მუსიკოსებიც როგორ უჯერებენ, მათ შორის მოხუცებიც სომ არიან! ჯონით დაემუქრება თუ არა, ისინიც, როგორც შეუძლიათ, დასცხებენ, და როცა ხმის დადაბლებას უბრძანებს, მუსიკოსებიც საღამოს ნიავივით შეანელებენ. ალბათ ეშინიათ მამისა! განა სუთ წუთის წინ არ იყო, ხელი რომ დამიქნია ალერსიანად?!“

ამ დროს ლოყის კარი გაიღო და კაბის შრიალით შემოვიდა კონტად გამოწყობილი ახალგაზრდა ქალი, ლოყის ძგიდესთან მიჯდა და მიჩერებულ ბავშვს გაუღიმა. ლოტამ მოჩუქვად პირი იბზუნა და კვლავ მუსიკოსებსა და მათ მომთვინიერებელზე გადაიტანა მზერა.

ახალგაზრდა ქალმა ჯერ სათეატრო ჭოგრიტი მოიმარჯვა, მერე კანფეტების ყუთი, პროგრამა, საპურზე ამოალაგა, სავერდგადაკრული მოაჯირი მაღაზიის ვიტრინას დაემსგავსა. უვერტიურის დამთავრებისათანავე დარბაზში მქუხარე ტაშის გრიალი გაისმა, დირიჟორი შემობრუნდა და რამდენჯერმე თავი დაუხარა მაყურებლებს, მერე, სანამ ჯოხს ისევ ასწევდა, ლოყას ახედა. ლოტამ მოჩუქვად დაუქნია ხელი, მამამაც ალერსიანად გაუღიმა.

ლოტა უცებ მიხვდა, რომ ეს მისალმება, მის გარდა, გვერდით მჯდომ ქალსაც ეკუთვნოდა.

„რაო, ქალიც მიესალმა? იქნებ ლოტას კი არა, სწორედ ამ ქალს გაუღიმა მამამ ასე სათუთად! მერედა, რატომ არაფერი უთქვამს ლუიზას ამ უცხო ქალზე?! იქნებ, ახლა გაიცნო მამამისმა? აგრე რომ იყოს, ასე შინაუარულად როდი მოექცეოდა! – ბავშვმა გონებაში ჩაიბეჭდა: დღესვე უნდა მივწერო ლუიზას ეს ამბავი! ვკითხავ – იცის თუ

აბა ჩაიბე, სვალ სკოლაში მისვლამდე ფოსტაში შევივ-
ლი და წერილს გაუუგზავნი მოკითხვამდე: „კესანე, მიუნ-
ხენი – 18!“



ამასობაში ფარდაც აიწია, დაბლა, სცენაზე, მშობლებ-
მა ორი შვილი თავიდან მოსაცუილებლად ტყეში გაგზავ-
ნეს. განა არ უყვარბო, მაგრამ მეტი გზა არ აქვბო. „ნუბო
შეუბღიბო, ასებო ბობოტებო ჩაბღინბონ? ან ეგებ სულაც
არ არიბონ ბობოტები, ანბო, იქნებ, ეს არც იყოს ბობოტე-
ბა – ალბობო ჩამღენს ბინბებღენს! მბშ, ჩბტობ იქცევი-
ბონ ასე?!“ ლობტხენბც, ეს ორბღ გბყოფბღი ბო მერე ბავბს
ორეულს შენბცვლებული ტყუბბს ცბღბ, უფბრო ბო უფბრო
ბიტბნბ მბრწობლბმ. მბსბ გბრმბობბბბა ჭბღბღბღბ უკვე ბბბლბ,

სცენაზე გამოსულ მშობლებსა და მათ ბავშვებს კი აღარ უტრიალებდა, თანდათანობით მიიწევდა თავისი მშობლებისა და ტყუპის ცალისაკენ.

„მართლა ასე უნდა მოქცეულიყვნენ თუ არა ჩვენი მშობლები? დედა ზომ კეთილი ქალია, მამაც ასეთივეა, მაგრამ რაც მათ ჩაიდინეს, აშკარა ბოროტებაა. შეშის მჭრელი და მისი ცოლი ღარიბ-ღატაკები იყვნენ, შვილებისათვის ლუკმაპურსაც ვერ შოულობდნენ. მამაჩემი კი განა ღარიბი იყო?“.

ზოცა სცენაზე ჰენწელი და გრეტელი სჩაშუნა თაფლისკვერების სახლს მოადგნენ, კარგა ხანს იმტვრიეს თავი, კარი ვერ უბოვეს, კუდიანის სმამ კი ისე შეაშინა ბაღლები, ფროილან ირენა გერლასი — ასე ერქვა ამ კონტა ქალს — გოგონასკენ გადმოისარა, კანფეტების ყუთი მიუჩოჩა და წასჩურჩულა:

— იქნებ, შენც ჩაიკოვლწინო ყელი?

გოგონა ათრთოლდა, ქვემოდან ახედა ქალს, უმწეოდ აიქნია ხელი, თითქოს თავს იცავსო. მაგრამ უნებლიეთ კანფეტების ყუთს ხელი გაჰკრა, გეგონებოდათ, ნიშანი მისცესო, ისე წამოვიდა პარტერისაკენ შოკოლადების წვიმა. ყველამ თავი ასწია და მუსიკის სმას შეკავებუ-



ლი სიცილი შეეზია. დარცხვენილი და თან გულმოსული ფროლიან გერლასი იღიმებოდა.

გოგონა შიშისაგან გახევდა. იგი ერთბაშად მოსწყვიტეს ხელოვნების საშიშარ მომხიბლაობას და მწარე სინამდვილეს დაუბრუნეს.

– ძალიან გთხოვთ, მომიტევეთ! – ამოიჩურჩულა ლოტამ.

ქალმა მოწყალებდ გაუდიმა:

– არა უშავს, ლუიზერლ!

„ეგებ ეს ქალიც კუდიანია, ოღონდ უფრო ლამაზი, ვიდრე ის, სცენაზე გამოსული ბებრუსუნა!“

* * *

ლუიზასათვის ეს პირველი დამეა მიუნხენში. საწოლის კიდეზე ჩამომჯარი დედა ძილის წინ ეუნება:

– ჰოდა, ასე, ჩემო ლოტსენ, ტკბილ ძილსა და საამო სიზმრებს გისურვებ!

– ჯერ სომ დაღლილი არა ვარ, – ჩურჩულით უთხრა ბავშვმა, – შენც ძაღე დაწვები, დედი?

მოპირდაპირე კედელთან დიდი საწოლი იდგა, გადაწეულ გადასაფარებელზე დედის საღამური პერანგი იყო გადაფენილი.

– როგორც კი დაგეძინება, მეც გავიხდი და ჩავწვები.

გოგონამ დედას კისერზე ხელები შემოაჭდო და ზედიზედ სამჯერ აკოცა – „ღამე მშვიდობისა!“.

ახალგაზრდა ქალმა გულში მაგრად ჩაიკრა პატარა არსება და წასჩურჩულა:

– ნეტავ, იცოდე, როგორ გამახარე შენი დაბრუნებით,

მე ხომ შენს მეტი აჩავინ გამაჩნია!..

თვლემამორეული ბავშვის თავი სასთუმალზე დაეშვა. ლუიზელოტე პალფიმ, ქალიშვილობის გვარი კერძები რომ დაუბრუნებია, საბანი გაუსწორა თავის გოგონას და ერთხანს ყურს უგდებდა მის მშვიდ სუნთქვას, მერე წამოდგა და ფესაკრეფით გავიდა დიდ ოთახში.

იქ, მაგიდაზე, ლამის ნათურის ქვეშ, საქაღალდე იდო. იწყებოდა საქმე.

* * *

დღეს პირველად, რომ ბუზღუნა რეზიმ ლოგინში ჩააწვინა ლოტა. თუმცა ცოტა ხნის შემდეგ გოგონა ზეზე წამოსტა, ბარათი დაწერა, სვალ დილით ფოსტაში რომ უნდა გაარბენინოს. მერე ფესაკრეფით მიიპარა ისევ ლუიზას საწოლთან და სანამ შუქს გამორთავდა, ერთხელ კიდევ მდუმარედ შეათვალიერა საბავშვო ოთახი. კონტად მორთული ბინაა. ზღაპრების მიხედვით დასურათხატებული ფრინველები. აქვეა სათამაშოების კარადა, წიგნის თარო, საწერი მაგიდა, რომელზეც საშინაო დავალებებს შეასრულებს, ვეება საკარცხული, ძველმოდური, ლაზათიანი ტრელაყი, დედოფალას საწოლი, მისივე ეტლი, მთავარი ხომ არის და არის,

მაგრამ უბრალო წვრილმანიც არ აკლია.

მერედა, რამდენჯერ უნატრია ლოტას თავის გულში ასეთი კოსტა ოთახი. სურვილი კი აუხდა, სამაგიეროდ, გულს უბურღავს რალაცნაირი სევდისა თუ შურის საღესზე მოპირული ტკივილი. ახლა თავისი პატარა, ღარიბული ოთახი მონატრებია, ლუიზა რომ წევს, დედა დაძინების წინ კოცნის, დიდი ოთახიდან შუქი გამოკრთის – დედა დამდამობით მუშაობს სოლმე, საცაა კარი გაიღება, დედა მიუახლოვდება მის საწოლს და მძინარე ბავშვს დახედავს, მერე კი ფესაკრეფით მიაშურებს თავის საწოლს, საღამურ ჰერანგს გადაიცვამს და საბანში ნებიერად გაესვევა.

ნეტავი, მეზობელ ოთახში მაინც იდგეს მამის საწოლი. ალბათ მამა სმამაღლა ზვრინავს კიდევ. ეს საუცხოოა – გეცოდინება მაინც, რომ იგი ახლოსაა! მაგრამ მამას აქ კი არა, სულ სხვა სახელში სძინავს, კერტნერ-ზინგზე ან, ეგება, სულაც არ სძინავს: ზის ვრცელ, გაჩანჩახებულ დარბაზში იმ კოსტა, გულიანი შოკოლადების მფლობელ დედოფალთან, შეექცევა ღვინოს, იცინის, ცეკვავს და ქალს სათუთად უკრავს თავს, ისევე როგორც დღეს; ოპერაში სწორედ იმ ქალს დაუკრა თავი და არა საკუთარ ქალიშვილს, მოკრძალებით რომ უქნევდა ხელს ლოყიდან

და სასყე გაბადროდა!

ლოტას ჩაეძინა და სიზმრები ნახა. ღარბი მშობლების ზღაპარმა, თავიანთი შვილები — ჰენსელი და გრეტელი ტყეში რომ გაგზავნეს, ისევ შეაძრწუნა ლოტა. ეზმანა, ვითომ ლოტა და ლუიზა ერთ საწოლში იწვნენ, ორივენი იდაყვებზე წამოწეულიყვნენ, შეშინებული თვალებით კარს მიშტერებოდნენ. კარებში თეთრქუდიანი საბაზები გარდ-გამოდოდნენ და პურებს დაატარებდნენ. ოთახი ისე გაიჭედა პურებით, ნემსის ჩასავარდნი ადგილი აღარ დარჩა.

საიდანღაც ფრაკში გამოწყობილი მამა წამოდგა თავს და ხალისიანი, ვაყკაცური ყესტით მეპურეთა აღლუმს დირიჟორობს. ამ ღრის დედაც შემოვარდა და შეწუხებულმა იკითხა:

— კი მაგრამ, ჩას აპირებ, შე კაი კაცო?

— ბავშვები აქაურობას უნდა გაეცალონ! — ყვირის გაბრაზებული მამა, — ხომ ხედავ, რამდენი პურია აქ!

დედა თითებს იმტვრევს, გოგონები საცოდავად ოხრავენ.

— გაეთრიეთ! — იყვირა მამამ და მუქარით ასწია დირიჟორის ჯოხი. საწოლი მორჩილად მისრიალებს ფანჯრისაკენ. ფანჯარაც უმაღ გაიდო და საწოლი ლივლივით

მიცურავს გარეთ.

საწოლმა გადაუფრინა უზარმაზარ ქალაქს, გადაუქროლა მდინარეებსა და ბორცვებს, მინდვრებსა და მდელოებს, მთებსა და ტყეებს. ბოლოს, სადღაც, უცხო მიწაზე, ფესვმაგარ, გაუვალ და უღრან ტყეში დაეშვა. ყურთასმენა მიაქვს საზარელ ფრინველთა გამყივან ძახილსა და ნადირთა შემწარავ ღრიალს. შიშისაგან დაზაფრული ორივე გოგონა საწოლზე წამომჯდარა.

ტკაცანებს და ზრიალებს ტყე.

ბავშვები ისევ ლოგინში შეძვრნენ და საბანი თავზე გადაიხურეს. სშირი ბუჩქნარიდან ახლა კუდიანი გამოიძურწა. მაგრამ სცენაზე მოთამაშეს კი არა, იმ გულიანი შოკოლადების დედოფალს მიაგავს, ლოყაში რომ იჯდა. ქალმა სათეატრო ჭოგრიტით ლოგინი შეათვალიერა, თავი დააკანტურა, მედიდურად გაიღიმა და სამჯერ ზედიზედ ხელი ხელს შემოჰკრა.

ჩაბნელებული ტყე, თითქოს მის ბრძანებას დემორჩილად, ერთბაშად გაბრწყინებულ მდელოდ იქცა. მდელოზე შოკოლადების ფილებით შემოღობილი კანფეტების სახელი დგას, მხიარულად ყივყივებენ ჩიტუნები. ბალახში ნუშის ნამცხვრიდან გამოძებნილი ყურცქვიტებია. ყოველ

მხრივ თქვოს ბუდეები მოჩანს, შიგ საადრგომო კვერ-
ცხები - წყვია. საწოლის თავზე პაწია ჩიტუნა წამოსკუპდა
და ისე ჩაიჭიკჭიკა, ლოტამ და ლუიზამ ჯერ ცხვირები გა-
მოყვეს საბნიდან, მერე კი თავებიც წამოსწიეს. პატარებ-
მა მდელაზე აღგომის მახარობელი ყურცქვიტები, შოკო-
ლადის კვერცხები და გულიანი შოკოლადებით მორთული
სახლი რომ დაინახეს, მარად გადმოცოცდნენ ლოგინი-
დან და ღობისაკენ გაიქცნენ. საღამური პერანგების ამა-
რა ბავშვები გაოცებულები შედგნენ ღობესთან. ლუიზამ
წარწერების კითხვა დაიწყო: „საგანგებო ნარევი!“ „და-
შაქრული ნუში!“ „გულამოჩუქურთმებული ნუგა!...“

— ოჰო, აქ ცხარე კერძებიც ყოფილა! — წამოიძახა გა-
სარებულმა ლოტამ (ტკბილეული მას სინძარშიაც ეზა-
რებოდა).

ლუიზამ მესერს შოკოლადი ჩამოატეხა, „ნუგვიანი
ყოფილაო!“ — თქვა და ჩაკბენა დაუპიზა.

ამ დროს სახლიდან კუდიანის ქირქილი შემოესმათ.
ბავშვები შიშს აუტანია. ლუიზამ შოკოლადი შორს გა-
დატყორცნა.

სად იყო და სად არა, დედა გამოჩნდა. პურით სავსე
ურია მოაგორა.

— შესდექით, ბავშვებო! — დაუძახა შეშინებულმა დე-

დამ, — ყველაფერი მოწამლულია!

— გვშია, დელი!

— აგერ, პური მაქვს თქვენთვის! რედაქციიდან უფრო ადრე წამოსვლა ვერ მოვასერსე.

ქალი ბავშვებს მოეხვია და, ის-ის იყო აპირებდა, იქა-ურობისათვის მოეშორებინა პატარები, რომ გულიანი შოკოლადების ფილებით შეკრული კარი გაიღო და მამა შემოვიდა. ხელში ვეება ბირდაბირი ეჭირა, აი ისეთი, შესისმჭრელებს რომ დააქვთ.

— თავი გაანებე მაგ ბავშვებს, ფრაუ კერნერ! — დაუყვირა მან.



– ესენი ჩემი შვილები არიან, ბატონო პალფი!

– ჩემოც! – დაუღრიალა მან და, სანამ მიუახლოვდებოდა, მკაცრად მოუჭრა: – აგერ, სერხიც თანა მაქვს და მაგ ბავშვებს შუა გავყოფ, ლუიზასა და ლოტას ნახევარ-ნახევარი წილი შეგხვდებათ, ფრაუ კერნერ!

შიშისაგან აცახცახებულ ტყუპები ისევ საწოლზე შესტდნენ. ხელებგაშლილი დედა ისევ პატარებს გადაეფარა.

– ვერ ეღიბსებით, ბატონო პალფი, ვერა!

მაგრამ ბავშვების მამამ ცოლი გვერდზე გასწია და საწოლის თავიდან მოჰყვა სერხვას. სერხი შემწარავად სრიალებდა, საწოლი სიგრძივ იყოფოდა.

– ხელები შეუშვით ერთმანეთს! – უბრძანა მამამ.

სერხი ნელ-ნელა, უფრო და უფრო მიიწევს ბავშვთა ურთიერთგადაჭდობილი ხელებისაკენ. აი, კიდევ აუტკრიცა ორივეს კანი. დედა გულის მომწყვლელად ქვითინებს. იქვე სადღაც კუდიანი ხითხითებს.

ბოლოს ორივე ბავშვის ხელები უმწეოდ ჩამოეშვა. სერხმა ხელებს შორის ჩაიხრიალა და ბოლომდე თანატოლად ჩაჭრა საწოლი ისე, რომ ოთხფეხიანი ორი საწოლი გამოვიდოდა.

– რომელი ტყუბი გსურთ, ფრაუ კერნერ?

– ორივე, ორივე!

– სამწუხაროა! – მიუგო კაცმა, – სამართლიანობა უნდა დამყარდეს, ჩაკი თქვენ ვერ გადაგიჭრიათ, მე წავიყვან ერთ მათგანს, ჩემთვის სულ ერთია, რომელიც იქნება!

– თქვა მან და საწოლს მისწვდა.

– რომელი ხარ შენ? – ეკითხება მამა.

– ლუიზა ვარ, მაგრამ ამის ნება არა გაქვს! – წამოიძახა პატარამ.

– არა, ჩვენი შუაზე გაყოფის ნებას არ მოგცემთ! – წამოეშველა დაიკოს ლოტა.

– ენას კბილი დააჭირეთ, მშობლებს ყველაფრის ნება აქვთ! – მკაცრად თქვა მამამ, საწოლი თოკით დაითრია და გულიანი შოკოლადებით მორთული სახლისაკენ წაათრია. შოკოლადების ღობე თავისით აცურდა მაღლა. ლუიზა და ლოტა ნაღვლიანად უქნევენ ხელებს ერთმანეთს.

– ბარათები მაინც მივწეროთ ერთმანეთს! – დაუძახა ლუიზამ.

– „მოკითხვამდე, კესანე, მიუნხენი – 18“ – მიაძახა ლოტამ.

მამა და ლუიზა სახლში შევიდნენ. უმაღვე სახლიც

უკვალოდ გაქრა, თითქოს მიწამ შთანთქაო. დედა ლოტას გულში ჩაეკრა და მწარედ აქვითინდა.

– ახლა მამითაც ობლები ვართ!

უცებ დედა იჭვნეულად მიაჩერდა ბავშვს:

– ზომელი ხარ, შვილო, მგონი, ლოტა უნდა იყო, არა?

– ჰო, ლოტა ვარ!

– არა, მგონი, ლუიზას უფრო უნდა ჰგავდე!

– მართლაც, ლუიზა ვარ!

დედამ შიშით შეხედა ბავშვს სახეში და ჩაღაც უცნაური, მამისნაირი ხმით წარმოთქვა:

– ეს კულულები! ესეც ნაწნავი! იგივე ცხვირი! იგივე თავი!

ახლა ლოტას თმა მარცხნივ დაუწნია, მარჯვნივ კი ლუიზასავით კულულებად დაუყრია, ცრემლები დაპაღუპით ჩამოსდის დაწვებზე და უმწეოდ ჩურჩულებს:

– ჩაღა მეშველება, მე თვითონ ზომ არ ვიცი, ვინა ვარ?!

თავი მეშვიდე

კვირას კვირა მოსდევს. პეპერლი კმაყოფილია. ერბო-კვერცხს ძვლები არა აქვს. ყველაფერი შეიცვალა — რეზის ზომ ვეღარ იცნობთ. კაპელმაისტერი პალფი მუსიკის გაკვეთილებს ატარებს. ფრაუ კერნერის საყვედურები. ანი ჰაბერზეცერი გაასილაქეს. ასეთი სანატრელი კვირადღე ქვეყნად ჯერ არ ყოფილა.

იმ დღიდან და იმ ღამიდან მოკიდებული, მერამდენე კვირა გავიდა. უცხო სამყარო და, ისევ და ისევ, უცხო ხალხში ტრიალი. იმ კვირებში ყოველ წუთსა და ყოველ შემთხვევას, ყოველ ნაბიჯსა და ყოველ შესვედრას თან სდევდა ახალ-ახალი საფრთხე თუ აღმოჩენა. ეს იყო მეტად მშფოთვარე კვირები, როცა წარამარა უნდა მოგეკითხა ფოსტაში ბარათები, ყოველ წვრილმანში რომ გარკვევდა.

მაინც კარგად ჩაიარა ყველაფერმა. ლუიზას ბედი ასე თუ ისე სწყალობდა, „ხელახლა“ ისწავლა მზრეულობა. მიუნხენელი მასწავლებლები ნება-უნებურად შეეგუენ იმას, რომ არდადეგებიდან დაბრუნებულმა პატარა კერნერმა სწავლას უკლო, ერთგვარი უყურადღებობა და

უწესობა დასჩემდა, სამაგიეროდ, ძალზე გამოცოცხლდა და ნამდვილი ჩხუბისთავი გახდა.

ვენელ მასწავლებლებს კი, აბა, რა ეთქმოდათ, თუ კაპელმაისტერის ქალიშვილმა სიბეჯითეს უმატა, გამრავლების ტაბულაშიც მარჯვედ გაწაფულიყო.

აი, სწორედ გუშინ ფროილიან გსტეტენერმა, ცოტა არ იყოს, მაღალფარდოვნად განუცხადა სამასწავლებლოში ფროილიან ბრუკბაუერს:


– ლუიზას განვითარება ყველა გამჭრიახი პედაგოგი-სათვის ჭკუის სასწავლი გაკვეთილია, ძვირფასო კოლეგავ. მისი მოზღვავებული ტემპერამენტი დინჯ, მოქმედ ძალად გარდაისახა; სიანცე და სინალისე, დაუოკებელი ცნობისწადილი ცოდნის შეუპოვარ სურვილად გარდაიქმნა. დიას, ეს ერთადერთი შემთხვევა გახლავთ, ძვირფასო კოლეგავ! ნუ დაგავიწყდებათ ისიც, რომ უმაღლესი ფორმით გამოძეღვენებული ეს მეტამორფოზა თავისთავად, ყოველგვარი აღმზრდელობითი ჩარევის გარეშე მოხდა.

ფროილიან ბრუკბაუერმა ბეჯითად დაუქნია თავი და მუგო:

– ხასიათის ამგვარმა ცვლილებამ, ჩამოყალიბების ამ შეუპოვარმა წადილმა ლუიზას ხელწერასაც დაატყო კვალი! აკი მუდამ გავიძახოდი – ხელწერა და ხასიათი!..

მოდით, ყურადღებას ნუღარ მივაქცევთ ფროილიან ბრუკბაუერის ამ ამოჩემებულ სიტყვებს და ახლა ბატონი შტრობლის გომიას პეპერლის ამბავიც მოვიკითხოთ. გულახდილად უნდა ვაღიაროთ, რომ კარის მზჩეველის შტრობლის ძაღლმა ერთი ხანია, ძველი ჩვევა კვლავ გაიხსენა და წესისამებრ ღვთის წყალობას უსურვებს სოლმე ბატონ კაპელმაისტერის მაგიდასთან მჯდომ პატარა გოგონას. პეპერლმა იმთავითვე გეშით იყნოსა, რომ ლუიზა ის ძველი ლუიზა აღარ იყო, თუმცა, ეს უკვე ძაღლურ განსჯას აღემატებოდა. რა მოხდა მერე, სომ შეიძლება ადამიანი გამოიცვალოს, ვითომ რატომ არა?! თანაც ამ პატარა საყვარელმა გოგონამ ბოლო დროს ერბოკვერცხი აითვალწუნა, სამაგიეროდ, სორციან კერძებს მიეძალა. ჰოდა, მოგეხსენებათ, ერბოკვერცხს, რომ მოინდომო, ძვლის ნატამალსაც ვერ უპოვი, სოლო სორციულში – გაგინარიათ! ძაღლსაც მეტი რა უნდოდა! ახლა სომ სვდებით, გომია რატომ აღარ არის ისე ამრეზილი.

თუ მასწავლებელ ქალებს აგრეზიგად ენიშნათ ლუიზას გადასხვაფერება, მაშ, რეზიზე რაღას იტყოდნენ, ოჯახის მნე ქაღზე, ახლო რომ სცნობოდათ იგი. რეზი ნამდვილად ხელახლა დაიბადა. იქნებ, სულაც არ იყო ბუნებით



ბედოვლათი და მატყუარა ქალი; იქნებ, უბრალოდ სიფ-
ნიზლე აკლდა, რომ ყოველი წვრილმანი გაეთვალისწი-
ნებინა?!

აგერ, რა ხანია, ლოტა ოჯახში ტრიალებს, ზვერავს
იქაურობას, დაწვრილებით ეცნობა სამზარეულოსა თუ
სარდაფის ასავალ-დასავალს, სათუთი გოგონაა, მაგრამ
თავისი მაინც გააქვს. რეზიც რომ აამოქმედა!

ლოტა მამას მოელაპარაკა, სახარჯო ფული დღეიდან
რეზის მაგივრად მე ჩამაბარეო. სწორედ სასაცილო სა-
ნახავი იქნება, რეზი საბავშვო ოთახის კარზე რომ მიაკა-
კუნებს, შევა და ცხრა წლის გოგონას მორჩილად მოახ-
სენებს: რა სანოვაგა საყიდელი, ვახშმად რა ექნებათ და
ოჯახს კიდევ რა სჭირდება. ლოტა წამსვე დაიანგარიშებს
ღირებულებას, უჯრიდან ფულს ამოიღებს, მიუთვლის
რეზის, თანხას რვეულში ჩაიწერს, საღამოს კი სამზარეუ-
ლოში მაგიდას მიუჯდება და ერთიანად დაიანგარიშებს.

მამასაც კი მოხვდა თვალში, რომ ოჯახის შენახვა ას-
ლა გაცილებით ნაკლები ჯდება; თუმცა წინანდელთან
შედარებით გაცილებით ნაკლებს ხარჯავდა. მის მაგიდას
მუდამ ამშვენებდა ცოცხალი ყვავილები, მარტო შინ კი
არა, იქ, ატელიეშიც. როტენტურმშტრასესზე სომ საამო
ოჯახური სიამტკბილობა სუფევდა (თუნდაც ქალი გყო-
ლოდეს ოჯახში, — გაიფიქრებდა სოლმე ბატონი კაპელმა-
ისტერი და თითქოს კიდევ სიამოვნებდა ამის გაფიქრება).

ის ამბავი, რომ ბოლო დროს მას ძალიან გაუტკბა რო-
ტენტურმშტრასე და იქაური ოჯახი, „გულიანი შოკოლა-
დის დედოფალს“, ფროილან ირენა გერლახის თვალს
არ გამოჰპარვია. სიტყვაც კი ჩამოუგდო ამის თაობაზე
ბატონ კაპელმაისტერს, რასაკვირველია ძალიან ფრთხილ-
ლად, ხელოვანნი ძალიან მგრძნობიარენი არიან!

— იცი, რა, — მიუგო, — პალფიმ, — იმასაც მოვესწა-
რი, ლუიზა ფორტეპიანოს მიუჯდა, ჩუმად ხარობს კიდევ,
კლავიშებს რომ უბარტყუნებს, თან რაღაც პატარა სიმ-
ღერას დაჰლიდინებს წყნარად და სიყვარულით. წინათ,
რომ გეცემა, პიანინოს სიასლოვეს ვერ გააკარებდი.

— მეზე? — ჩააცვივდა ფროილან გერლახი, თან წარბები
აძვება.

– ფორტეპიანოს გაკვეთილებს ვუტარებ, – მოზცხვად გაიღიმა ბატონმა პალფიმ, – ძალიან გახარებულია ამ ამბით; რაღა დაგიმალო და მეც მიხარია.

ფროილან გერლახმა ზიზღი ველარ დაფარა, – დიდი სულის ქაღბატონი გახლავთ! – მეჩე ენამწარედ დაუმატა:

– მე კომპოზიტორი მეგონე და არა მასწავლებელი პატარა გოგონებისა, ფორტეპიანოზე რომ ჯახირობენ!

წინათ ალბათ ვერავინ გაბედავდა, ასეთი რამ მიესალა პირში ბატონი პალფისათვის, მაგრამ ახლა მან მოწაფესავით გაიციინა და დაუმატა:

– არასდროს შემითხზავს ამდენი და თან ასეთი კარგი რამ!

– მეჩე, რა გამოვა?

– საბავშვო ოპერა! – მიუგო პალფიმ.

* * *

ჰოდა ასე, მასწავლებელთა თვალში სომ ღუიზა საოცრად გამოიცვალა, სოლო თვითონ ბავშვის თვალში – ჩეზი და პეპერლი, მამის თვალში კი – როტენტუტმშტრასე; ცვლილებებს ველარ დაითვლიდით ვენაში.

რასაკვირველია, მიუნხენშიც შეიცვალა ყოველივე.

ჩაკი დედამ შეამჩნია, ლოტა დიასახლისობას გულს ვერ უღებს და სკოლაშიაც აღარ ბეჯითობს, სამაგიეროდ, გახალისდა და გამხიარულდაო, ისევ თავის თავს უსაყვედურა: „ლუიზალოტე, შენ არ იყავი, რომ ნორჩ აზსებას ბავშვობა წაართვი და მეოჯახე ქალად გახადე! საკმარისი იყო, ბავშვს რამდენიმე კვირა თანატოლებთან ერთად, მთაში, ტბის ნაპირას გაეტარებინა, რომ მაშინვე დაბრუნებოდა მხიარული, უზრუნველი, ნანატრი ბავშვური იერი, შენი ჭაპანწყვეტისა რომ არა გაეგება ჩა. დიას, შენ ერთი თავკერბა ვინმე გამოდექი, ფუი შენს ქალობას! ახლა მაინც გიხაროდეს, რომ ლოტხენი ასე მხიარული და ბედნიერია! ნუ ინადვლებ, თუ ზოგჯერ თეფში გაუვარდეს და შემოატყდეს და ნურც იმას, თუ მასწავლებლის ბარათს დაგახვედრებს: „სამწუხაროა, რომ ამ ბოლო დროს ლოტა წინანდელივით აღარც ბეჯითობს, ყურადღება დაეფანტა, უწესოდაც იქცევა. აი, გუშინაც ბარეთხი ლაზათიანი სილა უთავაზა თანაკლასელ გოგონას ანი ჰაბერზეცერს!“ დედა, რაგინდ საზრუნავიც უნდა აწვეს, უპირველეს ყოვლისა, მოვალეა, ნაადრევად არ დაუკარგოს შვილს ბავშვობის ამქვეყნიური სამოთხე!“

ასე და ამგვარად ესაუბრებოდა თავს ფრაუ კერნერი და ერთ მშვენიერ დღეს ლოტას მასწავლებელს, ფროილან ლინეკოგელსაც თითქმის იგივე გაუპოვრა:

– ჩემი გოგონა ნამდვილი ბავშვი მინდა იყოს და არა დედაბერი. მიზჩევნია, ასევე ხალისიანი და გიჟმაჟი და-მიზჩეს, ვიდრე თავგადადებული ფრიადოსანი.!

– კი მაგრამ, ლოტას აღრე სომ ერთიც კარგად ესერ-სებოდა და მეორეც! – განუცხადა საკმაოდ განაწყენე-ბულმა ფროილან ლინეკოგელმა.



– ეს ამბავი ვერც მე ამიხსნია. სომ მოგესხენებათ, სამ-სახურში ჩემსავით ხელებშებოტკილი ქალი ბავშვისათ-ვის მაინცდამაინც ვერ იცლის. იქნებ, ეს არდადეგების,

პანსიონატის ბრალიც იყოს. ერთს კი ვხედავ და ვიცი, ახლა სხვანაირად აღარ სერხდება და ამ საქმეს ველარაფერი უშველის!

ფროილანი ლინეკოგელმა გულმოდგინედ გაისწორა სათვალე და წარმოთქვა:

— მე, როგორც თქვენი ქალიშვილის მასწავლებელი და აღმზრდელი, სამწუხაროდ, სულ სხვა მიზანს ვისახავ; ვაღრებული ვარ და ვეცდები კიდევ, აღვუდგინო ბავშვს შინაგანი ჰარმონია!

— იქნებ გგონიათ, რომ ოდნავი უყურადღებობა ანგარიშის გაკვეთილზე ან საწერ ზვეულში დაჩნეული ერთი-ორი ლაქა...

— სწორედ რომ საუცხოო მაგალითია, ფრაუ კერნერ! სწორედ სუფთა წერის ზვეული! დიას, ლოტას ხელწერა გვიჩვენებს, თუ რაოდენ დაკარგა ბავშვმა, მე ვიტყვოდი, სულიერი წონასწორობა!.. მაგრამ თავი დავანებოთ სუფთა წერას! წესიერ საქციელად მიგაჩნიათ თქვენ ის ამბავი, რომ ლოტა თანატოლებს უტყაპუნებს!

— თანაკლასელებსო?! — ფრაუ კერ-



ნებმა განზრახ მკვეთრად წაბმოთქვა ბოლო მარცვლე-
ბი, – ჩამდენადაც ვიცი, მან მხოლოდ ანი ჰაბერზეცერი
გატყიპა.

– მხოლოდო?

– ანი ფაბერზეცერმა სწორედაც დაიმსახურა სილა და
მიიღო კიდევ!

– რა ბრძანებაა, ფრაუ კერნერ!

– ეგ თქვენი აყლაყუდა და ღობმუცელა ანი ჰაბერზე-
ცერი ბოლმას პატარების ცემით იკლავს ხოლმე და მას-
წავლებელი კი არ უნდა ესარჩლებოდეს!

– როგორ, გეთაყვა, ნუთუ მართლა? რომ არაფერი
მსმენია ამაზე?

– მაშინ იმ პაწია, საწყალ ილზა მერკს ჰკითხეთ, იქნებ
მისგან შეიტყოთ რაღაც-რაღაცები!

– კი მაგრამ, ლოტამ ხმაც რომ არ ამოიღო, როდესაც
დავსაჯე?!

ფრაუ კერნერმა მკერდი ოდნავ შეატოკა:

– ალბათ, საამისოდ „სულიერი წონასწორობა“ არ ეყო!
– შეტრიალდა და გამომცემლობისაკენ გაეშურა. რომ არ
დაგვიანებოდა, ტაქსი დაიქირავა. ეს სტუმრობა ორ-ნა-
ხევარი მარკა დაუჯდა. აფსუს, ფულებო!

შაბათს, შუადღისას, დედამ ზურგჩანთა ჩაალაგა და თქვა:

— კარგად მოიზრე ფეხსაცმელი, გარმიშს მივემგზავ-
რებით, შინ სვალ სალამოს დავბრუნდებით!

ლუიზამ, ცოტა არ იყოს, შიშნულად იკითხა:

— მერე, ძვირი არ დაგვიჯდება, დედი?

ფრანუ კერნებს ბავშვის სიტყვებმა ოდნავ გაუკენწლა
გული, მაინც გაიცინა და თქვა:

— თუ ფული არ გვეყო, გზაზე გაგყიდო.

ბავშვმა სისხარულით შეიკუნტრუშა:

— იფ, ჩინებულა! ფული როგორც კი გაგიჩნდება,
მყიდველებს გამოვექცევი. თუ სამჯერ-ოთხჯერ გამყი-
დო, იმდენი ფული დაგვიგროვდება, მთელ თვეს მუშაობა
აღარ დაგჭირდება.

— ასე ძვირად ფასობ?

— სამი ათასი ფრანკი და თერთმეტი ჰფენიგი... ჰარმონი-
კიაც წამოვიღო?

მშვენიერი, თაფლივით გემრიელი კვირაძალი დაუდ-
გათ. გარმიშიდან ბაადერზეეს გრაინაუსაკენ აიღეს გეზი.
მერე აიბზეეს აუყვნენ. მიდიოდნენ ჰარმონიკის ყლერიითა
და მხიარული სიმღერებით. ტყით დაბურული ფერდობი

ჩაიარეს და კისრისტეხით დაეშვნენ დაღმა. გზად მარწყვი დაკრიკეს და ასევე იღუპალად ამოწვერილი ლამაზი ყვავილები, ჩალმისებრი შროშანები და იისფერი გვრიტა, ჩანტიანა, ციდა წვეტიანი მუზარადებით ამობურცული ხავსი, პაწაწინტელა ყოჩივარდები, რაღაც ზღაპრულ სურნელებას რომ აფრქვევდნენ.

საღამოთი ერთ სოფელს მიადგნენ. ამ სოფელს გრისი ერქვა. იქ ერთსაწოლიანი ოთახი დაიქირავეს, ზურგჩანთიდან საგზალი ამოალაგეს, გემრიელად ივანშემეს და ერთად შეწვნენ ლოგინში. გარეთ კუტკალიებს, თითქოს ვიოლინოები მოუმართავთო, საღამოს კონცერტი გაემართათ.

კვირა დილით კვლავ გზას გაუდგნენ. გაიარეს ერვალდი და ლერმოსი. ვერცხლისფრად ელვარებდა ცუგშპიცე. სოფლის ეკლესიიდან ჭრელ-ჭრელ ტანისამოსში გამოწყობილი გლეხები გამოეფინნენ. შუკებში ჭორიკანებივით შეგროვილიყვნენ ძროხები.

მერე ის იყო, ტორლს რომ აუყვნენ, უნდა გენახათ ციცაბოზე ფორთხვა. ფუი ეშმაკს! იქვე ცხენები ბალახობდნენ, შუაგულში – უკიდევანო ყვავილების მდელო იყო!.. კვერცხი, ყველი და პური შეჭამეს და ნასაუშმევს ბალახებზე ტკბილად წაიძინეს...

აიბზეესკენ დაღმართს დაუყვნენ. გზად ყოლოს ბუჩქე-
ბი და ფრთაფარფატა პეპლები მოაცილებდნენ. სადღაც
ძროხა ეყვანს აწკრიალებდა. უეცრად ცაში აცურებული
ქათქათა მწვერვალი ცუგშპიცბანი დაინახეს. ტაფობში
პატარა ტბა გაწოლილიყო.

– თითქოს, მაღალ ღმერთს ცრემლები ჩაუპკურებიაო!
– წამოიძახა მოხიბლულმა ლუიზამ.



აიბზეეში, ჩასაკვირველია, იბანავეს. იქვე, სასტუმროს ტოაზზე, დედა ყავითა და ნამცხვრით გაუმასპინძლდა ლუიზას.

ამასობაში შინ დაბრუნების დრომაც მოაწია.

ნასიამოვნები, მზეზე გარუჯული დედა-შვილი მატარებელში ჩასხდნენ. აბა, ჩას წარმოიდგენდა მოპირდაპირე სკამზე მჯდომი დაბზახიელი კაცი, თუ ეს ახალგაზრდა ქალი, ლუიზას რომ ახლდა, დედა და თან პასუხისმგებელი მუშაკი იქნებოდა!

შინ დაბრუნებულები მოწყვეტით დაეშვნენ საწოლზე. ძილის წინ ბავშვმა ამის თქმალა მოასწრო:

– ასეთ ნეტარ დღეს ჯერ არ მოვსწრებივარ, დედი!

დედა ერთხანს თვალგახელილი იწვა. „ჰოი, ჩამდენი სიამოვნება და სიკეთე მოვაკელი ჩემს პატარა გოგონას! მაგრამ ჯერაც არ არის გვიან, კიდევ შეიძლება დაკარგულის ანაზღაურება!“

ბოლოს ფრაუ კერნერსაც ჩაეძინა. ახალგაზრდა ქალს პირზე ღიმილი დასთამაშებდა, კამკამა აიბზეეზე მოფარფატე ნიავის დარი.

ბავშვი ხომ შეიცვალა. ახლა ახალგაზრდა ქალის აზსებამაც წინასწარ იგრძნო ეს ცვლილება.

თავი მეორე

ბატონ გაბელეს სახელოსნოს ციციქნა ფანჯრები. ყავით გამასპინძლება კერტნერ-რინგზე. დიპლომატიური საუბარი. მამა ხომ მკაცრი უნდა იყოს! C-Moll ქორწინების გეგმა. კობენცლალე - 43. ფროილან გერლახი გაოცებულია. კარის მრჩეველი შტრობლი ფრიად შესფოთებულია. კაპელმაისტერი დედოფალს ეფერება.

ლოტას საფორტეპიანო გაკვეთილები შეწყდა, მაგრამ რა მისი ბრალი იყო. მამა ამ ბოლო დროს მეცადინეობისათვის რატომღაც ვეღარ იცლიდა. იქნებ, საბავშვო ოპერაზე მუშაობა უშლიდა ხელს? შესაძლებელია, ან იქნებ?.. პატარა გოგონები ალღოთი გრძნობენ სოღმე საქმის გაუკუღმარებებს. როდესაც მამა ასე აზხეინად ლაპარაკობს საბავშვო ოპერაზე, ფროილან გერლახზე კი კრინტს არ ძრავს, აბა, ბავშვი რის ბავშვია, თუ პაწაწინა ნადირივით არ იყნოსა საფრთხის მოახლოება!

აი, პალფის ბინაც როტერტურმშტრასენე. ოთახიდან ლოტა გამოვიდა და მათი ბინის მოპირდაპირე კარზე დააკაკუნა. იქ მხატვარი გაბელე ცხოვრობს, მეტად ტკბილი და საყვარელი ადამიანი. ჩამდენჯერ უთქვამს ლოტასთვის — დრო რომ გექნეს, შემომიარე და დაგხატავო.

ბატონმა გაბელემ კარი გაუღო.

— ლუიზა, შენა ხარ?

— დღეს მოვიცალე, — უთხრა გოგონამ.


— ამ წუთას! — წამოიძახა მხატვარმა და სამუშაო ოთახში გავარდა, დივანს საფარი გადააძრო, რომ მოღბერტზე დამაგრებული სურათი დაეძალა. მხატვარი ანტიკურ სცენას ხატავდა და მასთან ბავშვებს არაფერი ესაქმებოდათ.

მერე გაბელე შინ შეუძღვა პატარას და სავარძელზე ჩამოსვა. სახატავი ბლოკნოტი მოიმარჯვა, სახელდასელოდ ხატავს გოგონას, თან ესაუბრება:

— შენ ჩაღაც პიანინოს შემოსწყერი.

— ძალიან გიშლიდით ხელს?

— სულაც არა, თითქოს გულს მაკლია, რომ აღარ უკრავ!



– მამას ჩემთვის აღარ სცალია, ოპერას წერს, – სერიოზულად წარმოთქვა ლოტამ, – საბავშვო ოპერა იქნებაო.

გაბელეს ესიამოვნა ამის გაგონება... მერე ერთბაშად მოიღუმა.

– ოჰ, ეს ფანჯრები, – ერთი შეუკუროთხა მსტვარმა, – სინათლე სულ არ შემოდის, ატელიეს გარეშე მუშაობა არ იქნება!

– ჩატომ არ დაიქირავებთ ატელიეს, ბატონო გაბელე?

– სად არის, რომ დაიქირავო, სად იშოვი!

– მამას ფართოფანჯრებიანი ატელიე აქვს, ჭერიდანაც ჩამოდის სინათლე, – უთხრა წამიერი დუმილის შემდეგ გოგონამ.

ბატონმა გაბელემ ჩაღაცა წაიდუღუნა.

– კერტნერ-რინგზეა, – დაუმატა ლოტამ, – ერთხანს იყურა და მეჩე თქვა:

– მუსიკის შეთხზვას ჩად სჭირდება იმდენი სინათლე, რამდენიც სატვას უნდა, ასე არ არის?

– ნამდვილად ასეა! – მიუგო გაბელემ.

ლოტამ ერთხელ კიდევ მოსინჯა და ჩაფიქრებულმა განაგრძო:

– ისე, მამას სომ შეუძლია გაგიცვალოთ, მაშინ დიდი ფანჯრები “და მეტი სინათლე გექნებოდით, სატეთ, რამდენიც გენებოთ! თვითონაც აქვე ყურისპირში იქნება და, როცა მოუნდება, დაწერს მუსიკას.

ამან გოგონაც გაამხიარულა, ეს რა მოვიგონეო!

ჩანაიზად არ ეცადა ბატონი გაბელე, შეკამათებოდა ლოტას, მაგრამ, რაკი ვერაფერი გააწყო, ესლა მიუგო მოდიმარმა:

– მართლაც რომ ძალიან პრაქტიკულია, მაგრამ ერთი მამაშენსაც ჰკიფხე?!
ლოტამ თავი დაუქნია:

– დღესვე დავეკითხები.

* * *

ბატონი პალფი თავის ატელიეში ზის. სტუმარი ჰყავს. საყიდლებზე გამოსულ ფროილან გერლასს თურმე „შემთხვევით“ ახლოს ჩაუვლია და უფიქრია, მოდი, ერთი წუთით ლუდვიგთან ავიზბენო.

პალფი ჯერ რაღაცას ჩხაპნიდა პარტიტურის ფურცლებზე, მერე გვერდზე გადადო და ირენასთან მასლაათი გააბა. მასპინძელი თავდაპირველად გვარიანი გაბრაზებული ჩანდა – ჭირვიით ეზარებოდა, როდესაც ვინმე დაუკითხავად ესტუმრებოდა სოლმე და მუშაობაში ხელს უშლიდა. მაგრამ თანდათან გუნება გამოუკეთდა; აბა რა, ვის არ მოხიბლავს ასეთი ლამაზი ქალბატონის გვერდით ჯდომა და ხანდახან, ვითომღა უნებლიეთ, მისი მშვენიერი ხელის მოფერება!

ირენამ თავისი საქმე კარგად იცის – პალფის ცოლობა სურს. სახელგანთქმული კაცია, ერთმანეთიც მოსწონთ, მამ რაღამ უნდა შეუშალოს ხელი! თუმცა პალფიმ ჯერ არაფერი იცის, რა ბედი ელის, მაგრამ ქალი უცბად კი არ

მიასლის, ლმობიერად შეაგონებს, ისე, რომ ბოლოს თვითონ მიხვდეს და თვითნვე შემოსთავაზოს ქორწინება.

ერთი დაბრკოლება კი ეღობებათ – აი, ეს გადარეული ბავშვი! მაგრამ საკმარისია, ირენამ ზედისედ ორი ბავშვი გააჩინოს და ყველაფერი მოგვარდება! მაშინ ირენა ამ დინჯ და მიუკარებელ გომბიოსაც მოუვლის, როგორც საჭირთა!

გაისმა ზარის წკრიალი.

ლუდვიგმა გახედა.

ვინ დგას კარებთან? სწორედ ეს „დინჯი და მიუკარებელი გომბიო“. ხელში ყვავილების თაიგული უჭირავს. გოგონამ ოდნავ ჩაიმუხლა და რევერანსით მიესალმა მამას.

– დეერთი გწყალობდეს, მამი! ცოცხალი ყვავილები მოგიტანე.

ბავშვმა ატელიეში გაიარ-გამოიარა, სტუმარსაც მდაბლად მიესალმა სულ ერთი წამით, მერე ვაზა აიღო და სამზარეულოში შევიდა. ირენა გერლანმა ეშმაკურად გაიღიმა.

– შენ და შენს ქალიშვილს რომ გიყურებთ, ასე მგონია, გოგონას კალთაზე ჰყავდე გამობმული!

ბატონმა კაპელმაისტერმა მორცხვად გაიღიმა :

– ამ ბოლო დროს მეტისმეტ სიმტკიცეს იჩენს და ალალ-მართალი გამიხდა!

ფროილან გერლახმა ლამაზი მხრები შეაჩხია. ამ დროს კვლავ გამოჩნდა ლოტა. ცოცხლად ყვავილებიანი ლარნაკი მაგიდაზე დადგა, ჭურჭელი გამოალაგა და, სანამ ფინჯნებს ჩამოაჩივებდა, მამას მიუბრუნდა:

– ამ წუთას ყავას მოვადუღებ, სტუმარს სომ უნდა გავუმასპინძლდეთ!

მამა და მისი სტუმარი გაოგნებულები მისჩერებოდნენ გოგონას.

„მე კი ეს გოგონა უკარება მეგონა! – გაიფიქრა ფროილან გერლახმა, – რა სულელი ვყოფილვარ!“.

ცოტა ხნის შემდეგ ლოტაც შემოცქრიალდა, ყავა, შაქარი და ნაღები შემოიიტანა. კარგი მეოჯახე ქალივით დაასხა ყავა, თან იკითხა – სომ არ დაშაქრავთო, და სტუმარს ნაღები მიუჩოჩა. მერე მამამისის გვერდით ჩამოჯდა და თავაზიანად განაცხადა:

– თქვენი სათრით მეც გეახლებით ცოტაოდენს.

მამამ ლოტას ყავა დაუსხა და კავალერივით ჰკითხა:

– ნაღებს რამდენს ინებებთ, ჩემო ქალბატონო?

– ნახევარი ყავა იყოს და ნახევარი ნაღები, ჩემო ბატონო! – კისკისით მიუგო გოგონამ.

– უმორჩილესად გთხოვთ, ჩემო ქალბატონო!

– დიდად გმადლობთ, ჩემო ბატონო
ერთხანს ჩუმაღ ისხდნენ და ყავას მიიზომევენ, ბო-
ლოს, ისევ ლოტამ გატეხა ნავსი:

– ეს-ესაა, ბატონ გაბელესთან ვიყავი.

– მეჩე, დაგხატა?

– არ დაუმთავრებია, სულ ჩამდენივე ჩანახატი შეას-
რულა, – მიუგო ლოტამ, ყავა მოსვა და მეჩე უბოდიშოდ
დაუმატა: – სასელსონოში სინათლე არ შემოდის, ჭერს
სარკმელი მაინც ჰქონდეს დატანებული, აი, როგორც აქ.

– დაიქირაოს ასეთივე ატელიე, – ჩინიანად მიუგო ბა-
ტონმა კაპელმაისტერმა და აზრადაც არ მოსდიოდა, ლო-
ტას საბელს რომ გამოჰბოდა და მას მიჰყვებოდა კვალ-
დაკვალ.

– მეც ეგ ვუთხარი, – მშვიდად მიუგო გოგონამ, – მაგ-
ჩამ ყველა ატელიე გაქირავებულიაო.

„ჩა ეშმაკის ფენია!“ – გაიფიქრა ფროილან გერლას-
მა. კარგად მიუხვდა ბავშვს განზრახვას. აბა, რას გამო-
აპარებდით, ისიც რომ ევას მოდგმისა გახლდათ! სწორე-
დაც რომ მიუხვდა!

– მუსიკის დასაწერად, კაცმა რომ თქვას, ზედმეტია
შემინული ჭერი, არა, მამი?

– სწორი ბრძანებაა!

გოგონამ ღრმად ამოისუნთქა, წინსაფარზე დაიხედა და ისევ მამას მიუბრუნდა, თითქოს იმწამს თავში მოსულ აზრს უზიარებსო:

– ბატონ გაბელეს რომ გაუცვალო ატელიე, მამი? – მაღლობა უფალს, როგორც იქნა, ამოღებდა ლოტამ სათქმელი და მამას გადახედა, გოგონა შემკრთალი თვალებით მას ემუდარებოდა.

მამა თითქოს ბრანობდა და კიდევ უხაროდა. ჯერ თავის ქალიშვილს გადახედა, მერე კოსტა ქალბატონს, ერთ წამში მომხიბლავი ირონიული ღიმილი რომ მოეფინა სახეზე.

– მაშინ ბატონ გაბელეს კარგი ატელიე ექნებოდა, – განაგრძო გოგონამ, თან ხმაში თრთოლა შეეპარა, – სინათლე ულევო; შენ კი ჩვენ გვერდით, ჩემსა და ჩემის სიანლოვეს იცხოვრებდი, – ლოტა მუდარით შესცქერის მამას თვალებში. – მუშაობისას ჩვეულებრივ განმარტოვდები. მოგწყინდება და იქვე, მდელიზე გახვალ, ქუდის დახურვაც კი არ დაგჭირდება. შუადღისას ერთად ვისადილებთ ხოლმე შინ – გავამზადებთ თუ არა სადილს, სამჯერ დაგირეკავთ ზაზს; საყვარელ კერძებს არ მოგაკლებთ, გინდა შაშხსაც. პიანინოზე თუ დაუკრავ, კედლი-

დან მოგაყურადებთ! — ბავშვის სმა თანდათან მინელდა, ბოლოს სულ მიყუჩდა.

ფროილან გერლასი უცებ ფეხზე წამოდგა, შინისაკენ მიიჩქარის. როგორ წასულა დრო, ისე, მეტად საინტერესოდ კი ვისაუბრეთო.

ბატონმა კაპელმაისტერმა სტუმარი გააცილა, სურნელოვან ხელზე ეამბორა და უთხრა:

— მაშ ასე, სადამოდე!

— იქნებ ვერ მოიცალო?!

— ვითომ ჩათა, ჩემო კარგო?!

— რა ვიცი, არ გადაბარგდები? — ღიმილით მიუგო ქალმა.

კაცმაც გაიღიმა.

— რა გაცინებს, შენი ქალიშვილის ამბავი რომ ვიცი, ავეჯის გადატანა უკვე დაკვეთილი ექნება! — წარმოთქვა ქალმა და გაბრაზებულმა კიბე ჩაიჩბინა.

კაპელმაისტერი შინ რომ შემობრუნდა, ლოტა უკვე ჭურჭელს რეცხავდა სამზარეულოში.

მამამ ჩამდენიმე ტაქტი მოსინჯა როიალზე, მერე ოთახში გაიარ-გამოიარა, პარტიტურის დაჩხაპნილ გვერდებს დახედა.

ლოტა ძალიან ფრთხილად რეცხავდა ფინჯნებს, წკრი-
ალი ზომ აზ გაეღო. ჭურჭელი დაამშრალა და კარდა-
ში შეალაგა, ციცქნა ქუდი დაიხურა და წყნარად შევიდა
ატელიეში.

– მშვიდობით, მამიკო!

– დმერტმა მშვიდობა მოგცეს!

– ვახშმად მოხვალ?

– დღეს ვერა.

გოგონამ ნელა დაუკრა თავი და მორცხვად გაუწოდა
ხელი დასამშვიდობებლად.

– მომისმინე, ლუიზა, სულაც არ მსიამოვნებს, როცა
ვინმე თავს მახეზრებს, თუნდაც ჩემი ქალიშვილი იყოს! მე
უფრო კარგად ვიცი, რა მჭირდება და რა არა!

– რასაკვირველია, მამი! – მშვიდად მიუგო გოგონამ,
ხელი კი ისევ გაწვდილი დარჩა...

ბოლოს მამამაც ჩამოართვა ხელი და ბავშვის წამწა-
მებზე აკიაფებული ცრემლი შეამჩნია. მაგრამ მამა ზომ
მკაცრი უნდა იყოს! ისეთი სახე მიიღო, თითქოს არაფერი
დაუნახავსო, ოდნავ დაუკრა თავი და ზოიალს მიუჯდა.

ლოტა კი სწრაფად მივიდა კართან, ფრთხილად გამო-
აღო და გაუჩინარდა.

ბატონმა კაპელმაისტერმა თმაზე ხელი გადაისვა. „ბავშვის ცრემლები, ესღა აკლდა! ისიც მაშინ, როცა საბავშვო ოპერის დაწერას აპირებს! დალახვროს ემშაკმა! საშინელებაა, როდესაც ასეთი პატარა არსების თვალებში ცრემლები გუბდება და ამ ცრემლებს ისე დაუძძიმებია წამწამები, ვითარცა ცვარ-ნამს – ნორჩი ბალახი!“

თითები კლავიშებს შეესო. რამდენიმე ტონი მოსინჯა, თავი დახარა და ჰანგს ყური მიუგდო. ერთხელაც აახშიანა ბგერათა წყება, მერე სეკვენციაში გაიძეორა. ერთხანს თავისი საბავშვო ოპერიდან უკრავდა რომელიღაც სიმღერის მინორულ ვარიაციას. მერე რიტმი შეცვალა. მუშაობდა კაცია.

ჩაოდენ კეთილია ბავშვის ცრემლები! დიას, ისეთ ხელოვანს, როგორიც პალფი გახლავთ, ეს ძალზე აფაქიზებს. წამსვე ნოტების ფურცლებს წამოავლო ხელი და ზედ ნოტები გამოიყვანა. შემდეგ, ძალზე კმაყოფილი, სკამის საზურგეს გადაეყრდნო, ხელები მოიფშენიდა. ეს საოცრად ნაღვლიანი ჰანგი C-Moll-ს სწორედ რომ მიესადაგა (ნუთუ ერთი დეკაკაცი ანდა მისთანა ვინმე აღარ დარჩა ამ ქვეყანაზე, რომ დროდადრო ერთი ლაზათიანად წამოუტილოს ამ კაცს?!).

ისევ გაიზბინა კვირებმა. ფროილან იზენა გერლასს ბავშვის საქციელი ჯერაც არ დავიწყებია. ლოტას წინადადება, მამამ მხატვარ გაბელეს ბინა გადაუცვალოსო, მან სწორად გაიგო – ეს საბრძოლო გამოწვევა გახლდათ!

ისეთი ქალი, როგორც იზენა გერლასი ბრძანდება, ბევრს არ მოგიბოდიშებთ, ხელთ აქვს იარაღი და იცის, როგორ მოიხმაროს! მისგან გაცოცხნილი ყველა ისარი აუცდენლად ესობა აფორიაქებულ სამიზნეს. დაკოდილია ხელოვანი კაცის გული. შავ სამიზნეებს გაეწონა ერთიანად ისრები. ნანატრი მტრის გულს მოხვედრია ისრის წვერები... უკან დასახევი გზა მოჭრილია!..

– გამომყევი ცოლად! – მიმართა მან ქალს. ბრძანებასავით ქუხს ეს სიტყვები.

ქალმა თმაზე ხელი გადაუსვა და დამცინავად მიუგო:
– მაშ, ხვალ საუკეთესო კაბას ჩავიცვამ და შენს ხელს ვთხოვ შენს ქალიშვილს, საყვარელო!

კიდევ ერთი ისარი დაესო მის გულს, ამჯერად – მოწამლული.

იას ონი გაბელე ლოტას სატავს: ბლოკნოტი და ფანქარი მოუმაჩვენებია. უცებ თავი აიღო და გოგონას ჰკითხა:

– ლუიზა, რა დაგეპარათა დღეს? რა მთელი კვირის ნაავდრალ ცასავით ჩამოგტირის ცხვირ-პირი?!

გოგონამ ისე ამოიხვნეშა, თითქოს გულზე მძიმე ლოდი აწევსო:

– ეჰ, არაფერია!

– სკოლაში სომ არ გაწყენინეს?

გოგონამ თავი გააქნია:

– ასე რომ იყოს, რა მიჭირდა!

ბატონმა გაბელემ ბლოკნოტი განზე გადადო.

– იცი რა, შე პატარა მტირალავ? – იგი წამოდგა, – გაისეირნე, გულს გადააყოლებ!

– ან იქნებ პიანინოზე დავუკრა?

– მით უკეთესი, აქედან მეც მოგისმენ და შეამება!

გოგონამ ხელი გაუწოდა, მდაბლად დაუკრა თავი და კარისაკენ გაემართა. შეფიქრებულმა მსატვარმა თვალი გადადევნა – მან კარგად უწყის, ჩარბად თანგავს დარდი ბავშვის გულს, თვითონაც სომ ყოფილა ბავშვი და არაფერი დავიწყებია, როგორც ეს მოზრდილების უმეტე-

სობას ემართება სოლმე.

ზოდესაც მეზობელი ოთახიდან ფორტეპიანოს ხმა შემოესმა, მხატვარმა მოწონების ნიშნად თავი დააქნია და სტვენით აჰყვა ჰანგს. მერე ხელის ერთი აქნევით მოღბერტს საბურველი გადახადა, პალიტრა აიღო, ფუნჯი მოიძარჯვა, თვალემოჭუტულმა გახედა სურათს და მუშაობას შეუდგა.

* * *

ბატონი პალფი როტენტურმშტრასაზე მოვიდა. ისე ეძნელებოდა კიბის საფეხურების ავლა, თითქოს ორჯერ უფრო მაღალი იყო. პალტო და ქუიდი კარადის კიდეზე ჩამოვიდა.

ეს ლუიზერლია, ფორტეპიანოს რომ უკრავს?! აი, შეწყვიტა დაკვრა, მამის ფეხის ხმას წამით რომ მიაყურადოს. ბატონი კაპელმაისტერი პიჯაკს ისე ისწორებს, გეგონებათ, ინტენდატს უნდა მიეახლოსო. მერე ოთახის კარი შეადო.

გოგონამ კლავიშებს მზერა მოსწყვიტა, მამას ახედა და გაუღიმა.

— მამი, რა კარგია, რომ მოხვედი, ყავა მოგიდულო? —

გოგონა მრგვალი სკამიდან ჩამოსტა, ფაციფუციით გაეშურა ზამზრეულისაკენ, მაგრამ მამამ შეაჩერა.

– მადლობელი ვარ, არ მინდა, დაჯექი, უნდა მოგელაპარაკო!

გოგონა უშველებელ სავარძელში ჩაეშვა, ერთი ციდა დედოფალსავით ჩაიხატა შიგ, კუბოკრული ქვედატანი გაისწორა და მამას შეაცქერდა.

მამამ ნერვიულად ჩაახველა, ბოლოს ცემას მოჰყვა. ბოლოს სავარძელთან შედგა და წამოიწყო:

– მამ ასე, ლუიზერლ, საქმე მეტად მნიშვნელოვანი და სერიოზულია! მას აქეთ, რაც დედაშენი ჩვენთან აღარ არის, აგერ მეშვიდე წელიწადია, მარტოდმარტო დავრჩი. არა, მთლად ეულადაც არ ვყოფილვარ, აკი შენ მყავდი და ახლაც მყავხარ!

ბავშვი თვალებმოჭრული შესცქეროდა მამას.

„რა სულელურად ვლაპარაკობ!“ – გაიფიქრა კაცმა და საკუთარ თავზე გაბრუნდა.

– მოკლედ რომ მოვჭრათ, აღარ შემიძლია მარტოხელობა, რაღაც ხომ უნდა შეიცვალოს ჩემს ცხოვრებაში, მაშასადამე, შენს ცხოვრებაშიც!

ოთახში დუმილი ჩამოწვა.

ფანჯრის დაგმანული მინას ბზუილით მიაწყდა ბუზი და გარეთ გაფრენას ლამობდა (ყოველ ადამიანს შეეძლო შეეგონებინა — შე უძწეოვ, ამოდ რად იმტვრევ ციცქნა თავსაო, თუძცა მწერს მეტი მისვედრილობა ვინ მისცა, მაგრამ ადამიანი, იგი სომ გონიერია!).

— გადავწყვიტე, ხელმეორედ შევირთო ცოლი.

— არა! — თითქმის ყვირილი აღმოსდა გოგონას, მერე წყნარად გაიმეორა:

— არა, მამიკო, ნუ, მამი, გეხვეწები, ნუ იზამ ამას!

— შენ სომ კარგად იცნობ ფროილდინ გერლანს. მას ძალიან უყვარხარ, იგი კარგ დედობას გაგიწევს. უქალო ღჯანს მერე და მერე უფრო გაუძნელდება შენი აღზრდა და ხელიდან წავა საქმე (ერთი ამას დაგვიხედეთ, ვითომ გული უნდა აგვიყუროს! ესღა გვაკლდა, დაგვიმტკიცოს, ცოლის შერთვას იმიტომ ვაპირებ, რომ ბავშვს დედა ჰყავდეს!).

ლოტა განუწყვეტლივ აქნევდა თავს, უხმოდ ატოკებდა ტურნებს, თითქოს ავტომატი ყოფილიყო, თავს ვერ აჩერებდა, შეგეშინდებოდა მისი შესხედვა. მამამ თვალი მოარბიდა და განაგრძო:

— გაცილებით ძალე შეეჩვევი ახალ პირობებს, ვიდრე

გგონია, მხოლოდ ზღაპრებში აჩსებობენ ავი დედინაც-
ვლები... მამ ასე, ლუიზერლ, შენი იმედი მექნება, შენზე
ჭკვიანი ბავშვი ქვეყნად არ მეგულება!

საათს დახედა.

— ახლა კი უნდა წავიდე, ლუიზერთან „რიგოლეტოს“
რეპეტიციას ვატარებ, — და ოთახიდან გაიძუჭწა.

გოგონა დარეტიანებული ზის.

ბატონმა პალფიმ გარდერობიდან ქუდი ჩამოიღო და
არტისტულ თავზე ჩამოიფხატა. ოთახიდან განწირული
მანხილი მოისმა — „მამი!“ — თითქოს წყალწადებული ის-
რჩობაო.

ოთახი მორვევი როდია, შიგ რომ დაიხრჩოსო! — გაი-
ფიქრა ბატონმა პალფიმ და თვალს მიეფარა. ძალიან ეჩ-
ქარება, მომღერალ ლუიზერთან უნდა წაიძუშაოს...

* * *

ლოტა გამოეჩკვა. პრაქტიკული გონება სასოწარკვე-
თილებაშიაც უმართლებს და წინ მიუძღვება. რა უშვე-
ლის ახლა ამ საქმეს? ცხადია, რადაც უნდა იღონოს! მამა
ვერ ეღიჩსება სხვა ქალის შეჩთვას, ვერა! ერთი ცოლი
უკვე ჰყავს, რა ვუყოთ, რომ მასთან არ ცხოვრობს. ლო-

ტა სხვა ქალს ვერასოდეს იგუებს დედად, ვერასოდეს! მას
სომ ჰყავს დედა, მთელ ქვეყანას რომ უზრჩევნია!

დედა რომ აქ იყოს, ალბათ უშველიდა, მაგრამ არა — ეს
ამბავი მის ყურამდე არ უნდა მივიდეს! ტყუპების ეგზომ
დაფარული საიდუმლოება არასგზით არ უნდა შეიტყოს,
მით უფრო, არც ის, მამა ვიღაც ფროილან გერლანის
შერთვას რომ აპირებს!

ერთი გზაა ჩჩება და ლოტაც ამ გზას უნდა დაადგეს.

გოგონამ ტელეფონების წიგნი გადმოიღო და ათრთო-
ლებული ხელებით გადაფურცლა. „გერლანი“ — არცთუ
მრავალრიცხოვანი ყოფილა გერლანების საგვარეულო.
„შტეფან გერლანი, ვენის სასტუმროთა გაერთიანების
გენერალური დირექტორი, კობენცლალენ — 43“. ამას
წინათ არ უთხრა მამიკომ, ფროილან გერკლანის მა-
მა რესტორნებისა და სასტუმროების მფლობელია, თვით
სასტუმრო „იმპერიალისა“, სადაც პალფები ყოველდღი-
ურად სადილობენ, „კობენცლალენ — 43!“.

ჯერ რენის გამოჰკითხა დაწვრილებით, როგორ მივაგ-
ნებო კობენცლალენს, მერე პალტო ჩაიცვა, ქუდი დაიხუ-
რა და განაცხადა:

— ახლავე მივდივარ!

– ჩას დაეძებ მაგ კობენცლალეზე? – ჰკითხა გაოცებული მა რეზიმი.

– ერთ ვინმეს უნდა მოველაპარაკო!

– იცოდე, ძაღვ დაბრუნდი!

გოგონამ თავი დაუქნია და გზას გაუდგა.

* * *

იზენა გერლასის კოპწია ოთახის კარი მოახლემ შეადლო და პირმოდიმარმა მოახსენა:

– ვილაც ბავშვს სურს თქვენთან საუბარი, მოწყალე ფროილანინ, პატარა გოგონაა.

„მოწყალე ფროილანინს“ ის-ის იყო ფრჩხილების გალაქვა დაემთავრებინა და ლაქი რომ შეეშრო, ხელებს ასავსავებდა.

– პატარა გოგონა?

– ლუიზა პალფი.

– ააჰ! – გაჭიანურებულად წარმოთქვა „მოწყალე ფროილანინმა“, – შემოიყვანე!

მოახლე გამობრუნდა. ქალბატონი წამოდგა, სარკისაკენ გაიხედა და თავისი შეჭმუხნილი სახე რომ დაინახა, გაეღიმა. „ლუიზა მიღერი ეახლა ლედი მილფორდს!“

– მხიარულად გაიფიქრა მან – იგი განათლებული ქალი გახლდათ !

გოგონა შემოვიდა თუ არა ოთახში, ფროილან გერლახმა მოახლეს უბრძანა:

– შოკოლადი მოადუდე, გულიანი ვაფლიც მოგვარ-თვი!

მერე ალექსიანად მიუბრუნდა სტუმარს:

– ნეტავ, იცოდე, როგორ მააძე შენი სტუმრობით! სე-რავ, რა უყურადღებო ქალი ვარ, ერთხელაც ვერ მოვი-ფიქრე, ჩემსას მომეპატიყებიანე ! პალტოს არ გაიხდი?

– გმადლობთ, დარჩენას არ ვაპირებ! – მიუგო ბავშვმა.

– კეთილი! – კვლავ მზრუნველად უთხრა ირენა გერლახმა, – ერთი წუთით ჩამოჯექი, ეს სომ დიდ დროს არ წაგართმევს!

გოგონა სკამის კიდეზე ჩამოჯდა, თან ქალს თვალს არ აცილებდა. მასპინძელი ახლა კი გრძნობდა, რა სასაცი-ლო მდგომარეობაში ჩავარდა, მაგრამ გამბედაობა მო-იკრიბა; სწადია, მოიგოს ეს თამაში და, ჰგონია, მოიგებს კიდევ!

– აქეთ შემთხვევით შემოიარე?

– არა, მოსალაპარაკებლად მოვედი.

იზენა გერლასმა მომხიბვლელად გაიღიმა:

– ბრძანეთ, გისმენთ!

გოგონა სკამიდან ჩამოცოცდა, შუაგულ ოთახში დადგა და განუცხადა:

– მამამ მითხრა, რომ თქვენ მისი ცოლობა მოგისურვებიათ.

– მართლა ასე თქვა? აღარ გითხრა, რომ უწინ მან შემომთავაზა? მაგრამ ეგ არაფერი. – ზარივით წკრიალა ხმით გადაიკისკისა ფროილან გერლასმა. – მამ ასე, ლუიზერლ, მე და მამაშენმა დაქორწინება განვიზრახეთ. მე და შენ, უეჭველია, კარგად შევეწყობით ერთმანეთს, მტკიცედ მჯერა! შენ – არა? მისმინე, ერთ ჭერქვეშ ცხოვრება ისე დაგვაახლოებს, რომ სულ მალე საუკეთესო მეგობრები ვიქნებით. ორივენი უნდა ვეცადოთ, რომ ასე მოხდეს, აბა, მომეცი ხელი!

გოგონამ უკან დაიხია და დინჯად მიუგო:

– თქვენ არ უნდა მისთხოვდეთ მამაჩემს!

ახლა კი გვარინად შესტოპა გოგონამ.

– კი მაგრამ, რატომ?

– იმიტომ რომ, ეს არ შეიძლება!

– ვერაფერი განმარტებაა! – მიახალა ფროილან გერ-

ლახმა. მოფერებით აქ ვერას გააწყობდა კაცი.

– მაშ, შენ გსურს, ამიკრძალო მამაშენთან ქორწინება?

– დიას!

– ეს უკვე მეტისმეტია! – აღელდა ახალგაზრდა ქალბატონი. – გთხოვ, შინ მიბრძანდე. მე კიდევ დავფიქრდები, მოვუყვე თუ არა მამაშენს ეს უცნაური ამბავი. თუ არ მოვუყვები, ისიც იმიტომ, რომ ჯერ კიდევ მჯერა ჩვენი მეგობრობისა და არ მსურს, აქედანვე გავაფუჭო საქმე. ნახვამდის!

კარებთან მისული გოგონა ერთხელ კიდევ შემობრუნდა და უთხრა:

– დაგვაყენეთ ჩვენთვის, გთხოვთ, გემუდარებით!

ფრთილან გერლასი მარტო დარჩა.

„სხვა გზა არ არის, ქორწინება უნდა დავაჩქაროთ, მერე კი ამ აბეზარ ბავშვს ზოგორმე ინტერნატში უნდა ვუკარათ თავი. მხოლოდ სხვისი მკაცრი ხელი თუ უშველის ასლა საქმეს!“

– კიდევ რას ინებებდით? – ოთახში მოახლე შემოვიდა ლანგრიტ ხელში, – შოკოლადი და ვაფლი მოგაჩთვით! სად წავიდა ის პატარა გოგონა?

– მომწყდი თავიდან, ეშმაკმა წაგიღოთ!

ბატონი კაპელმაისტერი ვახშმად შინ ვერ მოვა, ოპერას უნდა უღირიყოროს. დღესაც წინანდებურად რეზისთან ერთად ივანშმებს გოგონა.

— დღეს პიჩში ხემსი არ ჩაგვლია, — უსაყვედურა რეზიმ, — მოჩვენებას დაემსგავსე, კაცს შეეშინდება შენი დანახვა, გაწუსებს ჩამე?

ლოტამ თავი გააქნია, დუმს. რეზიმ ბავშვს ხელზე მოჰკიდა ხელი, მაგრამ შეშინებულმა უმაღვე გაუშვა:

— სიცხე გაქვს, ახლავე ლოგინში ჩაწეი!

მერე ერთი ვაი-ვაგლახითა და სვენებით საბავშვო ოთახში გაიყვანა ხელში ატატებული მოქანცული არსება, ტანთ გახადა და ლოგინში ჩააწვინა.

— მამას ნურაფერს ეტყვი, ჩა! — ლულულულებდა პატარა და თან კბილებს აკაწკაწებდა. რეზიმ ბალიშები და საბნები აახოსოლავა, მერე ტელეფონს მივარდა და კარის მრჩეველი, ექიმი ბატონი შტრობლი გამოიძახა.

მოსუცი შეჰპიჩრდა, წამსვე მანდ გავჩნდებიო. ამ ამბავმა ისიც შეაშფოთა. მერე რეზიმ ოპერაშიც დარეკა.

— კარგი! — უპასუხეს მას, — შესვენებისას შევატყობინებთ კაპელმაისტერს.

რეზი კვლავ საძინებელ ოთახში შევარდა. გოგონა შფოთავდა, ხელებს ასავსავებდა, გაუგებარ სიტყვებს ბუტბუტებდა. ბალიშები, საბნები და ქვეშაგებიც იატაკზე მიყარ-მოყარა.

– ნეტავ, მალე მოვიდოდეს ბატონი ექიმი, მანამაღე რა უნდა ვიღონო? დავადო კომპრესი? მაგრამ როგორი – ცივი, ცხელი, სველი, მშრალი? – თავგზა აბნევია რეზის.

* * *

ფრაკში გამოწყობილი კაპელმაისტერი ანტრაქტის დროს სოპრანოს გარდერობში ზის და, საქმიან საუბარში გართული, მასთან ერთად ღვინოს წრუპავს. მსახიობებს სომ მუდამ თეატრის ამბები უტრიალებთ თავში. ასეა ამჟერადაც.

კარზე დააკაკუნეს.

– მობრძანდით! – შემოვიდა რეჟისორის თანაშემწე.

– როგორც იქნა, მოგაგენით, ბატონო პროფესორო, – შემოსვლისთანავე წამოიძახა ცუნცრუკა მოხუცმა, – ეს-ესაა, როტენტურმშტრასედან დაგვირეკეს და გვაცნობეს, რომ თქვენი ქალიშვილი სრულიად უეცრად ავად გამხდარა, კარის მჩჩეველი, ექიმი შტრობლიც გამოუ-

ძანებიათ დაუყოვნებლივ. ალბათ, ახლა ავადმყოფს თავს ადგას კიდევ.

ბატონი კაპელმაისტერი გაფითრდა.

– დიდ მადლობას მოგახსენებ, ჰერლიჩკა! – წყნარად მიუგო მან. რეჟისორის თანაშემწე გავიდა.

– იმედია, საშიში არაფერი იქნება, – დაამშვიდა მომღერალმა ქალმა, – წითელა მოხდილი აქვს პატარას?

– არა, – მიუგო კაპელმაისტერმა და წამოდგა, – მაპატიე, მიცი!

კარი გაიხურა და მაშინვე ტელეფონს მივარდა:

– ალო, ირენა ხარ?

– ჰო, საყვარელო. დამთავრდა სპექტაკლი? მაგრამ ჯერ რომ არ ჩამიცვამს?

კაცმა აჩქარებით უთხრა ახლანაჲ მოტანილი ამბავი და დასძინა:

– ვეჭვობ, რომ დღეს შევხვდეთ!

– ჩასაკვირველია, ვეღარ შევხვდებით! იმედია, საშიში არაფერი იქნება, წითელა მოხდილი აქვს პატარას?

– არა, – მოუთმენლად მიუგო კაცმა, – ხვალ დილაადრიან დაგირეკავთ, – და ყურმილი დაკიდა. ამ დროს ზარმაც დაიწკრიალა. შესვენება დამთავრდა, სპექტაკლი

გაგზავლდა და მასთან ერთად ცხოვრებაც.

ზოგორც იქნა, დასრულდა ოპერა. აი, კაპელმაისტერი როტენტურმშტრასეზე მდებარე სახლის კიბეზე არბის. კარი ჩეზიმ გაუღო... ეს-ესაა, მორიგე აფთიაქიდან დაბრუნებულია, ჯერ ქუდიც არ მოუხდია.

ავადმყოფის საწოლთან კარის ექიმი შტრობლი ჩამომჯდარა.

– ზოგორაა ბავშვი? – ჩურჩულით ჰკითხა მამამ.

– არცთუ კარგად, – მიუგო ექიმმა, – მაგრამ შეგიძლიათ სმამაღლა ილაპარაკოთ, – გამაყურებელი ნემსი გავუკეთე.

ლოყებწამოგზნებული ლოტა ბალიშზე მისვენებულია და ძლივს სუნთქავს, სახე მოღრეცია, ექიმის მიერ მოგვრილი ხელოვნური ძილი თითქოს უსაშველო ტკივილს აყენებსო.

– წითელა აქვს?

– მაგის ნიშანწყალიც არ ეტყობა! – ჩაიბუნღუნა ექიმმა.

ოთახში ჩეზი შემოვიდა, ჩუმად იცრემლებოდა.

– აღარ უნდა მოიხადოთ ეგ ქუდი?! – ნერვიულად უთხრა მას ლუდვიგმა.

– აჰ, მართლაც, მაპატიეთ! – ჩემიმ ქუდი მოიხადა და სელში დაიჭირა.

ექიმმა ორივეს გადახედა, თითქოს მათგან ელოდებო პასუხს, მერე კი დასძინა:

– ცხადია, ბავშვი ჩაღაც მძიმე სულიერ კრიზისს განიცდის. სომ არაფერი იცით, რა დაემართა? სულ არაფერი შეგიძნევიათ?

– ეგება, ჩემს ნათქვამს საერთო არაფერი ჰქონდეს ამ ამბავთან, მაგრამ ის კია, რომ ნაშუადღევს იგი სასლიდან გავიდა, ვიღაცას უნდა მოველაპარაკო, წასვლისას მხოვავა, კობენცლალეეს გზა მიმასწავლეო, – თქვა ჩემი.

– კობენცლალეეს? – ჩაეკითხა ექიმი და კაპელმაისტერს გადახედა.

პალფი მაშინვე ტელეფონს მივარდა და დარეკა:

– დღეს ნაშუადღევს ლუიზა შენთან იყო?

– გახლდათ! – გაისმა ქალის პასუხი, – მაგრამ ჩისთვის დასჭირდა ამის მოყოლა?

კაცმა არაფერი უპასუხა და შეეკითხა:

– კი მაგრამ, რა მინდაო?

ბოღმამორეულმა ფროილან გერლანმა გაიცინა:

– ამას თვითონ მოგახსენებს!

– გევედრები, მიპასუხე! – კიდევ კარგი, რომ ქალი ვერ დაინახავდა, რა სახე ჰქონდა პალფის!

– რამდენადაც მესმის, იგი ჩემთან იმისთვის მოვიდა, რომ ჩვენი ქორწინება ჩაეშალა! – მიახალა გაანჩხლე-ბულმა ქალმა.

ლუდვიგმა ჩაღაცა წაიბუტბუტა და ყურძილი დადო.

– რა დაემართა ბავშვს ასეთი? – ჰკითხა ფროილან გერ-ლახმა, მეტელა შეამჩნია, რომ ტელეფონი გათიშულიყო.

– ო, ეს პატარა გაიძვერა! – ხმადაბლა წაისისინა ქალ-მა, – აზავითარ საშუალებას არ ზოგავს, ახლა ლოგინ-შიაც ჩაწოლილა და ავადმყოფობას იგონებს!

* * *

ექიმი მასპინძლებს დაემშვიდობა, თან ზოგიერთი რჩე-ვა-დარჩევა მისცა. კართან მისული ლუდვიგმა შეაჩერა და ჰკითხა:

– რა სჭირს ბავშვს?

– ნერვიული ციებ-ცხელება აქვს. სვალ დილაადრიან გამოგივლით. დამე მშვიდობისა!

კაპელმაისტერი ბავშვის ოთახში შებრუნდა, საწოლ-თან ჩამოჯდა და რეზის მიმართა:

– აღარ მჭირდებით, წადით, ძილი ნებისა!

– სომ არ აჯობებდა...

ლუღვიგმა ერთი გადახედა ქალს.

ჩეზი გავიდა, ქუდი ისევ ხელში ჩაუბლუჯავს.

მამა გოგონას აღმურპოდებულ ლოყებს ეფერება. სიცხიანი ბავშვი ძილში შეტოკდა და უმალ მეორე გვერდზე გადაბრუნდა.

ლუღვიგმა ოთახში მიიხედ-მოიხედა. მაგიდაზე მოწაფის წიგნებით გაბერილი ჩანთა იდო. გვერდით დედოფალა ქრისტლი წამოსკუპებულიყო.

მამა წყნარად წამოდგა, დედოფალა ხელში აიყვანა. მეზე სინათლე გამოჩნო და კვლავ საწოლის კიდეზე ჩამოჯდა.

ზის ასე სიბნელეში და უაღერსებს დედოფალას, თითქოს ბავშვიანო, ბავშვი, მის ხელის შესებას რომ არ გაურბის.

თავი მეცხრე

ბატონ აიპელდაუერის ფოტოებმა სულ მთლად დააბნია ქალი. კი მაგრამ, ნამდვილად ლოტაა? ფრაუ კერნერმა ფროილან ლინეკოგელს გაანდო სვაშიადი. დაშაშხული დორის სუკი და დამსხვრეული ჭურჭელი. ლუიზას აღსარება. რატომ აღარ აძლევს პასუხს ლოტა?

მიუნხენის ილუსტრირებული კვირეული ყურნალის რედაქტორმა დოქტორმა ბერნაუმ ხმამღლა ამოიოხრა:

— ცუდ დღეში ჩავცვივდით, ჩემო კარგო! აბა, სად გამოვებნოთ ასე უცბად შესაფერი სურათი გარეკანისათვის?

საწერ მაგიდასთან მდგომმა ფრაუ კერნერმა მიუგო:

— ახალი ამბების სააგენტომ გადმომოგზავნა სურათი, ზედ ბრასის სტილით მოცურავე ახალბედა ოსტატი ქალია გამოსახული.

— ლამაზია?

ახალგაზრდა ქალს გაეღიმა:

— მოცურავის პირობაზე არა უჭირს რა!

ისტობარგატეხილმა ბატონმა ბერნაუმ სელით ანიშნა, მომაცოცხლო, მეზე მაგიდაზე გამლ;ილი ქაღალდები გადაქექა.

— მეც გამაბედნიერა ამას წინათ ერთმა ახირებულმა სოფლელმა ფოტოსელოვანმა რამდენიმე სურათით, მათ

შორის ტყუპების ფოტოც იყო. — რედაქტორი გაზეთებსა და საკულდლებს ჩხრეკდა, თან განაგრძობდა:

— სურათზე ორი მოძიბლავი გოგონაა აღბეჭდილი, გაჭრილი ვაშლივით ჰგვანან ერთმანეთს, ნეტავ, სად დამეკარგეთ, პაწაწინა ბანოვანნო? — ჰოდა, ასეთი ჩამეები ყოველთვის მოსწონს ხალხს. ერთი თბილი წარწერაც გავუკეთოთ და, თუ სხვა უკეთესი ვერაფერი გამოვნახეთ, ამ ლამაზი წყვილის ფოტოსურათი დავბეჭდოთ გარეკანზე. აჰა, როგორც იქნა, მივაგენი!

რედაქტორმა კონვერტიდან ამოიღო სურათები, დახედა და კმაყოფილებით თავი დააქნია, მერე ფოტოსურათები ქაღს გაუწოდა, — მაშ, გამიმზადეთ, ფრაუ კერნერ!

ცოტა ხნის შემდეგ, რაკი პასუხი არ აღიძსეს, რედაქტორმა თავი ასწია და უნებურად შეჰყვირა:

— ოჰ, კერნერ! ამას რას ვხედავ, რა მარლის სვეტად ქცეულხართ, გონს მოდით! ავად სომ არა ხართ?!

— ოჰ, რაღაც ვერა ვარ კარგად, ბატონო რედაქტორო, მაგრამ ახლა თითქოს გამიარა, — ათრთოლებული ხმით მიუგო ქალმა, — იგი კვლავ ფოტოსურათებს დაშტერებოდა, მისამართს კითხულობდა: „ იოსებ აიპელდაუერის ფოტო, ზეებიული ბიულზეზე“.

ახალგაზრდა ქალს თავში უმაღლ აერია ყველაფერი. რედაქტორი კი განაგრძობდა:

– ამოიჩინეთ საუკეთესო ეგზემპლარი, ზედაც ისეთო წარწერა გაუკეთეთ, მკითხველები სიცილით გაიგუდონ, ეგ სომ გესერსებათ!

– სომ არ აჯობებდა, თავი შეგვეკავებინა? – როგორც იყო, სმა ამოიღო ქალმა.

– კი, მაგრამ, რატომ, ძვირფასო კოლეგავ?

– მგონი სურათი ყალბია!

– როგორ, ფოტოგრაფიული თინბაზობაა? – ბატონ ბერნაუს გაეცინა, – თქვენ მეტისმეტ პატივს ანიჭებთ ბატონ აიპელდაუერს, იგი ასეთი დახელოვნებული ოსტატი როდი გახლავთ!.. მაშ ასე, ახლავე შეუდექით საქმეს, ძვირფასო ქალბატონო. წარწერა სვალაც გაუკეთდება, ოღონდ, სანამ ააწყობენ, თვალი გადამაველებინეთ! – რედაქტორმა ქალბატონს თავაზიანად დაუკრა თავი და ახალ სამუშაოს მიუბრუნდა.

ქალი ძლივს შელასლასდა თავის ოთახში, სავარძელში ჩაეშვა, სურათები წინ დაიწყო და საფეთქლებზე ხელები შემოიჭდო. მისი გონება ფიქრთა ქარბორბალამ მოიცვა და თავი კარუსელივით დაუტრიალდა. „ორივე მისი შვილი!.. ბავშვთა პანსიონატი! არდადეგები!.. ბუნებრივია!

მაგრამ ლოტსენს რომ კრინტიც არ დაუძრავს? აბა, თან რატომ არ წამოიღო ფოტოსურათი, თუ კი ერთად გადაიღეს. უსათუოდ რაღაც უდევთ გულში. ხომ არ შეიტყვეს, რომ დები არიან?! მერე, ალბათ, პირი შეკრეს, კრინტი არ დაეძრათ ამაზე. რა თქმა უნდა. ეს გასაგებიცაა. ღმერთო ჩემო, როგორ ჰგვანან ერთმანეთს! მათი სანაქებო დედის თვალს ერთხელაც რომ არ... ოჰ, ჩემო ერთიმეორეზე უფრო საყვარელო გოგონებო“!

ახლა რომ დოქტორ ბერნაუს წამით შემოეხედა, უძალვე დაინახავდა ტკივილით და თან შვებით აფორიაქებული და აცრემლებული ქალის პირისახეს, და ისე გულისმომწყვლელი იყო ეს ცრემლი, თითქოს თვალთაგან ერთბაშად მთელი სიცოცხლე წამოედინაო.

მაგრამ, საბედნიეროდ, დოქტორ ბერნაუს არ შემოუსედავს!

ფრაუ კერნერმა თავს სძლია – სწორედ ახლა მართებს გამაგრება! კიდევ რა მოხდება? რას უნდა ელოდოს, რას? რა იღონოს, უსათუოდ ლოტას უნდა მოელაპარაკოს! ქალს გააყრყოლა. რაღაც აზრი უჩინარნი ხელივით მისწვდა სხეულს და ძალ-ღონე გამოაცალა:

„კი მაგრამ, იგი ნამდვილად ლოტაა?!“.

ფრაუ კერნერი ლოტას მასწავლებელს, ფროილიან ლინეკოგელს შინ ესტუმრა.

– სწორედ რომ უცნაურად მეკითხებით, ქალბატონო, – უპასუხა ფროილიან ლინეკოგელმა, – განა შეიძლება ეჭვი შემეპაროს იმაში, რომ იგი ნამდვილად თქვენი ქალიშვილია და არა სხვა ვინმე?! მომიტევეთ, მაგრამ ...

– გამიგონეთ, მე სრულ ჭკუაზე გახლავართ! – უთხრა ფრაუ კერნერმა და მაგიდაზე სურათი დადო.

ფროილიან ლინეკოგელს სურათიდან სტუმარზე და სტუმრიდან ისევ სურათზე გადაჰქონდა მხერა..

– მე ორი გოგონა მყავს, – წყნარად აუხსნა სტუმარმა, – ტყუპის მეორე ცალი ჩემს ყოფილ ქმართან იზრდება, ვენაში. ეს სურათი კი რამდენიმე საათის წინ შემთხვევით ჩამივარდა ხელში. აქამდე ფიქრადაც არ მომსვლია, თუ არდადეგების დროს გოგონები ერთმანეთს შეხვდებოდნენ.

გაოცებული ფროილიან ლინეკოგელი სმელეთზე გამოზიყულ მოფარტხალე ჭანარივით მაღიძალ აღებდა პირს, მერე სურათი გვერდზე გასწია, თან თავს აკანტურებდა, თითქოს ეშინოდა, არ მიკბინოსო, ბოლოს იკითხა:

– ბავშვები აქამდე არ იცნობდნენ ერთმანეთს?

ახალგაზრდა ქალმა უარის ნიშნად თავი გააქნია:

— მე და ჩემმა ქმარმა მაშინვე ასე გადავწყვიტეთ, გვე-
გონა, ასე აჯობებდა.

— მერე აღარ მოგიკითხავთ ქმარ-შვილის ამბავი?

— არასდროს!

— ხომ არ შეურთავს სხვა ქალი?

— არც ეგ ვიცი, მაგრამ არა მგონია. იგი დაჯერებული
იყო, რომ ოჯახური ცხოვრებისათვის არ იყო მოწოდებუ-
ლი.

— ესეც ახალი თავგადასავალი, — მიუგო მასწავლე-
ბელმა, — ჩა იცი, იქნებ, ბავშვებს თავში დაეხადათ აბ-
სურდული იდეა, ერთუბრთს შენაცვლებოდნენ? ლოტსენის
ხასიათის ცვლილებას რომ ვაკვირდები... ახლა ხელწერას
აღარ იკითხავთ, ფრაუ კერნერ, — ხელწერას? მართლაც,
გონს ვერ მოვსულვარ, ხელწერა ბევრ ჩამეს აგვიხსნის!

მშობელი თავს უქნევს, თან იატაკს ჩაშტერებია.

— ცუდად ნუ ჩამომართმევთ ასეთ გულახდილობას, —
მიმართა ფროილან ლინეკოგელმა, — მე მხოლოდ აღ-
მზრდელი ვარ, დედობა კი არ გამომიცდია, მაგრამ
ჩემდათავად მუდამ ვფიქრობ: ეს გათხოვილი ქალები
სწორედ რომ მეტისმეტად ელოლიავენბიან-მეთქი ოჯახი-

ანთ ქმრებს, მაშინ, როცა მთავარი შვილების ბედნიერებაა და სხვა არაფერი!

ამაზე ფრაუ კერნერმა მწარე ღიმილით მიუგო:

– როგორ გგონიათ, ჩვენი ხანგრძლივი, მაგრამ უიღბლო ცოლქმრობა ბევრ ჩამეს შემატებდა ჩვენი შვილების ბედნიერებას?

ფროილან ლინკოგელი ერთხანს ჩაფიქრდა და მეტე მიუგო:

– კი არ გკიცხავთ, თქვენ ჯერაც გიყმაყი ქალი ხართ. ალბათ, მთლად ბავშვი გათხოვდით და, გეტყობათ, მთელი ცხოვრების მანძილზეც ასევე ახალგაზრდა დარჩებით, უფრო ახალგაზრდა, ვიდრე ოდესმე მე ვყოფილვარ; ჰოდა, რაც ერთისათვის სწორია, შეიძლება მეორისათვის მცდარი გამოდგეს!

სტუმარი წამოდგა. ან

– ახლა რას აპირებთ?

– მე თვითონაც არ ვიცი! – თქვა ყმაწვილმა ქალმა.

* * *

ლუიზა მიუნხენის ერთ-ერთი ფოსტის სარკმელთან დგას.

– აჩა, ქალბატონო კესანე, დღესაც არაფერი გვაქვს, –
თანაგრძნობით მიუგო ფოსტის მოხელემ.

ლუიზამ მოკრძალებით შეხედა მას.

– ნეტავ, რას უნდა მოასწავებდეს ეს ამბავი? – ნად-
ვლიანად ბუტბუტებდა გოგონა.

– ალბათ, „კესანე“ „საპოვნელად“ იქცა! – გაესუმჩა
მოხელე.



– ეს არ მოხდებოდა, სვალ ისევ მოგაკითხავთ! – მია-
ხალა ჩაფიქრებულმა ლუიზამ.

– თავს ბედნიერად ჩავთვლიდით! – ღიმილით მიუგო
მოხელემ.

ფრაუ კერნერი შინ ბრუნდებოდა. დაუოკებელი ცნობისწადილი და საშინელი შიში შეჰპარვია გულში. ერთიანად შეუძრავს და ლამისაა, სუნთქვა შეუკრას.

ბავშვი სამზარეულოში ფუსფუსებს. ისმის ხუფის წკარა-წკურნი. ქვაბში ხორცი იმუშება.

— რა გემზიელი ხუნი დგას, — თქვა დედამ, — რა გააკეთე?

— ღორის ნეკნი და შემწვარი კარტოფილი გვაქვს მყავე კომბოსტოთი! — ამაყად შესძახა გოგონამ.

— რა ძაღვ ისწავლე კერძის კეთება! — ვითომ მშვიდად მიუგო დედამ.

— მართლა, არა? ვერც კი წარმოვიდგენდი!.. — გვიანდა იკბინა ნეკზე დაფეთებულმა ლუიზამ, როგორღა გაუსწოროს ახლა დედას თვალი?!

მაგრამ დედის ამბავს აღარ იკითხავთ? გაფითრებული ქალი კარებს მიეყრდნო. კედლის ფერი დასდებია. ბავშვი სამზარეულოს გაღებულ კარდასთან იდგა, ჯამ-ჭურჭელი გამოჰქონდა, თან ხელები უკანკალებდა და თეფშებსაც ზრიალი გაუდიოდა, როგორც მიწისძვრის დროს იცის სოლმე.

დედამ ძლივსძლივობით გახსნა ბაგეები:

– ლუიზა?!

ღრრას!



თეფშები სრიალით წამოვიდა, ნამსხვრევეები მიიფანტ-
მოიფანტა იატაკზე. ლუიზა სწრაფად შემოტრიალდა,
თვალეები შიშისაგან გაფართოებია.

– ლუიზა! – ალერსიანად გაიმეორა ქალმა და ხელები
გაშალა.

ბავშვი დედას წყალწაღებულებით ჩამოეკონწიალა კი-
სერზე და ცხარედ აქვითინდა. ქალმა ჩაიჩოქა, მთრთოლ-
არე ხელებით შვილს მიეაღერსა, თან ბუტბუტებს:

– ჩემო შვილო, ჩემო საყვარელო გოგონა!

ორივემ თეფშების ნამსხვრევეებში ჩაიმუხლა. ქურაზე ღორის ნეკნი იწვება, ადუღებული წყალი შხუილ-შხუილით იღვრება ქვაბიდან გაჩქურაზე.

დედა-შვილი ვერაფერს ამჩნევს. ამქვეყნად აღარ არიან, როგორც იტყვიან, სხვაგან ქრის მათი გონება.

* * *

გავიდა საათები. ლუიზამ აღსარება გაანდო დედას და დედამაც შეუნდო. აღსარება იყო გრძელზე გრძელი, სიტყვამრავალი. და იყო მიტევება ცოდვათა, ხანმოკლე, სიტყვამუნწი, ერთი კოცნა და სხვა არაფერი.

ასლა ორივენი ტახტზე სხედან. ბავშვი მაგრად-მაგრად ჩახუტებია დედას. ო, რა კარგია, სიძარბოში რომ გამოუტყდები ვინმეს, გულიდან ღოღი ჩამოგეხსნება! ფრთაშესხმული დედის კალთას ჩაფრენია, თითქოს ემინია, არსად გაფრინდესო.

– ჩემო ფაქიზო ქალიშვილებო! – მიმართა ლუიზას დედამ.

სიამაყით ადვსილმა ლუიზამ გადაიკისკისა (მხოლოდ ერთი საიდუმლო არ გაუმხელია დედისათვის – ასლანან რომ ლოტას წერილი მიიღო, ვიღაც ფროილან გერლა-

სი შეჩენიაო მამას, იტყობინებოდა შემფოთებული ტყუ-
პისცალი).

დედამ ამოიხვნეშა.

შეშინებულმა ლუიზამ შესედა.

– მე ის მაფიქრებს, რა ვიღონოთ? თავს სომ ვერ მო-
ვიტყუებთ, ვითომ არც არაფერი მომხდარაყოს! – თქვა
დედამ.

ლუიზამ დინჯად გააქნია თავი:

– ლოტსენს ალბათ ძალიან ენატრები, შენც გენატრე-
ბა ლოტსენს?

დედამ თავი დაუქნია.

– მეც მომენატრა ლოტსენი, და კიდევ, იცი? – გამოტ-
ყდა ბავშვი.

– და მამაშენი, აგრე არ არის?

ლუიზამ ბეჯითად და მაინც ოდნავ მორცხვად დაუქნია
თავი.

– ნეტავ გამაგებინა, რატომ არაფერს იწერება ლოტ-
სენს?

– ეგ მეც მაღარღებს! – ჩაიღუღუნა დედამ.

თავი მეათე

მიუნსენი რეკავს. ყოვლის მხსნელი სიტყვა. რეზისაც აებნა დავთარი. ვენიდან მომავალ თვითმფრინავში ორი ადგილი შეკვეთილია. პეპერლი ბუქნავს. კარებთან მიტუზული ჭორიკანა კოპებს თუ მოიძეის. ბატონი კაპელმაისტერი ღამის გასათევად სახელოსნოს მიაშურებს, იქ დაუპატიჟებელი სტუმარი ეწვევა.

ლოტხენი მისუსტებული ასვენია ლიგინზე. მილბურანში გახვეულა. აგერ, რა ხანია, მილადაა მიგრებული. სისუსტის ბრალიაო, უთქვამს შუადღისას ექიმ შტრობლს.

ბატონი კაპელმაისტერი საწოლთან უზის ავადმყოფს და მის პაწია მოგრძო პირისახეს დაჰყურებს. ეს რამდენიმე დღეა, ოთახიდან ფეხი არ გაუდგამს. დიზიჟორობაშიც სხვა შეენაცვლა. სხვენიდან საწოლი ჩამოატანინა და იქვე გააწყობინა.

მეზობელ ოთახში ტელეფონის ზარი აწკრიალდა. ოთახში ფესაკრეფით შემოვიდა რეზი და წასჩურჩულა:

– მიუნსენიდან რეკავენ, თუ გცალიათ!

ლუდვიგი წყნარად წამოდგა. რეზის ანიშნა, ბავშვთან

დარჩიო, თვითონ კი მეზობელ ოთახში გავიდა. მიუნსენიდან? ვინ უნდა იყოს, ნეტა? საკონცერტო ბიუროს დირექციიდან იქნებიან, ალბათ. რაღა ახლა აუტყდათ რეკვა! ყურმილი აიღო და გაესმინა. საზი ჩაიჩთო.

— პალფი გისმენთ!

— კერნერი გაწუხებთ! — უპასუხა ქალის სმამ მიუნსენიდან.

— რაო? ვინაო, ლუიზელოტე? — გაოცებულია კაცი.

— დიას! — კვლავ ისმის შორეული სმა. — მაპატიე, რომ გირეკავ, ბავშვის ამბავი მადარდებს. სომ კარგადაა?

— ავად არის! — სმადებლა მიუგო კაცმა.

— ოჰ! — შიში შეეპარა ქალის სმას.

შუბლშეჭმუნნილმა ბატონმა პალფიმ იკითხა:

— კი მაგრამ, ვერაფრით ვერ გამიგია, შენ ჩანაირად . .

— გულმა გვიწინათგრძნო მეცა და ლუიზასაც.

— ლუიზასაო?! — ნერვიულად გაიცინა კაცმა. მეგრე კვლავ მიაყურა ქალის სმას, მოჯადოებულებით უსმენს, გაოცება უფრო და უფრო ეხატება სახეზე, თავს აკანტურებს და ფრიად აღელვებული წარამარა ისვამს თავზე ხელს.

ქალი კი გამალებით უყვება ყველაფერს, ჩისი თქმაც კი ტელეფონზე მოხერხდება.

– კიდევ ლაპარაკობთ? – ჩაერთო საუბარში ტელეფონისტი ქალიშვილი.

– დამაცადეთ, დალახვროს ეშმაკმა! – იყვირა კაპელმანისტერმა. ძნელად წარმოიდგენს კაცი, რა ორმეტრიალიცაა ახლა მის თავში!

– რა სჭირს ბავშვს? – შეშფოთებული კითხულობს ყოფილი ცოლი.

– ნერვიული ციებ-ცხელება აქვს, მაგრამ ექიმი ამბობს, კრიზისი გადატანილიაო, თუმცაღა ბავშვი ფიზიკურადაც და სულიერადაც ძალიან გამოიფიტა.

– კარგი ექიმია?

– რასაკვირველია, კარის მძნეველი შტორბლი! ლუიზას პატარაობიდანვე იცნობს. ახ, მაპატიე, – იცინის კაცი. – ეს ხომ ლოტაა! ექიმი როგორ უნდა იცნობდეს! – და ბოლოს ამოიხვნეშა.

მიუნხენიდან ქალის ხვნეშა მოესმის. ორი მოზრდილი ადამიანი უმწეოდ გაბმულიყო ხათაბალაში. ენაწართმეულთ ტვინი ამღვრეოდათ. ამ უხერხულ, სახიფათო დუმილს ბავშვის წკრიალა ხმა გაკვეთს.

– მამი, ჩემო კარგო, საყვარელო მამიკო! – შორიდან მოისმა ნაჩნარი ბგერა, – ლუიზა გელაპარაკება, ღმერ-

თმა გამარჯვება მოგცეს, მამი! სომ არ ჩამოვიდეთ სას-
წრაფოდ ვენაში? – როგორც იქნა, წარმოითქვა ყოვლის
მხსნელი სიტყვა და მღუპარების ყინული ერთბაშად გა-
აღლო კეთილად მონაბერმა ნიაგმა.

– შენც ღმერთი გწყალობდეს, ლუიზა! – ჩასძახა ყურ-
მილში შვილის ნატრულმა მამამ, – ეგ მართლაც კარგი
აზრია!

– არა თუ?! – შვეებით გაიცინა გოგონამ.

– როდისთვის მოახერხებთ ჩამოსვლას? – ჩაჰკითხა
ყურმილში პალფიმ.

პასუხად ისევ ახალგაზრდა ქალის სმა გაისმის:

– ახლავე შევიტყობთ, როდის გადის დილის მატარე-
ბელი.

– თვითმფრინავს გამოჰყევით, უფრო მოესწრება! –
კვლავ ჩაჰყვირა ყურმილში კაცმა და თვითონვე შეც-
ბუნდა, როგორ იქნება ასეთი ღრიალი, როდესაც ავად-
მყოფს სძინავსო!

ავადმყოფის სასთუმალთან მჯდარმა რეზიმ ბავშვის
ოთახში შემობრუნებულ მამას ადგილი დაუთმო, თითის
წვერებზე შედგა და გასვლა დააპირა.

– რეზი! – წასჩურჩულა პალფიმ.

ორივენი ფეხზე დგანან.

– ხვალ ჩემი ცოლი ჩამოვა.

– თქვენი ცოლი?

– სსუ! ხმას ნუ აუწევ ! ჰო, ჩემი ცოლი, ყოფილი ცო-
ლი, ლოტხენის დედა.

– რომელი ლოტხენის?

დიმილმორეულმა კაცმა ხელი გააქნია.

– ლუიზერლსაც თან ჩამოიყვანს.

– რაო? ლუიზერლი აგერ არ წევს?

ბავშვის მამამ თავი გააქნია.

– არა, ეს მისი ტყუპისცალია.

– ტყუპისცალიო? – ბატონი კაპელმაისტერის ოჯახუ-
რი ურთიერთობის გამოცანამ სულ აუბნია დავთარი საწ-
ყალ ქალს.

– ჯერ საჭმელზე იზრუნეთ, ვინ წევს და ვინ არა, ამას
მერეც გავარკვევთ!

– ღმერთო ჩემო! – ჩაიბუტბუტა რეზიმ და ფეხაკრეფით
გავიდა.

მამამ დაქანცულობისაგან ძილად მიგდებულ ბავშვს
დახედა და დაცვარული შუბლი ფაქიზად მოუწმინდა
ცხვირსახოცით.

„მამასადამე, ეს მეორე ქალიშვილი, მისი ლოცხენია? ჩაოდენი სიმამაცითა და ნებისყოფით იყო აღვსილი ეს თითისტოლა ბავშვი, სანამ ავადყოფობა სასოს არ მიხ-
დიდა. ეს უნარი მამისაგან როდი გადასცემია! მამ, ვის-
გან? დედისგან თუ გამოჰყვა!“ – ფიქრობდა მამა.

ისევ აწკრიალდა ტელეფონის ზარი.

ოთახში ჩეზიმ შემოყო თავი:

– ფრიოლან გერლახი რეკავს.

ბატონმა პალფიმ უარის ნიშნად თავი ისე გააქნია, არ-
ცკი შემობრუნებულა.

* * *

ფრაუ კერნერმა „ოჯახური მდგომარეობის გამო“ ბა-
ტონ ბერნაუს შვებულება სთხოვა, აეროპორტში დარეკა
და მეორე დღისათვის ორი ბილეთი დაუკვეთა. მერე ჩე-
მოდანში ჩაალაგა, თუ რამ ნივთები დასჭირდებოდა.

წელიწადივით გაიჭიმა დამე. მაგრამ ეს ვითომდა უსას-
რულო დამეებიც სომ ილევთან ბოლოს და ბოლოს!

* * *

დილაა. კარის ექიმი შტრობლი როტენტურმშტრასე-
ზე მდებარე სახლისაკენ მიიჩქარის. მის უკან პეპერლი

მიცუნცულებს. მათ წინ ტაქსიმ. გაისრიალა და შეჩერდა. ავტომანქანიდან გოგონა გადმოვიდა. პეპერლი გადარეულივით შეასტა პატარას, ციბრუტივით ტრიალებს, ყეფს, წკმუტუნებს.

– გამარჯობა, პეპერლ, შენი! ღმერთი გწყალობდეთ, ბატონო ექიმო!

გაოგნებულ ბატონ ექიმს სულ გადაავიწყდა „გამარჯობა“ თქმა, გოგონას მივარდა, არცთუ ისე მარტივად, როგორც მისი საყვარელი პეპერლი, და დაუცაცხანა.

– ჭკუდან ხომ არ შეიშალე?! ახლავე გასწი და საწოლში ჩაწიქი!

ლუიზაცა და ცუგრიაც სახლის კარებისაკენ გაიქცნენ.

მანქანიდან ახლა ყმაწვილი ქალი გადმოვიდა.

– ამ ამბავმა შეიძლება თან გადაიტანოს ბავშვი! – შეჰყვირა აღელვებულმა ბატონმა ექიმმა.

– ეს ის ბავშვი არ გახლავთ, თქვენ რომ გგონიათ, ეს მისი დაა! – მეგობრულად მიუგო ყმაწვილმა ქალმა.

რეზიმ დერეფნის კარი გააღო. ზღურბლთან დგანან ენაგადმოგდებული პეპერლი და ბავშვი.

– ღმერთი გწყალობდეს, რეზი! – შესძახა გოგონამ და

მაღლთან ერთად შეიჭრა ბავშვის ოთახში.

თავგზააბნეული მნე ქალი პირჯვარს იწერს.

ბოლოს, მოხუცმა ექიმმაც ქოშინით ამოათავა კიბის საფეხურები. გვერდით კოხტა, თვალტანადი ქალი მოკყვებოდა, ხელში სამეზავრო ჩემოდანი ეჭირა.

– როგორ არის ლოტხენი? – აჩქარებით იკითხა ყმაწვილმა ქალმა.

– მგონი, ცოტათი მომჯობინდა, – მიუგო რეზიმ და დასძინა: – ხომ არ წაგიძღვეთ ოთახისაკენ?

– გადლობთ, მე თვითონ გავიგნებ გზას! – მიუგო უცნობმა და უმაღვე ბავშვის ოთახისაკენ გაექანა.

– სანამ გონს მოვეგებოდეთ, პალტოს გახდაში შემეშველეთ! – მსიარულად ჩაილაპარაკა ბატონმა ექიმმა, – თუშცა ჯერ მოითმინეთ!

რეზი შეკრთა და ენის ბოძპიკით მოუბოდიშა:

– ათასგზის გთხოვთ პატიებას!

– დღეს მაინცდამაინც საჩქარო როდია ჩემი ვიზიტი. – დინჯად თქვა მზრეველმა.

– დედიკო! – ამოიზურჩულა ლოტამ, თვალეგაბრწყინებული მისჩერებია ქალს. ახალგაზრდა ქალმა მდუმარედ მიუაღერსა ბავშვის გახურებულ ხელებს, საწოლთან ჩაიჩოქა და აცახცახებული ბავშვი ხელში აიტაცა.

ლუიზამ წამიერად გააპარა თვალი ფანჯარასთან მდგარი მამისაკენ, მერე ლოტსენის სასთუმალისაკენ დაიხარა, ბალიშები გაფერთხა, გადააბრუნა და საბანიც გაუსწორა — ლუიზასაც უკვე ყველაფერი ესწავლა და პატარა მეოჯახე ქალი გახდარყო.

ბატონი კაპელმაისტერი ქურდულად უმზერდა გოგონას. „აი, ბავშვები და მათი დედა! ეს ყმაწვილი ქალი ოდესღაც ჩემი ცოლი იყო!“ მის გონებაში გარდასული დღეები და დავიწყებული საათები ამოტივტივდა. „ეს იყო წინათ, დიდი ხნის წინათ!“

საწოლის ბოლოს გაოგნებული პეპერლი მოკალათებულა და ჩაცვივით შესცქერის ხან ერტს, ხან მეორე პატარა გოგონას. პაწია, შავად მოპრიალე დრუნჩის წვერსაც ხან აქეთ გასწევს, ხან იქით, თითქოს საგონებელში ჩავარდნილაო. აი, რა სათაბალაში გაბმულა კეთილი, ბავშვების მოსიყვარულე ცუგრია!

კარზე კაკუნი გაისმა. ოთახში მყოფი ოთხი ადამიანი თითქოს უცნაური ძილისგან გამოფხიზლდა. კარის ექიმში, ბატონი შტრობლი შემოვიდა, საწოლთან შეჩერდა და, როგორც ყოველთვის, მხიარულად, ოღნავ ხმამაღლა იკითხა:

– როგორ გრძნობს თავს ავადმყოფი?

– კარგად! – წამოიძახა ლოტამ და დაქანცულ სახეზე ღიმილი მოეფინა.

– ჭამის მადანზე როგორღა ვართ? – წაიდუღუნა შტრობ-
ლმა.

– დედა თუ გააკეთებს, შევჭამ! – დაიჩურჩულა გოგო-
ნამ.

დედამაც თავი დაუქნია თანხმობის ნიშნად. მერე ფან-
ჯარასთან მივიდა:

– მაპატიე, ლუდვიგ, რომ სალამი დაგიგვიანე!

ბატონმა კაპელმაისტერმა ხელი ჩამოართვა და მი-
უგო:

– დიდ მადლობას მოგახსენებ, რომ ჩამოხვედი!

– მაპატიე, თავისთავად ცხადია, მე ბავშვისათვის...

– მარტალია, ბავშვისათვის... თუმცა...

– გეტყობა, ამ დღეებში სულ არ გიძინია, – უთხრა
ქალმა.

– არა უშავს, ავინაზღაურებ. ბავშვის დარდი მქონდა
და...

– ვგრძნობ, მალე გამომჯობინდება!

საწოლთან ბავშვები ჩურჩულებენ. ლუიზა ლოტას
ყურთან დახრილა და ტუჩები სულ ახლოს მიუტანია:

– დედამ ფროილან გერლასზე არაფერი იცის, ჩვენც არ დაგვცდეს ჩამე!

ლოტამ შიშნეულად დაუქნია თავი.

ექიმს მათი საუბრისათვის ყური არ მოუკრავს, იგი თერმომეტრს ამოწმებდა, თუმცა, რაც უნდა ჩასწვეთებოდა ყურში, ბატონი შტორბლი თავს ისე მოგაჩვენებდათ, ვითომ არაფერი მსმენიაო.

– ტემპერატურა სავსებით ნორმალურია. სულითა და გულით გილოცავ გადარჩენას, ჩემო ლუიზერლ!

– დიდ მადლობას მოგასხსენებთ, ბატონო ექიმო! – კის-კისით წამოიძახა ნამდვილმა ლუიზამ.

– თქვენ, ალბათ, მე მიგულისხმეთ? – ჰკითხა ლოტსენმა და თან მოზიდებით გაიღიმა. თავი ისევ სტკიოდა.

– კაი ოინბაზები ხართ ორივენი, ნამდვილად საშიში ტყუპისცალები. პეპერლიც რომ გადამირიეთ! – წაიდუღუნა შტორბლმა და ორივე ხელი ფაქიზად გადაუსვა თავზე ერთ-ერთ გოგონას. მერე ერთი ზორბად ჩაახველა, წამოდგა და თქვა:

– მოდი, პეპერლ, ეცი ამ პატარა მატყუარებს!

პეპერლმა კუდი გააქიცინა და პატრონის შარვლის ტოტებს მიელაქუცა. შტორბლი კი ამ დროს პალფის უხსნიდა:

– აღარ გჭირდებათ აფთიაქებში სიჩბილი, დედაა ბავ-
შვისთვის უებარი წამალი! – მერე ყმაწვილ ქალს მიუბ-
რუნდა: – შეგიძლიათ, დაელოდოთ ლუიზერლის, მაპაცი-
ეთ, ლოტსენის გამოჯანმრთელებას?

– შესაძლოა, ბატონო ექიმო, ასეც ვაპირებდი. . .

– მამ ასე, – თქვა მოხუცმა ექიმმა, – ბატონი ყოფილი
მეუღლე ამ ამბავს უნდა შეურიგდეს!

პალფიმ მხოლოდღა შეარხნია ბაგეები, თქმით კი არა-
ფერი უთქვამს.

– არა უშავს, მართალია, ხელოვანის გული აფორიაქ-
დება ასეთი ხალხმრავლობის შემყურე, მაგრამ მოთმინე-
ბა იქონიეთ და ისევ განმარტოვდებით! – დაცინვით წარ-
მოთქვა ექიმმა.

ბატონი ექიმი დღეს კარგ გუნებაზე გახლდათ. ისე
მკვირცხლად გააღო კარი, რომ კართან მოდარჩაჯებულ
რეზის შუბლზე ერთი ლაზათიანი კოპიც კი დაასვა.

– შაურიანი დაიდე, დაგიაძებს; ჩჩევა-დარჩიგებისათ-
ვის გასამრჯელოსაც არ მოგთხოვ!

* * *

სადამოს ბინდი ჩამოაწვა მიწას. მოსადამოვდა ვენახ-
შიც. ბავშვების ოთახი დუმილს მოუცავს, სძინავს ლუი-

ზას, სძინავს ლოტასაც – ახლა კი ჯანსაღი ძილით.

მშობლებმა ეს-ესაა, ერთად ივანშშმეს მეზობელ ოთახ-ში. ცოტა წაისაუბრეს, უფრო დიდხანს დუმდნენ, ბოლოს, პალფი წამოდგა და თქვა:

– მაშ ასე, ახლა უნდა წავიდე!

ცოტა არ იყოს, სასაცილო დღეშია პალფი: აბა, დაფიქრდით – გვერდით ოთახში მის ორ ცხრა წლის გოგონას სძინავს, აგერ დგას მათი დედა, ლამაზი ქალი; კაცი კი გალახული ძაღლივით უნდა გაეცალოს იქაურობას. ჰოი, რას იხითხითებენ ახლა კერძის მფარველი უჩინარი ანგელოზები, თუკი არსებობენ ისინი, გარდასულ, დიდებულ ხანას რომ შემოუნახავს?!

ქალმა დერეფანში გამავალ კარამდე მიაცილა ყოფილი ქმარი. კაცი ერთი შეყოყმანდა:

– თუ ბავშვი უარესად შეიქნეს, იცოდრე ატელიეში ვიქნები.

– დარდი ნურაფრისა გექნება, – ანუგეშა ქალმა, – ნუ დაგავიწყდება, ჩემო კარგო, რომ ამდენ უძილობას ანაზღაურება უნდა!

პალფიმ თავი დაუქნია.

– ღამე მშვიდობისა!

– ღამე ნებისა !

კაცი ნელ-ნელა დაეშვა კიბეზე, ქალმა მიაძახა:

– ლუდვიგ!

კაცი შემობრუნდა და ელოდა, რას მეტყვისო.

– მოხვალ ხვალ საუზმეზე?

– კი, მოვალ!

ქალმა კარი მიხურა, ჯაჭვით ჩარჩა და წამით ფიქრში გაიზინდა. წლები დამჩნევია ლუდვიგს, თითქმის ნამდვილ ასაკოვან მამაკაცად გამოიყურება მისი ყოფილი ქმარი. მერე თავი გააქნია და ოთახში შევიდა, რომ მისი და ლუდვიგის ზიარის შვილების ძილისათვის დედობრივი ზრუნვით ედარაჯა.

* * *

ერთი საათის შემდეგ რინგმტრასეზე მდებარე სახლის წინ გაჩერებული ავტომანქანიდან მოხდენილი ყმაწვილი ქალი გადმოვიდა.

შვეიცარი ბუნდუნით შესვდა.

– ბატონი კაპელმაისტერი? მგონი მადლა უნდა იყოს.

– სინათლე სომ ანთია, მაშ აქ იქნება! – მიუგო ქალმა, ბუნდუნა შვეიცარს ხელში ფული ჩაუჩარა და კიბეებისაკენ გაეჩქარა.

შვეიცარმა ქაღალდის ფულს დახედა და თავისი სახლისკენ გაემურა.

– ეს შენა ხარ? – მოისმა ზემოდან პალფის ხმა. კარის

ზღურბლთან ქალბატონი იდგა.

– გამოცანა გერგება! – გაბრაზებით მიახალა ირენა გერლანმა და ატელიეში შევიდა. ჩამოჯდა, სიგარეტს მოუკიდა და მოთმინებით აათვალიერ-ჩაათვალიერა კაცი. კაცი კი ხმას არ იღებდა.

– რატომ არ მიპასუხე ტელეფონზე, კარგ საქციელად მიგაჩნია ეს?

– შენთან ლაპარაკის თავი არ მქონდა, ბავშვი სასიკვდილოდ იყო გადაღებული!

– ახლა ხომ მომჯობინდა. ასე რომ არ იყოს, ისევ როტენტურმშტრასეზე იქნებოდლი!

ლუდვიგმა თავი დაუქნია:

– დიას, ბავშვი უკეთესადაა; სხვათა შორის, ჩემი ცოლიც თავზე ადგას.

– ვინა?

– ვინ და ჩემი ცოლი, ჩემი ყოფილი ცოლი. ამ დღით ჩამოვიდა და მეორე ბავშვიც თან ჩამოიყვანა.

– მეორე ბავშვიო?! – გაიოცა ქალმა.

– დიას, მე ტყუალები მყავს; თავდაპირველად ლუიზას ვუვლიდი, არდადეგების შემდეგ კი ტყუაისცალი დამიბრუნდა. მის მაგიერ. ეს ამბავი აქამდე არ შემიმჩნევია.

მხოლოდ გუშინ შევიტყვე.

ქალმა დვარპლიანად ჩაიქირქილა.

– შენს ნაცოლარს კარგად გაუკვაჭავს საქმე!

– მანაც გუშინ შეიტყო ეს ამბავი! – მოუთმენლად მი-
ახალა კაცმა.

იჩენა გერლასმა ლამაზად შეღებილი ტუჩები აიძრი-
ზა.



– მართლაც მშვენიერი თავგადასავალია, არა? ერთ
სახლში გიზის ცოლი, რომელთანაც განქორწინებული

საზ; მეორე სახლშიც ცოლი, რომელთანაც ჯერ არ და-
ქორწინებულხარ!

ლუდვიგმა თავი ველაზ შეიკავა:

– ვინ იცის, ჩამდენი სახლია ამქვეყნად, სადაც ის ქა-
ლები სხედან, ჯერაც ცოლად რომ არ მომიყვანია!

– ბარაქალა!– ფეხზე წამოდგა ქალი, – შენ გონებაშას-
ვილიც ყოფილხარ!

– მომიტევე, ირენა, ნერვიული კაცი ვარ !

– მომიტევე, მაგრამ მეც ასეთივე გახლავარ!

– ბრახ! – გაჯახუნდა კარი. ფროილან გერლახი წა-
ვიდა.

ბატონი პალფი ერთხანს კარს გასცქეროდა. მერე როი-
ალისაკენ შემობრუნდა, თავისი საბავშვო ოპერის ნოტები
გადაფურცლა, იქედან რომელიღაც ფურცელი გამოაძრო
და ჩოილს მიუჯდა. ერთხანს ნოტებიდან უკრავდა. ჰან-
გი ჯერ მკაცრ, მველ საეკლესიო გალობას ჩამოჰგავდა,
მერე ტონალობა შეცვალა Dorisch-დან C-Moll-მდე,
C-Moll-დან Es-Dur-მდე.

და ასე ნელ-ნელა, თანდათან დაიბადა პარაფრაზი-
დან ახალი მელოდია, მელოდია უბრალო და გულში ჩამ-
წვდომი: ვითომ, პატარა გოგონები თავიანთი წკრიალა,

ბავშვური სმებით მღეროდნენ; მღეროდნენ ზაფხულით აბიბინებულ მდელოზე, მთის კამკამა ტბასთან, რომელშიც ლურჯად მოლაყვარდე ცა არეკლილიყო, ცა, ყოველ აზსსა თუ გონებაზე მაღალი რომაა და მისგან მონაშუქი მზე ცისქვეშეთს თანაბრად ეფინება, განუზჩევლად ათბობს ავსაც და კარგსაც.

თავი მეთერთმეტე

ტყუპების დღეობა და ერთადერთი საიუბილეო სურვილი. მშობლები სათათბიროდ განმარტოვდებიან. შეტყუებული ცერათითები. კარის ჭუჭრუტანაში ჭვრიტინი.

პირველად მიუხვედრელობა, ბოლოს თანხმობა.

ნათქვამია, დრო ყველა ჭრილობას კურნავსო. გამოჯანმრთელდა ჩვენი ლოტსენიც. იგი ისევ ის ნაწნავიანი გოგონაა, ლუიზას კი ძველებურად ამშვენებს თავისი კულულები, გადაიყრის, როგორც მოეპრიანება. პატარა გოგონები ახლა დიდი ხალისით ეხმარებიან დედასა და ჩუჩის, საყიდლებზე ეგზავნებიან, სამზარეულოში დაფუსფუსებენ, ერთად თამაშობენ საბავშვო ოთახში, ერთადვე მღერიან, როდესაც ლოტსენი ან მამა უკრავს ფორტეპიანოს. პატარები ბატონ გაბელესაც ხშირად აკითხავენ ხოლმე შინ. პეპერლსაც არ ივიწყებენ. თუ ბატონ შტრობლს მიღება აქვს, ძალიან თვითონ გამოჰყავთ სასეირნოდ. ცუგრია უკვე შერიგებია ლუიზას უცნაურ გაორებას, სამაგიეროდ, გოგონებისადმი სიყვარული გაუორკეცდა და ორივეს შუაზე გაუყო. საზრიანობაც ასეთი უნდა!



მთლად დამშვიდებულებიც ვერ იყვნენ ბავშვები: ზოგ-
ჯერ მათ თვალეში შიში ჩაიბუდებდა, შიში იმისა, ჩა
მოსდებოდა შემდგომ...

* * *

თოთხმეტ ოქტომბერს ორივე გოგონას დღეობა ჰქონ-
და. პატარები საბავშვო ოთახში ისხდნენ მშობლებთან
ერთად. მაგიდაზე ორი შოკოლადის ნამცხვარი შემოი-
ტანეს. ნამცხვარს ოსშივარი ასდიოდა. თითოეულის გარ-
შემო ათ-ათი შემომწკრივებული სანთელი პარპალებდა.
მამამ „ტყუპთა სადღესასწაულოდ“ საგანგებოდ დაწე-
რილი საუცხოო მარში დააგრიალა ფორტეპიანოზე. ახლა
იგი სკამიანად შემოტრიალდა და იკითხა:



– მაინც რა იყო, საჩუქრების ყიდვა რომ არ დაგვანებეთ?

ლოტამ ამოიხვნეშა:

– ჩვენ ისეთი რამ გვსურს, რისი ყიდვაც შეუძლებელია!

– მერე, რაა ასეთი? – ჰკითხა დედამ.

ახლა ლუიზამ ამოიოხრა, მერე ათრთოლებული ხმით უთხრა მშობლებს:

– მე და ლოტხენს დაბადების დღეს გვსურს, ერთად ვიყოთ, მუდამ ერთად ყოფნა დაგვებედოს! – როგორც იქნა, თქვა სათქმელი ლოტამ და მაშინვე ძალიან წყნარად დაუმატა:

– სიცოცხლეში სხვა არაფერ საჩუქარს აღარ მოგ-
თხოვს! არც სადღეობოდ, არც შობას!

მშობლები კვლავ დუმან.

– შეეცადეთ მაინც, – ლუიზას თვალზე ცრემლი მოს-
დგომია, – ყველაფერს დაგიჯერებთ, კიდევ უფრო მეტად,
ვინემ ახლა, საერთოდ, ბევრად ლამაზი იქნება ყველაფე-
რი.

ლოტამ დასტურის ნიშნად თავი დაუქნია და დაუმატა:

– პირობას გაძლევთ!

– პატიოსან სიტყვას გაძლევთ! – საჩქაროდ დაურთო
ლუიზამაც.

ფორტეპიანოს წინ მჯდარი მამა სკამიდან წამოდგა.

– ხომ არაფერი გექნებოდა საწინააღმდეგო, ლუიზე-
ლოტე, ორიოდ სიტყვით რომ მოგვესაუბრა?

– თანახმა ვარ, ლუდვიგ! – მიუგო ყოფილმა ცოლმა.

ორივენი მერობელ ოთახში გავიდნენ და კარი გაიხუ-
რეს.

ოთხი პაწია ცერათითი ოთხ პაწია ხელს მოუმწყვდევია
და ჩაუბღუჯავს. ლოტა ტუჩებს აცმაცუნებს.

– ლოცულობ? – ჰკითხა ლუიზამ.

ლოტამ თავი დაუქნია. ახლა ლუიზამაც ააცმაცუნა
ტუჩები.

– მოგვხედე ჩვენ, უფალო იესო, იყავნ სტუმარი ჩვენი, გარდმოავლინე წყალობა შენი ჩვენზედ და გვადირსე ბედო! – სმადაბლა ბუტბუტებს გოგონა.

ლოტამ უხალისოდ შეარხია ნაწნავები.

ამაზე ლუიზამ უმწეოდ წაიდუდუნა.

– ეს ლოცვა არ უხდება, მაგრამ სხვა ვერაფერი გამის-
სენებია და რა ვქნა?! უფალო იესო ქრისტე, შენს სახელს
ვენაცვალე, იყავნ სტუმარი ჩვენი, გარდმოავლინე! .

სწორედ ამ დროს ბატონმა პალფიმ წამოიწყო სათქმე-
ლი. თან იატაკს ჩამტერებია:

– თუკი თავს დავივიწყებთ, ცხადია, ბავშვები არასგზით
აღარ უნდა დავამორიშოროთ ერთმანეთს. ესაა და ეს !

– ჩასაკვირველია, არასდროს არ უნდა დავაცილოთ!

კაცი ისევ იატაკს ჩასცქერის.

– ჩვენ ახლა ბევრი რამ უნდა გამოვასწოროთ და წაღმა
შევებრუნოთ, – ჩაახველა, სმა რომ ჩაეწმინდა, – თანახმა
ვარ, რომ ბავშვები მიუნხენს წაიყვანო!

ქალმა გულზე წაივლო ხელი.

– იმედია, ნებას დართავ, ბავშვები წალიწადში ოთხი
კვირით მესტუმრონ! – განაგრძო კაცმა და რაკი ქალს სმა
არ ამოუღია, მაშინვე დაუმატა:

– სამი კვირით იყოს, თუნდაც ორი კვირით, ჰა! და მაშინაც. . . ვიცო, ვერ დაგარწმუნებ, მაგრამ, რა ვქნა, რომ ორივე ძალიან მიყვარს!

– ვითომ, რატომ არ უნდა გერწმუნო? – ჩაესმა ქალის პასუხი.



კაცმა მხრები აიჩინა.

– არ დამიმსახურებია და იმიტომ.

– კი, მაგრამ ავადყოფ ლოტხენს სარეცელთან ვინდა უჯდა? – მიუგო ქალმა, – გგონია, ბედნიერნი იქნებიან ბავშვები უმამოდ?

– უშენოდ მათი დატოვება სომ მთლად უარესია?!

– ოჰ, ლუდვიგ, ნუთუ ვერ ვხვდები, რა ადარდებთ ბავშვებს, თუ მცა გამოთქმა ვერ მოუხერხებიათ?!

– ჩასაკვირველია, ვხვდები, – კაცი ფანჯარასთან მივიდა, – რა თქმა უნდა, ორივეს სურვილს ვხვდები, – ფანჯრის უბრუნულს ჩაავლო ხელი, – ჩვენი ერთად ყოფნა უნდა!

– ბავშვებს დედ-მამა უნდა ჰყავდეთ, ნუთუ ეს კადნიერებაა? – გამომცდელად ჰკითხა ქალმა.

– კადნიერება როგორაა, მაგრამ ჩამდენი სურვილია ქვეყნად, უბრალო და მაინც აუხდენელი! – კაცი ფანჯარასთან ატუნულა, როგორც კუთხეში დაყენებული ყმაწვილი, ნაბიჯი რომ ვერ გადმოუდგამს სიჯიუტის გამო.

– რატომ აუხდენელი?

ლუდვიგი გაოცებული შემოტრიალდა.

– იმის შემდეგ, რაც მოხდა, ამას მეკითხები?

ქალი დინჯად შეაცქერდა სახეში და ოდნავ შესამჩნევად დაუქნია თავი.

„დიახ, ყოველივე იმის შემდეგ!“

ლუიზა კართან მიმდგარა და საკეტის ჭუჭრუტანაში იჭვრიტება; ლოტაც მის გვერდითაა და მაგრად მომუ-

ჭული ხელები წინ გაუშვერია, ცერათითებს აქეთ-იქით ათამაშებს.

– ოჰო-ჰო-ჰო! – წაიჩურჩულა ლუიზამ, – მამამ დედას აკოცა.

ლოტამ ლუიზა უბოდისოდ განზე გასწია, თუმცა წინათ ასე არ მოიქცეოდა და თვითონ შეიჭყიტა ჭუჭრუტანაში.

– ახლა! როგორაა, კიდევ აკოცა? – ჰკითხა ლუიზამ.

– არა, – ჩურჩულითვე მიუგო სასეგაბადრულმა, თავი მაღლა ასწია, – ახლა დედამ აკოცა მამას!

ტყუპებს შვების ოხვრა აღმოსდათ და ერთმანეთს ჩა-
ესვივნენ.

თავი მეოთხე

ბატონი გრაუნდერი გაოგნებულია. სკოლის დირექტორის — კილიანის სასაცილო ნაამბობი. ლუიზა და ლოტა ქორწილს აწყობენ. მიუნხენის ილუსტრირებული კვირეულის სატიტულო გვერდი. ახალი აბრა ძველ კარზე. „კეთილი იყოს ჩვენი მეზობლობა, ბატონო კაპელმაისტერო!“ გარდასული ბედნიერება შეგიძლია დაიბრუნო. ბავშვების სიცილი და საბავშვო სიმღერა. „ოლონდ ტყუპები“.

ბატონმა გრაუნდერმა, ვენის პირველი რაიონის მმართველის ძველმა, გამოცდილმა მოხელემ დავთარში გაატარა ქორწინება, გვარიანად რომ დააბნია ეს ბევრის მნახველი კაცი: ნეფე-დედოფალი ყოფილი ცოლ-ქმარი გახლდათ, თანაც ერთმანეთისაგან განუზრჩვევლი ათ-ათი წლის ტყუპები ჰყავდათ! აგერ კიდევ მეჯვარე, მხატვარი გაბელე უჰალსტუსოდ გამოცხადდა; სამაგიეროდ, მეორე ნათლიას, კარის ექიმს, დოქტორ შტორბლს ძალიან თან წამოუყვანია. ცუგრია წინა ოთახში დატოვებს, მაგრამ ისეთი აუზნაური ატეხსა, უკანვე შემოიყვანეს. ასე რომ, ამ სამოქალაქო ქორწინების მოწმე, ნება-უნებურად, ძალ-

ლიც უნდა ყოფილიყო. ძალი და მოწმე – ეს ჩა უბედურებაა!

ლუიზა და ლოტა მოწინააღმდეგეობით ისხდნენ თავიანთ სკამებზე, სისხარულისაგან მეცხრე ცას სწეოდნენ. მაგრამ ეს მარტოოდენ ბედნიერება როდი იყო, ეს მათი სიამაყეც გახლდათ, და მეზე როგორი – მათი წყალობით არიან ასე ბედნიერები: აბა, ჩა ეშველებოდათ საწყალ მშობლებს, რომ მათი ბავშვები არ ყოფილიყვნენ! არა, არცთუ ისე ადვილი გახლდათ ეგზომ საიდუმლოდ ბედის გაჩარხვა! არ დაჰყლებიათ არაფერი – არც ფათერაკები, არც ცრემლები... შიში, ძრწოლა, სიცრუე, სასოწარკვეთა თუ ავადმყოფობა.

ცერემონია დამთავრდა. ბატონი გაბელე და პალფი ჩადაცაზე საიდუმლოდ ჩუჩულებენ და თვალებს უპაჭუნებენ ერთმანეთს, მაგრამ ჩა საიდუმლო უნდა ჰქონდეთ ასეთი, არავინ უწყის. პალფისთან განშორებულმა ფრაუ კერნერმა, ახლა მასთანვე შეუდლებულმა და ფრაუ პალფად გამოცხადებულმა, თავისი ძველი და ახალი მბრძანებლის ჩუჩულებს მოჰყრა მხოლოდ ყური – „ჯერ აღრეაო“. მეზე ქმარი ცოლს მიუბრუნდა:

– ერთი საუცხოო აზრი მომივიდა თავში. იცი, ჩა? ჯერ

სკოლაში შევიაროთ და ლოტა წარვუდგინოთ მასწავ-
ლებლებს.

– მაგრამ ლოტა სომ ჩამდენიმე კვირაა... თუმცა, მა-
პატიე, მართალი ხარ.

ბატონმა კაპელმაისტერმა ალერსიანად გადახედა
ქაღს.


– თავისთავად ცხადია!..

* * *

ბატონმა კილიანმა, ქალთა სკოლის დირექტორმა, პი-
რი დაადო, კაპელმაისტერმა პაღფიმ და მისმა ცოლმა
თავიანთი მეორე ქალიშვილი რომ წარუდგინეს: გოგონა
გაჭრილი ვაშლივით ჰგავდა ლუიზას. მაგრამ მას, რო-
გორც სკოლის ხანდაზმულ ხელმძღვანელს, ბევრი ჩამ
უნახავს ცხოვრებაში, არცთუ ნაკლებ საკვირველი. ბო-
ლოს და ბოლოს, ახლაც გაარკვევს ყოველივეს. რაკი ახა-
ლი მოწაფე წესისამებრ დიდ ყურნალში ჩაწერა, კმაყო-
ფილი ჩაემვა საწერ მაგიდასთან მდგარ სავარძელში და
აი, რა უამბო იქ მყოფთ:

– როცა ახალბედა მასწავლებელი გახლდით, ერთი
ყურადსადები ამბავი შემემთხვა, ახლავე მოგიყვებით


თქვენცა და თქვენს პატარა
გოგონებსაც:



ერთ გაზაფხულზე კლასში
პატარა ბიჭუნა შემოგვემატა.
ყმაწვილი ღარიბი ოჯახშივი-
ლი იყო, მაგრამ კობწიად ჩაც-
მული დადიოდა და ბეჯითობი-
თაც გამოირჩეოდა – მაშინვე
შევამჩნიე. წინ წავიდა კიდევ,
სულ ცოტა ხანში არითმეტი-
კაში ყველას სჯობნიდა. მაგ-
რამ ყოველთვის როდი ამართლებდა მოლოდინს. ამან კი
დამაფიქრა – ნეტავ, რას უნდა მოასწავებდეს ეს ამბა-
ვი-მეთქი. გაგიგონიათ? ეს რა უცნაურობაა: ბავშვი ხან
სხაპასხუპით, შეუცდომლად გვიამბობს, ხან ჩაღაცას
წამოაყრანტალებს!

ბატონმა კილიანმა ცოტა ხნით შეისვენა, შთაბეჭდი-
ლება რომ გაემძაფრებინა, მერე ლუიზასა და ლოტას მე-
გობრულად ჩაუპაჭუნა თვალი და განაგრძო:

– როგორც იქნა, გამოვნახე საუცხოო მეთოდი: საგან-
გებოდ ვინიმნავდი ბლოკნოტში, თუ როდის ანგარიშობდა



ბიჭი კარგად და ჩოდის ცუ-
დად. უცნაური ჩამ გამოიჩვენა:
ორშაბათობით, ოთხშაბათობით
და პარასკეობით ბავშვი შესა-
ნიშნავად ჰყვებოდა, ხოლო
სამშაბათობით, ხუთშაბათო-
ბით და შაბათობით — ცუდად.

— ჩას ბრძანებთ! — გაუკვირდა პალფის.

პატარა გოგონებიც ცნობისმოყვარედ ცქმუტავდნენ
სკამებზე.

— ექვს კვირას ვაკვირდებოდი, — განაგრძო ხანდაზ-
მულმა კაცმა, — მაგრამ არაფერი იცვლებოდა... ერთ
მშვენიერ საღამოს ბავშვის მშობლებს შინ ვესტუმრე და
ჩემი უცნაური დაკვირვების ამბავი გავანდე. ცოლ-ქმარ-
მა ერთმანეთს გადახედა, თითქოს კიდევ დაირცხვინეს
და ოხუნჯობადაც ჩათვალესო ჩემი ნათქვამი, მერე კაცი
მომიბრუნდა და მითხრა:

— ყველაფერი სწორად შეგიმჩნევიათ, ბატონო მასწავ-
ლებლო! — მერე პირში ორი თითი ჩაიდო და დაუსტვინა.
მეზობელი ოთახიდან ორი ბუჭუნა შემოიძურწა. ზუსტად
ერთი სიმაღლისანი იყვნენ და სახითაც ერთმანეთისაგან
ვერ გააჩვენდით.

– ტყუპები განლავან! – მითხრა ქალმა, – ერთს ზეპი ჰქვია, ეგაა, კარგად რომ ანგარიშობს, მეორეს – ტონი.

ცოტათი რომ გამოვერკვიე, მშობლებს ვკითხე.

– რატომ ორივეს არ გამოგზავნით სკოლაში, ჩემო კარგებო?

– რა ვქნათ, ბატონო მასწავლებელო, დარბიი ხალხი ვართ – ორივე ბიჭუნას მხოლოდ ერთი ხელი სეირიანი ტანისამოსი აქვს ზიარად.

ხალფებს სიცილი აუტყდათ. ბატონმა კილიანმა ცუღვაშებში ჩაიღიმა. ლუიზამ კი შეჰყვირა:

– ჩინებული ოინია, ჩვენც ასე ვიზამთ!

ბატონი კილიანი თითით დაემუქრა გოგონას:

– აბა, ეგეთები არ იყოს! ფროილან გსტეტნერს და ფროილან ბრუკბაუერს იმდენი საზრუნავი აქვთ, რომ კიდევ თქვენი გარჩევისა და მომწყემსვის თავი სადღა ექნებათ!

– მით უფრო, თუ თმას ერთნაირად დავივარცხნით და ადგილებსაც გავცვლით! – წამოიძანა აღფრთოვანებულმა ლუიზამ.

ბატონმა დირექტორმა თავზე ხელები შემოიჭდო, ვითომდა სასოწარკვეთილმა:

– საშინელებაა! თქვენ მაშინ იკითხეთ, რომ გაიზრდე-

ბით, დაქალიშვილდებით და ვინმე ბედნიერი თქვენს ცო-
ლად შერთვას დააპირებს!

– ჩაკი ერთმანეთს ვგავართ, მოწონებითაც ერთსა და
იმავე კაცს მოვეწონებით, – თქვა ფიქრში წასულმა ლო-
ტამ.

– ჩვენც უსათუოდ ერთი და იგივე ვინმე მოგვეწონება!
– მიაძახა ლუიზამ...

* * *

სელახლადაქორწინებული ცოლ-ქმარი თავიანთი
ტყუებებიანად სკოლის ეზოში გამოვიდნენ. ბავშვებს ამ
დროს შესვენება ჰქონდათ.

ლოტასა და ლუიზას ასობით გაოცებული გოგონა შე-
მოესვია გარს. ტყუებებს ათვალიერებდნენ, თან თვალებს
არ უჯერებდნენ.

ბოლოს, ტრუდამ მუჯლუგუნებით გაიკაფა გზა. სუნ-
თქვაშეკრული შესცქეროდა სან ერთს, სან მეორეს. მერე
შეცბუნებული მიეჭრა ლუიზას.

– მე კრინტის დაძვრასაც მიკრძალავდი, ახლა კი ქვე-
ყანას გააგებინეთ?

– ეს მე ვიყავი და არა ლუიზა! – უთხრა ლოტამ.

– ახლა შეგიძლია, თავისუფლად მოუყვე ყველას. სვა-
ლიდან ორივენი ერთად ვივლით სკოლაში! – განუცხადა
ღუიზამ.

ბოლოს, პალფიმ ყინულმჭრელივით გაარღვია ეს ჯარი
და თავისი ცოლ-შვილი სკოლის ჭიშკრისაკენ წაიყვანა.
ტრუდა კი ცნობისმოყვარეთა ლუკმად დარჩა. ბუქსირით
აათრის იგი ცირცელის ტოტზე და მანაც სმენადქცეულ
გოგონებს ყველაფერი ჩაუკენჭა, რაც იცოდა.

ზარი დაიბრუნა, შესვენება დამთავრდა. მასწავლებ-
ლებმა საკლასო ოთახებს მიაშურეს, მაგრამ დაცარიე-
ლებული დაუხვდათ, ფანჯრებს ეცნენ, გადაიხედეს, ეზო
მოყრიაძულე ბავშვებით ავსებულიყო და მასწავლებლე-
ბიც უმაღვე დირექტორის კაბინეტისაკენ გაეშურნენ სა-
ჩივლელად.

– დაბრძანდით, ჩემო ქალბატონებო! – მიმართა მათ
სკოლის დირექტორმა, – ჩვენმა დარაჯმა ახლახან მი-
უნსენის ილუსტრირებული ყურნალი მომიტანა, ძალზე
საინტერესო გარეკანი აქვს, აი, იხეეთ!

მასწავლებლებსაც და სკოლის ეზოში შეგზოვილ მოს-
წავლეებსაც სულ გადაავიწყდათ, რომ შესვენება დიდი
ხნის დამთავრებული იყო.

ფროილან ირენა გერლასი ჩვეულებისამებრ კონტად მორთულ-მოკაზმული ოპერის წინ იდგა და გაოცებული ათვალეობდა ყურნალის გარეკანზე გამოსახულ ორ პატარა, ნაწნავებიან გოგონას. ეს კიდევ არაფერი, როგორ გაოცდა, თავი რომ ასწია და გზაჯვარედინზე გაჩერებულ ტაქსიში სწორედ ის ორი გოგონა დაინახა! პატარებს თან ახლდათ გერლასის კარგად ნაცნობი მამაკაცი და ქალი, რომლებს გაცნობასაც იგი, ალბათ, არასდროს მოისურვებდა.

ლოტამ თვალთ ანიშნა ლუიზას:

– გაიხედე იქით!

– მე რე ვის ხედავ მანდ?

– ფროილან გერლასი დგას! – წასჩურჩულა ლოტამ.

– აბა, სადა?

– მარჯვნივ, შლაპა რომ ახურავს და ხელში ყურნალი უჭირავს.

ლუიზამ აღმაცვირად გახედა კონტა ქალს. ოჰ, რა სიამოვნებით გამოუყოფდა ენას!

– რა მოგივიდათ? – მგონი, დედამაც შეამჩნია ჩადაც.

ბედად გვერდით მდგომი ავტომანქანიდან ხანში შე-

სული ქალი გადმოიხარა, დედას ყურნალი გაუწოდა, თან სიცილით უთხრა:

– ნება მიბოძეთ, საგულისხმო ჩამ შემოგთავაზოთ!

ფრაუ პალფიმ ყურნალი გამოართვა, თან მადლობა მოახსენა. მერე გარეკანს დახედა და ყურნალი ქმარს გაუწოდა.

ამასობაში მანქანებიც დაიძრნენ. ხანში შესულმა ქალმა გამოსამშვიდობებლად ხელი დაუქნია. გოგონები მამის გვერდით სკამზე აცოცდნენ და განცვიფრებულნი დააჩერდნენ ყურნალის გარეკანს!

– ოჰ, ეს სამაგელი ბატონი აიპელდაუერი, როგორ გაგვაცურა! – წამოიძახა ლუიზამ.

– აკი ყველა სურათი დავხიეო! – თქვა ლოტამ.

– ფოტოფირები ხომ დარჩებოდა, მისგან ასობით სურათის დამზადება შეეძლო, – აუხსნა ბავშვებს დედამ.

– ჩა კარგია, რომ ასე მოიქცა, – თქვა მამამ, – უამისოდ დედათქვენი თქვენს საიდუმლოს ვერ გამოიცნობდა და დღევანდელი ქორწილიც არ იქნებოდა!

ლუიზა უცებ შემობრუნდა და ოპერისაკენ მიიხედა, ფროილან გერლახი იქ აღარ იდგა.

ლოტა კი დედას მიუბრუნდა:

– ჩვენ ბატონ აიპელდაუერს წერილს გავუგზავნიო და
მადლობასაც გადავუხდით!

* * *

ხელახლაგამომცხვარი ცოლ-ქმარი და მათი ტყუპები
როტენტურმშტრასეზე მდებარე სახლის კიბეს მიადგნენ.
ღია კართან საკვირაო კაბაში გამოწყობილი ჩეზი იდ-
გა. ფართო, გლესური პირისასე გაბადროდა. ყვავილების
უშველებელი თაიგული გაუწოდა ახალგაზრდა ქალს.

– დიდ მადლობას მოგახსენებთ, ჩეზი, ძალზე მახარებს,
ჩვენთან დარჩენას რომ აპირებთ!

ჩეზი თოჯინასავით აკანტურებდა თავს და ლულულუ-
ლებდა:

– კი მინდოდა შინ დაბრუნება, სახლ-კარს და მამა ბა-
ტონს მიხედავ-მეთქი, მაგრამ ფროილდინ ლოტსენს ისე
შევეწყვე, რომ...

ბატონ კაპელმაისტერს გაეცინა და უთხრა:

– ჰო, მაგრამ დანარჩენმა სამმა ჩა დავაშავეთ, ჩეზი?
ჩეზიმ საცოდავად აიჩეჩა მხრები.

– კარებში ხომ არ უნდა ვიდგეთ! – თქვა ფრაუ პალ-
ფიმი.

– მობრძანდით, გენაცვალეთ! – და რეზიმ ფართოდ გა-
ალო კარი.

– დაიცათ! – თქვა მამამ, – ჯერ ჩემს მეორე ბინაში უნ-
და შევიარო!

ყველანი გაოცებულები იყვნენ, თვით პალფის გარდა. რაღა ამ ქორწილის დღეს მოეპრიანა ატელიეში წასვლათ (არა, რეზის სულაც არ გაჰკვირვებია რაიმე, პირიქით – ჩუმად ჩაიცინა თავისთვის).

ლუდვიგი ბატონ გაბელეს კარს მიადგა, ჯიბიდან გა-
საღები ამოიღო და მშვიდად გააღო. ძველი აბრა ჩამოუხ-
სნიათ და ახალი გაუკრავთ – „პ ა ლ ფ ი“.

გახარებული ლოტხენი მამას მივარდა.

– ოჰ, მამიკო! – შესძახა ბედნიერებისაგან თვალებ-
გაბრწყინებულმა გოგონამ.

ლოტას გვერდით მდგომმა ლუიზამ, წარწერა რომ წა-
იკითხა, თავის დაიკოს სახელოში ხელი ჩაავლო და ცეკ-
ვას მოჰყვა. მათთან ერთად ძველი სახლიც აცეკვდა და
აზანზარდა.

– აბა, ახლა გეყოფათ! – წამოიძახა ბოლოს ბატონ-
მა კაპელმაისტერმა, – გასწით, რეზის მიესმარეთ! – მე რე
საათს დახედა: – მე დედათქვენს ახალ ბინას ვუჩვენებ და

ნახევარი საათის შემდეგ სადილადაც დავსხდებით; დრო რომ მოაწევს, დაგვირეკეთ! — მერე ყმაწვილ ქალს ხელკავი გამოსდო და წაიყვანა.

მოპირდაპირე კართან მდგარმა ლუიზამ რევერანსი გაუკეთა.

— კეთილი ყოფილიყოს ჩვენი მეზობლობა, ბატონო კაპელმაისტერო!

* * *

ყმაწვილმა ქალმა შინ შესვლისთანავე პალტო გაიძრო და ქუდი მოიხადა, თან წყნარად თქვა:

— რა ჩინებული სიურპრიზია?!

— ხომ მართლაც საუცხოო სიურპრიზია?! — ჩაეკითხა კაცი.

ქალმა თავი დაუქნია.

— დიდი ხანია, ლოტამ მოისურვა, მერე მეც დამიჯდა ჭკუაში, — თქვა კაცმა, — ბატონმა გაბელემ საომარი გეგმა ისე დაამუშავა, უმნიშვნელო წვრილმანიც არ გამოჩენია, ავეჯის გადმოტანაც რომ მოაგვარა!

— ამიტომ შევუხვიეთ, არა, პირველად სკოლაში?

— ჰო, როიალის გადმოტანა ისე გაუძნელდათ მუშებს, როგორც ტიტანებთან ბრძოლა — ოლიმპიელებს.

როიალზე წინანდებურად იყო შემოდებული ყმაწვილი ქალის ჰველი, მაგრამ მაინც დაუვიწყარი სურათი, საწერი მაგიდის უჯრის ტყვეობიდან რომ გამოეხსნათ.

ლუდვიგმა ქალს ხელი მოხვია.

— აი იქ, მესამე სართულზე, ხელმარცხნივ, ყველანი ბედნიერად ვიცხოვრებთ ერთად, მუშაობისას მე აქ განვმარტოვდები ხოლმე, მხოლოდ კედელი გაგვმიჯნავს!

— რა დიდი ბედნიერებაა! — ქალი ლუდვიგს მკერდზე მიეკრა.

— ყოველ შემთხვევაში, იმაზე მეტი, ვიდრე დავიმსახურეთ! — სერიოზულად მიუგო კაცმა.

— მაგრამ არც იმაზე მეტი, რისი ატანაც შეგვიძლია!

— ვერასოდეს წარმოვიდგენდი, თუ ასე მოხდებოდა!

— რა?

— თუ დაკარგული ბედნიერების დაბრუნება ისევე შეიძლებოდა, როგორც გაცდენილ გაკვეთილს ინაზღაურებს კაცი.

ლუდვიგმა ცოლი კედელზე ჩამოკიდებული სურათისაკენ მიახედა. გაბელეს მიერ შესრულებული, ჩარჩოში ჩასმული სურათიდან პატარა, ჭკვიანი ბავშვი შემოსცქეროდა მშობლებს.

– ჩვენი ბედნიერების თითოეულ წუთს ჩვენსავე ბავშვებს უნდა ვუძაღლოდეთ! – წარმოთქვა კაცმა.

* * *

წინსაფარაფარებული ლუიზა სამზარეულოში სკამზე შემდგარიყო და კედელზე ამაგრებდა ჩვენთვის აწ ცნობილი ყუჩნალის გარეკანს.

– ჩინებულია! – მოკრძალებით უთხრა რეზიმ.

ლოტასაც წინსაფარი აუფარებია და ქურასთან ტრიალებს.

რეზი თვალებზე მომდგარ ცრემლს იწმენდს, ჩუმი ფშუტუნებს, თან ფოტოსურათს მისჩერებია.

– ზომელია ამ სურათში ლუიზა და ზომელი – ლოტა? გოგონები დაბნეულად შესცქეროდნენ ერთმანეთს, მერე სურათს შეხედავდნენ... კვლავ ერთმანეთს შეჰყურებდნენ.

– მაშ, ასე, – დაიწყო ლოტხენმა.

– მე მგონი, ფოტოგრაფმა რომ დილაკი ააჩსაკუნა, მარცხნივ მე ვიჯექი, – თქვა ჩაფიქრებულმა ლუიზამ.

ლოტამ თავი გააქნია.

– არა, მარცხნივ, მგონი, მე ვიჯექი... თუ?

ანდ... გოგონებს სურათისაკენ კისრები წაუგრძელებიათ...

– დახეთ საკვირველებას, თვითონაც რომ ვერ გამოუცვნიათ?! – უნებლიეთ წამოიძახა რენიმ და გადაიკისკისა.

– არა, ნამდვილად თვითონაც ვერ გაგვიჩვენია! – შეკყვირა აღტაცებულმა ლუიზამ.

ამაზე სამივენი ერთად ახარხარდნენ. მათი ყრიაბული მეორე ოთახშიც გადიოდა. იქ მყოფ ქალს, ცოტა არ იყოს, შეეშინდა.

– რა ამბავია, როგორ შეიძლება ასეთ აუზნაურში მუშაობა!

პალფი როიალთან მივიდა და სანამ სახურავს ახდიდა, ჩაილაპარაკა:

– სწორედ მისწრებაა ასეთი აუზნაური!

კაპელმაისტერმა ცოლის პატივსაცემად დუეტი დაუკრა თავისი საბავშვო ოპერიდან. გვერდითი ბინის სამზარეულოსაც მისწვდა დარჩეული ჰანგი. გატრუნულნი უსმენდნენ მუსიკას, ცდილობდნენ, არც ერთი ბგერა არ გამოჩენოდათ. როდესაც როიალის ხმა მიწყდა, ლოტამ

დარცხვენით იკითხა:

– ჩას იტყობდი, რეზი, თუ დედა და მამა სამუდამოდ ჩვენთან ერთად დარჩებიან, გვეყოლება და-ძმები?

– ჩა თქმა უნდა! – დარწმუნებით უთხრა რეზიმ, – მეჩე, გინდათ კი?

– ჩასაკვირველია! – კვერი დაუკრა ლუიზამ.

– გოგონები გინდათ, თუ ბიჭუნები? – ახლა კი თამაშად ჰკითხა რეზიმ.

– გოგონებიც და ბიჭუნებიც! – მიუგო ლოტამ.

– ოღონდ ტყუპები! – გულიანად თქვა ლუიზამ.



შინაარსი

თავი პირველი

ზეებიული ბიულწეწეწე. ბავშვთა პანსიონატები თითქოს ფუტკრის სკეებია. ავტობუსს ოცი ახალბედა ჩამოჰყავს. კულულები და ნაწნავები. შეიძლება ბავშვმა ბავშვს ცხვირზე უკბინოს? ინგლისის მეფე და მისი ასტროლოგიური ტყუპის ცალი. ვაი, თუ სიცილმა ნაოჭები დაამჩნის..... 5

თავი მეორე

ჩით განსწვავდება დაზავება მშვიდობისაგან? სადალაქო სალონი სააბაზანოში. გაორებული ლიტხენი. ტრუდას სილა გააწნეს. ფოტოგრაფი აიპელდაუერი და სასტუმროს დიასახლისი. ჩემი დედიკო! – ჩვენი დედიკო! – თვით ფროილდინ ულრიკეც შეეჭვებულა..... 22

თავი მესამე

ახალი კონტინენტების აღმოჩენა. გამოცანას გამოცანა მოსდევს. ოზად გაყოფილი სახელი. კუშტი ფოტოსურათი და მხიარული ბარათი. შტეფის მშობლები გაყრას აპირებენ. შეიძლება კი ბავშვების გაჩენა? 39

თავი მეოთხე

ყელში ამოვიდა ერბოკვერცხი. საიდუმლო რვეულები. სკოლის გზა და ძილისპირული ამბორი. შეთქმულება იკვანძება. ბაღში გამართული ზეიმი გენერალურ რეპეტიციად გამოიყენეს. გამომშვიდობება ზეებიულ-ბიულზეესთან.. 47

თავი მესამე

ჩემოდანზე წამოსკუპული ბავშვი. „იმპერიალის“ მარტონელა ძიები.პეპერლისა და, საერთოდ, ცხოველთა უტყუარი ინსტინქტი. „ლუიზა“ მამას კითხება, შეიძლება ოპერაში სელი დაგიქნიო? შეცდომები საოჯახო წიგნში. შიშლიე ტემპლეს მისივე მონაწილეობით გადაღებული ფილმების ნახვას უკრძალავენ. ბატონ კაპელმაისტერის რთული შინაგანი ცხოვრება... 56

თავი მეექვსე

ნეტავ, საითაა ფრაუ ვაგენთჰალერის დუქანი? კი მაგრამ, სად გაგონილა, ბავშვს კერძის გაკეთება გადავიწყებოდეს? ლოტამ მამას სელი დაუქნია ოპერაში. გულიანი შოკოლადების წვიმა. როგორ ჩაიარა პირველმა დამემ მიუნხენსა და ვენაში. უცნაური სიზმარი, ფროილიან გერლახს კუდიანად რომ წარმოგვიდგენს, მშობლებს ყველაფრის ნება აქვთ! „კესანე, — მიუნხენი — I8!“ 71

თავი მეშვიდე

კვირას კვირა მოსდევს. პეპერლი კმაყოფილია. ერბოკვერცხს ძვლები არა აქვს. ყველაფერი შეიცვალა – ჩენის სომ ველარ იცნობთ. კაპელმაისტერი პალფი მუსიკის გაკვეთილებს ატარებს. ფრაუ კერნერის საყვედურები. ანი ჰაბერშეცერი გაასილაქეს. ასეთი სანატრელი კვურადღე ქვეყნად ჯერ არ ყოფილა. 94

თავი მერვე

ბატონ გაბელეს სახელოსნოს ციციქნა ფანჯრები. ყავით გამასპინძლება კერტნერ-ჩინგზე. დიპლომატიური საუბარი. მამა სომ მკაცრი უნდა იყოს! C-Moll ქორწინების გეგმა. კობენცლალეე – 43. ფროილან გერლასი გაოცებულია. კარის მრჩეველი შტრობლი ფრიად შემოფოთებულია. კაპელმაისტერი დედოფალს ეფერება. 108

თავი მეცხრე

ბატონ აიპელდაუერის ფოტოებმა სულ მთლად დააბნია ქალი. კი მაგრამ, ნამდვილად ლოტაა? ფრაუ კერნერმა ფროილან ლინეკოგელს გაანდო სვაშიადი. დამაშხული ღორის სუკი და დამსხვრეული ჭურჭელი. ლუიზას აღსარება. რატომ აღარ ამღევს პასუხს ლოტა? 138

თავი მეათე

მიუნხენი რეკავს. ყოვლის მხსნელი სიტყვა. რეზისაც აებნა დავთარი. ვენიდან მომავალ თვითმფრინავში ორი ადგილი შეკვეთილია. პეპერლი ბუქნავს. კარებთან მიტუნული ჭორიკანა კოპებს თუ მოიძვის. ბატონი კაპელმაისტერი ღამის გასათევად სახელსნოს მიაშურებს, იქ დაუპატიყებელი სტუმარი ეწვევა... 150

თავი მეთერთმეტე

ტყუების დღეობა და ერთადერთი საიუბილეო სურვილი. მშობლები სათათბიროდ განმარტოვდებიან. შეტყუებული ცერათიები. კარის ჭუჭრუტანაში ჭვრიტინი. პირველად მიუხვედრელობა, ბოლოს თანხმობა. 163

თავი მეთორმეტე

ბატონი გრაფუნდერი გაოგნებულია. სკოლის დირექტორის – კილიანის სასაცლო ნაამბობი. ლუიზა და ლოტა ქორწილს აწყობენ. მიუნხენის ილუსტრირებული კვირეულის სატიტულო გვერდი. ახალი აბრა ძველ კარზე. „კეთილი იყოს ჩვენი მწიგნობრობა, ბატონო კაპელმაისტერო!“ გარდასული ბედნიერება შეგიძლია დაიბრუნო. ბავშვების სიცილი და საბავშვო სიმღერა. „ოღონდ ტყუაბი“... 176